

नमो नमो निम्मल दंशणस्स

# आगमसुत्ताणि



१३

रायपसेणियं

बीजं उदंगसुत्तं

संसोहय-संपायग

निपुण निर्यामिड पू. मुनिराज श्री सुधर्म सागरज्ज म. ना शिष्य

मुनि दीपरत्नसागर

બાલ બ્રહ્મચારી શ્રી બેમિનાથાચ નમઃ

નમો નમો નિમ્મલ રંસગસ

શ્રી આનંદ-ક્ષમા-લલિત-સુશીલ-સુધર્મસાગરગુરુભ્યો નમઃ

# ૪૫-આગમસુત્તાણિ

—: સં સો હ ય—સં પા ય ગ :—

પૂજ્ય મુનિરાજ શ્રી સુધર્મસાગરજી મહારાજ સાહેબના સિદ્ધ

**મુનિ દીપરત્નસાગર**

તા. ૨૨/૭/૯૬

સોમવાર ૨૦૫૨

અષાઢ સુદ : ૬

૪૫ આગમના સેટની કિંમત - રૂ. ૧૫૦૦/-  
(ભાવિ આગમ-કાર્ય ખાતે)

આગમ શ્રુત પ્રકાશન

મુદ્રક

નવપ્રભાત પ્રિન્ટીંગ પ્રેસ ધીકાંટારોડ, અમદાવાદ.

કુમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,  
શાહીબાગ, અમદાવાદ.

[2]

## આર્થિક અનુદાન દાતા

**૪૫ આગમમાં મુખ્ય દ્રવ્ય સહાયક**

મિષ્ટભાષી ક્રમણીવર્ચા શ્રી સૌમ્યગુણાશ્રીજીની પ્રેરણાથી

સ મ્ય ર્ મુ તા ભુ રા જી સ મ જો પ સિ હા

**શ્રીમતી નયનાબેન રમેશચંદ્ર શાહ - સપરિવાર [વડોદરા]**

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમદિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયારાધકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા.સૌમ્યગુણાશ્રીજીના શિષ્યા તપસ્વી સા. સમજાશ્રીજીના ૪૫ આગમના ૪૫ ઉપવાસ નિમિત્તે શા.કે.બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ ચોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ. રત્નત્રયાશ્રીજી મ.ની દ્વિતીયપુન્યતિથિ નિમિત્તે સા. મોક્ષરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્રે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ. ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વિંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્રે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાયટી, સુભાનપુરા-જ્ઞાનખાતુ-વડોદરા હ. લાલુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દોડા) અમદાવાદ

## [3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગલાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, શ્રે.મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્રે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્રે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્રે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છા. આ. શ્રી વિજયરામચંદ્રસૂરીશ્વરજી મ.સા.ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેવેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરાપણા શ્રમણીવર્યા શ્રી અનંતગુણાશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીહ સૂત્ર માટે]

● ૪૫ - આગમ સેટ-ચોજલા ગ્રાહક - દાતા ●

પ. પૂ. સ્ત્રી. સૌમ્યગુણાશ્રી મ. ના ઉપદેશ તથા તેમના સંસારીભાઈ શ્રી ઈન્દ્રવદન રતીલાલ દમ્યાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુફીબેન જયાન્દભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવાનીબેન ચંદ્રકાન્તભાઈ એચ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, ગુડા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. મહેતા, ધાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુફીબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મુદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નમનાબેન નરેન્દ્રભાઈ અર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુજવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાગીલાલ કાળીદાસભાઈ દોશી, મોરબી, હાલ-મદ્રાસ
૧૩. ચે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતુશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીબાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોહરત્નાશ્રીજી તથા સા. શ્રી સમજ્ઞાશ્રીજીની પ્રેરણાથી - હાલ ધુલિયાવાળા

- |                            |                               |
|----------------------------|-------------------------------|
| ૧ કાંતિલાલ હજરીલાલ ચોવટીયા | ૨ સંઘવી રતનલાલ ભગવાનદાસ રાહોડ |
| ૩ મધુમતી રાજેશ રેદાસની     | ૪ સરલાબેન રમેશચંદ્ર વોરા      |

૫ સુમનભાઈ બાલચંદજી ચોરડીયા

- ૬ અ.સૌ.હંસાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ રતીલાલ રાણપુરાવાળા તરફથી  
૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

- ૧ સુખડીયા હસમુખલાલ વનેચંદ (જામવંઘણી) નંદુરબાર  
૨ ગં. સ્વ. સુરજબેન પદમશી શાહ. હ. જયોતિબેન નંદુરબાર  
૩ સા. સમજ્ઞાશ્રીજીની પ્રેરણાથી શ્રી અજિતનાથ - મંદિર શ્વે. પૂર્તિ સંપન્ના શ્રાવિકાબહેનો નંદુરબાર  
૪ સા. સમજ્ઞાશ્રીજીની પ્રેરણાથી - શાહ યુનિલાલજી શિવલાલજી, સોનગીર  
૫ સુખડીયા યત્નભુજ જગમોહનદાસ હ. વીરાભાઈ - ધોરાજી  
૬ શાહ મફતલાલ ફકીરચંદ, વિધિગારક (ડબોઈ) હાલ-અમદાવાદ  
૭ સા. શ્રી સૌમ્યગુણશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ  
૮ સા. શ્રી સૌમ્યગુણશ્રીજીની પ્રેરણાથી શ્રીમતી જસુદેબેન લક્ષ્મીચંદ મેતા, હ.ઈન્દુભાઈ દામાણી, સુરત  
૯ સા. શ્રી મોહરત્નાશ્રીજીની પ્રેરણાથી સ્વ. સોમચંદ બોધાભાઈ પરિવાર હ. બાલુબેન, રામપુરા  
૧૦ પૂ. આગમોદ્ધારકશ્રીના સમુદાયના દીર્ઘસંપન્ની વિદુષી સા. શ્રી સુતારાશ્રીજી જામનગરવાળાના ઉપદેશથી તથા તેમના પટ્ટશિષ્યાની પુનિત પ્રેરણાથી  
૧૧ ભોગીલાલ ત્રિભોવનદાસ શાહ, હ. નયનાબેન, વડોદરા

૧૨ સંગીતા અજમેરીયા - મોરબી

● ૪૫ આમગસ્ટેટ યોજના-જામદાતા ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુણશ્રીજીની પ્રેરણાથી કિરણબેન અજિતકુમાર કાપડીયા, વડોદરા  
૩. સા. શ્રી સમજ્ઞાશ્રીજીની પ્રેરણાથી - શ્રી નિજામપુરા જૈન સંઘ, વડોદરા  
૪. સા. શ્રી સમજ્ઞાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા  
૫. સા. શ્રી મોહરત્નાશ્રીજીની પ્રેરણાથી ગં. સ્વ. વસંતબેન તંબકલાલ દોશી, નંદુરબાર  
૬. માણેકબેન શાહ- વડોદરા  
૭. શોભનાબેન શાહ - વડોદરા

### :- ગં ધા ણુ ક્ક મ :-

ક્રમકો	વિસય	સુત્ર	ગાથા	અણુક્કમ	પિટ્કો
૧	સૂરિયામ-દેવ પયરણ	૧-૪૭	-	૧-૪૭	૨-૩૬
૨	પપ્પિ-રાય પયરણ	૪૮-૮૫	-	૪૮-૮૫	૩૭-૬૪

### પરિસિટ્ટ-નિદંસણં

ક્રમ	પરિસિટ્ટ	પિટ્કો
૧	વિસયાણુક્કમો	૮
૨	વિસિટ્ટસાધાણુક્કમો	૮
૩	વિસેસ નામાણુક્કમો	૮
૪	ગાથાણુક્કમો	૮
૫	સુત્રાણુક્કમો	૮

### સુચનાપત્ર

૧. આગમ સૂત્રોમાં ૩૫૧ બાજુએ છપાયેલ પ્રથમ-અંક, સૂત્ર તથા ગાથાનો સંયુક્ત સર્ણગ ક્રમાંક સૂચવે છે. [અણુક્કમ]
૨. છેડે જમણી બાજુએ દર્શાવેલ હિન્દી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [કમ]
૩. સૂત્રને જણાવવા માટે અહીં ઉભા લીટા । । ની વચ્ચે આગમમંજુષાનો સૂત્રાંક મુકેલો છે. [સુત્રકો]
૪. ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમમંજુષા નો ગાથાંક મુકેલો છે. [ગાથકો]
૫. છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
૬. અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. - શોધવો.
૭. જ્યાં સૂત્રોમાં [ ] આ રીતે ચોરસ કૌંસ મુકેલા છે તે બે ચોરસ કૌંસ વચ્ચેનું લખાણ જાવ વાળા પાઠોની કરેલ પૂર્તિ દર્શાવે છે.

नमो नमो निम्बत दंतगस्त  
पंचम गणधर श्री सुधर्मा स्वामिने नमः

## १३ रायपसेणियं

बीअ उवंगसुत्तं

[नमो अरिहंताणं नमो सिद्धाणं नमो आयरियाणं

नमो उवज्झाद्याणं नमो लोए सच्च साहूणं ]]

(१) तेणं कालेणं तेणं समएणं आमलकप्पा नामं नयरी होत्था-‘रिद्ध-त्थिमिय-’-समिद्धा जाव पासादीया हरिसणीया अभिरूवा पडिरूवा ।१।-१

(२) तीसे णं आमलकप्पाए नयरीए बहिया उत्तरपुरत्थिमे दिसीभाए अंदसालवणे नामं चेइए होत्थ-चिराईए जाव पडिरूवे ।२।-२

(३) असोयवरपाचवपुढवीसिलावट्टय वत्तव्वया उववात्तियगमेणं नेया (तस्स णं वणसंडास बहुमज्झदेसभाए, एत्थ णं महं एगे असोयवरपाचवे पत्रत्ते तस्स णं असोयवरपाचवस्स हेट्ठा ईसिं खंधसमल्लीणे एत्थ णं महं एकके पुढविसिलापट्टए पत्रत्ते) ।३।-३

(४) सेचो राया धारिणी देवो सामी समोरुढे परिसा निगगया जाव राया पज्जुवासइ ।४।-४

(५) तेणं कालेणं तेणं समएणं सूरिवाभे देवे सोहम्मे कम्मे सूरिवाभे विमाणे सभाए सुहम्माए सूरिवाभोसि सीहासणंसि चउहिं सामाणियसाहस्सीहिं चउइहिं अगमहिंसीहिं सपरिवाराहिं तिहिं परिसाहिं सत्तहिं अणिएहिं सत्तहिं अणिवाहिंवईहिं सोलसहिं आचरक्खदेवसाहस्सीहिं, अत्रेहिं बहूहिं सूरियाभविमाणवासीहिं वेमाणिएहिं देवेहिं देवीहिं य सद्धिं संपरिवुडे महयाहयनइ-गीय-वाइय-संती-तल-ताल-तुडिय-धण-मुइंग-पडुप्पवादिपरवेणं दिववाइं भोगभोगाइं भुंजमाणे विहरति इमं च णं केवलकम्पं जंबुद्वीयं दीवं विउलेणं ओहिणा आभोएमाणे-आभोएमाणे पासति तत्थ समणं भगवं महावीरं जंबुद्वीवे दीवे भारहे वासे आमलकप्पाए नयरीए बहिया अंवसालवणे चेइए अहपडिरूवं ओणहं ओणिण्हित्ता संजमेणं तवसा अप्पाणं भावेमाणं पासति पासित्ता हइतुडु-चित्तामाणांदिए पीइमणे परमसोमणस्सिए हरिसवस-विसप्पमाणहियए विगसिचवरकमलनयने पर्यालिय-वरकडग-तुडिय-केऊर-मउड-कुंडल-हारयिरायंतरइयवच्छे पालंव-पलंवमाण-घोसंत-भूषणधरे ससंभमं तुरियं चवलं सुरवरे सीहासणाओ अट्टपुडेइ अट्टपुडेत्ता पायपीढाओ पद्योरुहति पद्योरुहित्ता एगसाडियं उत्तरासंगं करेति करेता तित्थयराभिमुहे सत्तट्टपयाइं अनुगच्छइ अनुगच्छित्ता वामं जाणुं अंचेइ अंचेता दाहिणं जाणुं धरणितलंसि निहट्टु तिक्खुत्तो मुद्धाणं धरणितलंसि निवेसेइ निवेसेता ईसिं पद्युन्नमइ पद्युन्नमिता कडयतुडियथंभियाओ भुयाओ पडिसाहरइ पडिसाहरेत्ता करवलपरिगहियं दसनहं सिरसावत्तं पत्थए अंजलिं कट्टु एवं वयासी-

नमोत्थु णं अरहंताणं भगवंताणं आदिगराणं तित्थगराणं सयंसंबुद्धाणं पुरिसुत्तमाणं पुरिसासीहाणं पुरिसवरपुंडरीयाणं पुरिसवरगंधहत्थीणं लोगुत्तमाणं लोगनाहाणं लोगहियाणं लोग-पईयाणं लोगपज्जोयगराणं अभयदयाणं वक्खुदयाणं मग्गदयाणं जीवदयाणं सरणदयाणं

बोहिदयाणं धम्मदयाणं धम्मेदेसयाणं धम्मनायगाणं धम्मसारहीणं धम्मवरचाउरंतचकूबद्धीणं  
अप्पडिहयवर- नाणदंसणधराणं वियट्ठउमाणं जिणाणं जावयाणं तिन्नाणं तारायाणं बुद्धाणं  
बोहयाणं मुत्ताणं पोयगाणं सव्वनूणं सव्वदरिणीणं सिद्धमयलमरुयमणंतमकखय-मव्वावाहम-  
पुनरावतयं सिद्धि- गइनामधेयं ठाणं संपत्ताणं नमोत्थु णं समणस्स भगवओ महावीरस्स आइगरस्स  
तित्थयरस्स जाव सिद्धिगइनामधेयं ठाणं संपाविउक्कामस्स वंदामि णं भगवंतं तत्थगयं इहगतं पासइ  
मे भगवं तत्थगते इहगतं ति कइ वंदति नमंसति वंदित्ता नमंसित्ता सीहासणवरगाए पुव्वाभिमुहं  
सण्णिसण्णे । ५।-५

(६) तए णं तस्स सूरियाभस्स इमे एयारूवे अज्झत्थिए चित्तिए पत्थिए मणोगए संकप्पे  
समुपजित्थ्या--सेयं महावीरं जंबुद्वीवे दीवे भारहे वासे आमल-कप्पए नयरीए बहिया अंबसालवणे  
चेइए अहापडिरूवं ओग्गहं ओगिण्हित्ता संजमेणं तवसा अम्माणं भावेमाणे विहरइ तं महाफलं खलु  
तहारूवाणं अरहंताणं नामगोयस्स वि सवणयाए किमंग पुण अभिगमण-वंदण-नमंसण-पडि-  
पुच्छण-पज्जुवासणयाए एगस्स वि आयरियस्स धम्मियस्स सुववणस्स सवणयाए किमंग पुण  
विउलस्स अट्ठस्स गहणयाए तं गच्छामि णं समणं भगवं महावीरं वंदामि नमंसामि जाव पज्जुवासामि  
एयं मे पेच्चा हियाए सुहाए खमाए दयाए निस्सेयसाए आनुगामियत्ताए भविस्सतित्ति कइ एवं संपेहेइ  
संपेहित्ता अभिओगिए देवे सहावेइ सहावेत्ता एवं वयासी । ६।-६

(७) एवं खलु देवाणुप्पिया समणे भगवं महावीरं जंबुद्वीवे दीवे भारहे वासे आमलकप्पाए  
नयरीए बहिया अंबसालवणे चेइए अहापडिरूवं ओग्गहं ओगिण्हित्ता संजमेणं तवसा अम्माणं  
भावेमाणे विहरइ तं गच्छह णं तुमे देवाणुप्पिया जंबुद्वीवं दीवं भारहं वासं आमलकप्पं नवरं  
अंबसालवणं चेइयं समणं भगवं महावीरं तिकुत्तो आयाहिणं पयाहिणं करेह करेत्ता वंदह नमंसह  
वंदित्ता नमंसित्ता साइ-साइ नामगोयाइं साहेह साहित्ता समणस्स भगवओ महावीरस्स सव्वओ  
समंता जोवणपरिमंडलं जं किंचि तणं वा पत्तं वा कट्ठं वा सक्करं वा असुइं अचोक्खं पूयं दुक्खिगंधं  
तं सव्वं आहुणिय-आहुणिय एगंते एडेह एडेत्ता नद्धोदगं नाइमट्ठियं पविरलफुसिवं- रयेरेणुविणा-  
सणं दिव्वं सुराभिगंधोदववासं वासह वासित्ता निहवरयं नडुरयं भट्टरयं उवसंतरयं पसंतरयं करेह  
करेत्ता जलयथलयभासुरप्पभूयस्स बेंटट्ठाइस्स दसद्धवण्णस्स कुसुमस्स जत्रुस्सेहपमाणमेत्ति ओहिं  
वासं वासह वासित्ता कालागरु-पवरकुंदुरुक्क-तुरुक्कधूव-मयमधेतं-गंधुदमुयाभिरामं सुगंधवार-  
गंध- गंधियं गंधवट्ठिभूतं दिव्वं सुरवराभिगमणजोगं करेह य कारवेह य करेत्ता य कारवेत्ता य  
खिप्पामेव एयमाणरियं पचप्पिण्ह । ७।-७

(८) तए णं ते आभिओगिया देवा सूरियाभेणं देवेणं एवं वुत्ता समाणा हट्ठुइ जाव हियचा  
करयलपरिगहियं दसनहं सिरसावतं मत्थए अंजलिं कइ एवं देवो तहत्ति आणाए विणएणं वयणं  
पडिसुणंति पडिसुणत्ता उत्तरपुरत्थिमं दिसीभागं अयक्कमंति अयक्कमत्ति वेउव्वियसमुधाएणं  
समोहणंति समोहणित्ता संखेज्जाइं जोवणाइं दंडं निसिरंति तं जहा-रयणाणं वड्राणं वेरुलियाणं  
लोहियक्खाणं मसारगल्लाणं हंसगम्भाणं पुलगाणं सोगंधियाणं जोईरसाणं अजंणाणं अंजणपुलगाणं  
रययाणं जावरूवाणं अंकाणं फलिहाणं रिट्ठाणं अहाबायरे पोण्णले परिसाडेत्ति परिसाडेत्ता अहा-  
सुहुमे पोण्णलेपरियायंति परियाइत्ता श्रेष्ठं पि वेउव्वियसमुधाएणं समोहणंति समोहणित्ता  
उत्तरेवेउव्वियाइं रूवाइं विउव्वंति विउव्वित्ता ताए उक्किट्ठाए तुरियाए चवलाए चंडाए जवणाए

सिग्धाए उदूपूयाए दिव्वाए देवगईए तिरियमसंखेज्जाणं दीवसमुद्धानं मज्झमज्झेणं वीईयवमाणा-  
वीईयवमाणा जेणेव जुंबुईवे दीवे जेणेव भारहे वासे जेणेव आमलकप्पा नयरी जेणेव अंबसालवने  
चेइए जेणेव समणे भगवं महावीरे तेणेव उवागच्छंति उवागच्छिता समणं भगवं महावीरं तिकवुत्तो  
आवाहिणं पयाहिणं करेति करेता वंदंति नमंसंति वंदिता नमंसिता एवं वयासी-अम्हे णं भंते  
सूरियाभस्स देवस्स अभियोग्गा देवा देवाणुप्पियं वंदामो नमंसामो सक्कारेमो सम्माणेमो कल्लाणं  
मंगलं देवयं चेइयं पज्जुवासामो।८।-४

(९) देवाइ समणे भगवं महावीरे ते देवे एवं वयासी- 'पोराणमेयं देवा जायमेयं देवा किच्चमेयं  
देवा करणिज्जमेयं देवा आइण्णमेयं देवा अब्भणुण्णायमेयं देवा जण्णं भवणवइ-वाणमंतर-जोइ-  
सिय-येमाणियदेवा अरहंते भगवंते वंदंति नमंसंति वंदिता नमंसिता तओ साई-साई नामगोयाइं  
साहिंति तं पोराणमेयं देवा जीयमेयं देवा किच्चमेयं देवा करणिज्जमेयं देवा आइण्णमेयं देवा  
अब्भणुण्णायमेयं देवा।९।-९

(१०) तए णं ते अभिओगिया देवा समणेणं भगवया महावीरेणं एवं वुत्ता समाणा हट्ठ [तुट्ठ-  
वित्तमाणंदिया पीइमणा परमसोमणस्सिया हरिसवस-विसम्पमाण] हियया समणं भगवं महावीरं  
वंदंति नमंसंति वंदिता नमंसिता उत्तरपुरत्थिमं दिसीभागं अवक्कमंति अवक्कमिता वेउब्बिय-  
समुग्धाएणं समोहण्णंति समोहणित्ता संखेज्जाइं जोयणाइं दंडं निसिरंति तं जहा-रयणाणं जाव  
रिद्धाणं अहाबायरे पोगले परिसाडेंति परिसाडेत्ता अहासुहुमे पोगले परियायंति परियाइत्ता दोच्चं पि  
वेउब्बियसमुग्धाएणं समोहण्णंति समोहणित्ता संवट्टयवाए विउब्बंति से जहानामए-भइयदारए  
सिया तरुणे बलवं जुगवं जुवाणे अप्पायंके धिरग्गहत्थे दढपाणि-पाय-पिद्धंतरोरुपरिणए घण-  
निचिय-वट्ठवलियखंधे चम्पेट्ठा-दुघण-मुट्ठिय-समाहय-निचियगते उरस्सवलसमण्णागए तलज-  
मलजुयलवाहूलंघण-पवण-जइण-पमइणसमत्ये छेए दक्खे पत्तट्ठे कुसले मेधावी निउणसिप्पोवगए  
एगं महं दंड-संपुच्छणिं वा सलागाहत्थयं वा वेणुलाइयं वा गहाय रायंगणं वा रायंतेउरं वा आरामं वा  
उज्जाणं वा देवउलं वा सभं वा पवं वा अतुरियमववलमसंभंतं निरंतरं सुनिउणं सव्यतो समंता  
संपमज्जेज्जा

एवामेव तेवि सूरियाभस्स देवस्स अभिओगिया देवा संवट्टयवाए विउब्बंति विउब्बित्ता  
समणस्स भगवओ महावीरस्स सव्यतो समंता जोयणपरिमंडलं जं किंचि तणं वा पत्तं वा जाव  
आहुणिय-आहुणिय एगंते एडेंति एडित्ता खिप्पामेव उवसमंति उवसमिता-दोच्चं पि वेउब्बिय-  
समुग्धाएणं समोहण्णंति समोहणित्ता अब्भवट्ठलए विउब्बंति से जहानामए- भइयदारए सिया  
तरुणे जाव निउणसिप्पोवगए एगं महं दगवारगं वा दग्गथालगं वा दगकलसगं वा दगकुंभगं वा  
गहाय आरामं वा उज्जाणं वा देवउलं वा सभं वा पवं वा अतुरिय [मववलमसंभंतं निरंतरं सुनिउणं]  
सव्यतो समंता आवरिसेज्जा एवामेव तेवि सूरियाभस्स देवस्स अभिओगिया देवा अब्भवट्ठलए  
विउब्बंति विउब्बित्ता खिप्पामेव पतणतणायंति पतणतणाइत्ता खिप्पामेव विज्जुवायंति विज्जुयाइत्ता  
समणस्स भगवओ महावीरस्स सव्यओ समंता जोयणपरिमंडलं नद्योदगं नातिमट्ठियं तं पविरल-  
फुसियं रयरेणुविणासणं दिव्वं सुरभिगंधोदगं वासं वासंति वासेत्ता निहयरयं नद्धरयं भद्धरयं  
उवसंतरयं पसंतरयं करेति करेत्ता खिप्पामेव उवसामंति उवसामित्ता-

तच्चं पि वेउब्बियसमुग्धाएणं समोहण्णंति समोहणित्ता पुप्फवट्ठलए विउब्बंति से जहा-

नामए-मालागारदारए सिया तरुणे जाव निउणसिण्योवगए एणं महं पुष्फछत्रियं वा पुष्फपडलगं वा पुष्फचं-गेरियं वा गहाय रायंगणं वा जाव सव्वतो समंता कयग्गहगहियकरयलपब्भइविप्पमुक्क्रेणं दसद्धवण्णेणं कुसुमेणं पुष्फपुंजोवयारकलियं करेज्जा एवामेव ते सूरियाभस्स देवस्स आभिओगिया देवा पुष्फवइलए विउव्वंति विउव्वित्ता खिप्पामेव पतणतणायंति [पतणतणाइत्ता खिप्पामेव विज्जुयावंति विज्जुयाइत्ता समणस्स भगवओ महावीरस्स सव्वओ समंता जोयणपरिमंडलं जलय-थलयभासुरूपभूयस्स वेंटट्टाइस्स दसद्धवण्णकुसुमस्स जण्णुस्सेहपमाणमेत्ति ओहिं वासं वासंति वासित्ता कालागरु पवारकुंदुरुक्क-तुरुक्क-धूव-मधमघेंत-गंधुदुयाभिरामं सुगंधवरगंध-गंधियं गंधवट्ठिभूतं दिव्वं सुरवराभिगमणजोगं करंति य कारवेत्ति य करेत्ता य कारवेत्ता य खिप्पामेव उवसामंति उवासामित्ता जेणेव समणे भगवं महावीरं तेणेव उवागच्छंति उवागच्छित्ता समणं भगवं महावीरं तिक्वुत्तो जाव वंदित्ता नमंस्सित्ता समणस्स भगवओ महावीरस्स अंतियाओ अंबसाल-वणाओ चेइयाओ पडिनिक्खयंति पडिनिक्खमित्ता ताए उक्किट्ठाए तुरियाए चवलाए चंडाए जवणाए सिग्घाए उज्जुवाए दिव्वाए देवगईए तिरियमसंदेज्जाणं दीवसमुद्धानं मज्झमज्जेणं वीइ-वयमाणा-वीईवयनाणा जेणेव सोहम्मे कणे जेणेव सूरियाभे विमाणे जेणेव सभा सुहम्मा जेणेव सूरियाभे देवे तेणेव उवागच्छंति उवागच्छित्ता सूरियाभं देवं करयलपरिग्गहियं दसनहं सिरसावत्तं मत्थाए अंजलिं कट्ठं एणं विजएणं वद्धावेंति वद्धावेत्ता तमाणत्तियं पच्चप्पिणंति ।१०।-१०

(११) तए णं से सूरियाभे देवे तेसिं आभिओगियाणं देवाणं अंतिए एयमट्ठं सोद्या निसम्म हट्ठुड-जाव हियए पायत्ताणियाहिंवइं देवं सद्दावेत्ति सद्दावेत्ता एवं वयासी-खिप्पामेव भो देवाणु-प्पिया सूरियाभे विमाणे सभाए सुहम्माए मेघोघरमसिय गंभीर म्हुर सद्दं जोयण परिमंडल सूसरं घंटं तिक्वुत्तो उल्लालेमाणे-उल्लालेमाणे महया-महया सद्देणं उग्घोसेमाणे-उग्घोसेमाणे एवं वयाहिं-अणवेइ णं भो सूरियाभे देवे गच्छंति णं भो सूरियाभे देवे जंवुदीवे दीवे भारहे वासे आमलकप्पाए नवरीए अंबसावतवणे चेइए समणं भगवं महावीरं अभिवंदए तुम्भेवि णं भो देवाणुप्पिया सव्वि-इटीए ।सव्वजुतो सव्ववलेणं सव्वसमुदएणं सव्वादरेणं सव्वविभूईए सव्वविभूसाए सव्वसंभमेणं सव्वपुक्कगंधमल्लालंकारएणं सव्वतुडिय-सद्धसण्णिनाएणं महयाइअदीए महयाजुईए महयावलेणं महयासमुदएणं महयावरतुडियजम-गसमग-पडुप्पवाइयरवेणं संख - पणव - पडह - भेरि-झल्लरि-खरमुहि-हुडुक्क-मुरय-मुइंग-वुंदुहि- निग्घोस] नाइयरवेणं नियगपरिवालसद्धिं संपरिवुडा साइं-साइं जाणविभाणइं दुरुद्धा समाणा अकालपरिहीणं चेव सूरियाभस्स देवस्स अंतियं पाउब्भवह ।११।

(१२) तए णं से पायत्ताणियाहिंवती देवे सूरियाभेणं देवेणं एवं वुत्ते समाणे हट्ठुड-जाव हियए करयलपरिग्गहियं जाव अंजलिं कट्ठ एवं देवो तहत्ति आणाए विणएणं वयणं पडिसुणेत्ति पडिसुणेत्ता जेणेव सूरियाभे विमाणे जेणेव सभा सुहम्मा जेणेव मेघोघरमसिय-गंभीरमहुरसद्दा जोयणपरिमंडला सुस्सरा घंटा तेणेव उवागच्छंति उवागच्छित्ता तं मेघोघरसियगंभीरमहुरसद्दं जोयणपरिमंडलं सूसरं घंटं तिक्वुत्तो उल्लालेत्ति तए णं तीसे मेघोघरसियगंभीरमहुरसद्दाए जोयण-परिमंडलाए सत्तराए घंटाए तिक्वुत्तो उल्लालियाए समाणीए से सूरियाभे विमाणे पासायविमाण-निक्वुडावडिय-सद्धघंटापडिसुया-सयसहस्ससंकुले जाए थावि होत्था तए णं तेसिं सूरियाभवि-माणवासिणं बहूणं वेमाणियाणं देवाणं य देवीण य एगंतरइपसत्त-निच्चप्पमत्त-विसय-सुहुमुच्छि-याणं सूसरघंटावर-विउलवोल-तुराय-चवल पडिबोहणे कए समाणे घोसणकोऊहलदिण्णकण-

एगगचित्त-उवउरत-माणसाणं से पायत्ताणीयाहिबई देवे तस्सिं घंटारवांसि निसंत-पसंतसि महया-महया सदेणं उघोसेमाणे एवं वयासी-हंत सुणंतु भवंतो सूरियाभविमाणवासिणो वहवे वेमाणिया देवा य देवीओ य सूरियाभविमाणपइणो वयणं हियसुहत्थं आणवेइ णं भो सूरियाभे देवे गच्छइ णं भो सूरियाभे देवे जंबुदीवं दीवं जाव समणं भगवं महावीरं अभिबंदए तं तुम्हेवि णं देवाणुप्पिया सव्विइदीए अकालपरिहीणं चेव सूरियाभस्स देवस्स अंतियं पाउट्ठवचह। १२।-१२

(१३) तए णं से सूरियाभविमाणवासिणो वहवे वेमाणिया देवा य देवीओ य पयत्ताणि-याहिबइस्स देवस्स अंतिए एयमट्ठं सोद्या निसम्मं हट्ठतुट्ठ-जाव हियया अप्पेगइया वंदणवत्तिया अप्पेगइया पूयणवत्तियाए अप्पेगइया सक्कवारवत्तियाए अप्पेगइया सम्माणवत्तियाए अणं-गइया कोऊहलवत्तियाए अप्पेगइया असुवाई सुणिस्सामो अप्पेगइया सुयाई अट्ठाइ हेज्जई पस्सिणाई कारणाइं वगणाइं पुच्छिस्सामो अप्पेगइया सूरियाभस्स देवस्स वयणमणुवत्तेमाणो अप्पेगइया अणमणमणुवत्तेमाणो अप्पेगइया जिणभतिरागेणं अप्पेगइया धम्मो ति अप्पेगइया जीयमेवं ति कट्ठसव्विइदीए जावं अकालपरिहीणं चेव सूरियाभस्स देवस्स अंतियं पाउट्ठवचति। १३।-१३

(१४) तए णं से सूरियाभे देवे ते सूरियाभविमाणवासिणो वहवे वेमाणिया देवा य देवीओ य सव्विइदीए जाव अकालपरिहीणं चेव अंतियं पाउट्ठवमाणे पासति पासिता हट्ठतुट्ठ-जाव हियए आभिओगियं देवं सहायेति सहायेत्ता एवं वयासी खियामेव भो देवाणुप्पिया अणेगखंभसय-सण्णिविट्ठलीलड्डियसालभंजियागं ईहामिय-उसभ-तुरग-नर-नगर-विहग-वालग-किन्नर-रुह-सरभ-वयर-कुंजर-वणलव-पउमलयभत्तिचित्तं खंभुग्गय वइरवेइया-परिगयाभि रामं विज्झाहर-जमलजुयल-जंतजुत्तं पिव अट्ठीसहस्समालणीयं रुवगसहस्सकलियं भिसमाणं भिच्छिसमायं चक्खुल्लोयणसेलं सुहपासं सरिसिरीयरूवं घंटावलि-वलिय-महुर-मणहरसरं सुहं कंतं दरिसणिज्जं निउणओविच-भिसिमिसंतमणिरयणघंटियाजाल-परिक्खित्तं जोयणसय सहस्सविट्ठिण्णं दिव्वं गमणसज्जं सिध्दगमणं नामं जाणविमाणं विउव्वहि विउव्विता खिप्पामेव एवमाणत्तियं पच्च-प्पिणाहि। १४।-१४

(१५) तए णं से आभिओगिए देवे सूरियामेणं देवेणं एवं वुत्ते समाणे हट्ठतुट्ठ जाव हियए करयलपरिणहियं जाव पडिसुणेइ पडिसुणिता उत्तरपुरत्थिमं दिसीभागं अवक्कमति अवक्क-मिता वेउव्वियसमुग्धाएणं समोहणइ समोहणिता संखेज्जाइं जोयणाइं [दंडं निरिरति तं जहा-रयणाणं जाव रिट्ठाणं अहाबायरे पोण्णले परिसाडेइ परिसाडिता अहासुहुमे पोण्णले परिवाएइ परिवाइता दोद्यं पि वेउव्विय-समुग्धाएणं समोहणति समोहणिता अणेगखंभसयसण्णिविट्ठं जाव जाणविमाणं वेउव्विउं पवत्ते यादि होत्था तए णं से आभिओगिए देवे तस्स दिवस्स जाणविमाणस्स तिदिस्सि तिसोवाणपडिरूवए विउव्विति तं जहा-पुरत्थिमेणं दाहिणेणं उरारेणं तेसिं तिसोवाण-पडिरूवगाणं इमे एयारूवे वण्णावासे पन्नत्ते तं जहा-वइरामया निम्मा रिट्ठामया पतिट्ठाणा देरुलिया-मया खंभा सुवण्णरुप्पामया फलगा लोहियतक्खमइयाओ सूईओ वइरामया संधी नाणामणिमया अवलंवणा अवलंबणवाहाओ य पासादीया [दरिसणिज्जा अभिरूवा] पडिरूवा तेसिं णं तिसो-वाणपडिरूवगाणं पुरओ पतेयं-पत्तेयं तोरणा पन्नत्ता तेसिं णं तोरणाणं इमे एयारूवे वण्णावासे पन्नत्ते तं जहा-तेणं तोरणा नानामणिमया नानामणिएसु धंभेसु उवनिदिद्विसण्णिविट्ठा विविहमुत्तं तरारूवोयचिया विविहतरारूवोचचिया जाव पडिरूवा तेसिं णं तोरणाणं उप्पिं अट्ठुत्तंगलगा

पत्रत्ता तं जहा-सोत्थिय-सिरिवच्छमंदियावत्तं-वद्ध- माणग-भद्दासण-मच्छ-दप्पणा [सव्वरयणामया अच्चा सण्हा लण्हा घट्ठा मट्ठा नीरया निम्मला निष्पंका निक्कंकडच्छया सम्पभा समरीइया सउज्जाया पासादीया दरिसणिज्जा अभिरूवा] पडिरूवा तेसिं णं तोरण्णां उप्पि बहवे किण्हचा-मरज्झए [नीलचामरज्झए लोहियचामरज्झए हालिदचामरज्झए] सुक्किलचामरज्झए अच्चे सण्हे रूपपट्ठे वडरदंडे जलयामलगंधिए सुरम्मे पासादीए दरिसणिजे अभूरिवे पडिरूवे विउव्वइ तेसिं णं तोरण्णां उप्पि बहवे उत्तातिउत्ते पडागाइपडागे घंटाजुगले चामर जुगले उप्पलहत्यए पउम-नलिण-सुभग-सोगंधिय-पोंडरीय-महापोंडरीय-सतपत्तसहस्सपत्तहत्यए सव्वरयणामए अच्चे जाव पडि-रूवे विउव्वइ

तए णं से आभिओगिए देवे तस्स दिवस्स जाणविमाणस्स अंतो बहुसमरमणिज्जं भूमिभागं विउव्विति से जहानामए-आलिंगपुक्खरेइ वा मुइंगपुक्खरेइ वा परिपुत्रे सरतलेइ वा करतलेइ वा चंदमंडलेइ वा सूरमंडलेइ वा आयंसमंडलेइ वा उरत्थचम्मेइ वा वसहचम्मेइ वा अणेगसंकु-क्रीलगहरसवितते आवड-पद्मावड-सेट्ठि-पसेट्ठि-सोत्थिय-सोवत्थिय-पूसमाणव-वद्धमाणग-मच्छ-डग-मगरंडग - जार-मार-फुल्लवलि-पउमपत्त-सागरतरंग-वसंतलय-पउमलयभत्तिचित्तेहिं सच्छ-एहिं सम्पमेहिं समरीइएहिं सउज्जेएहिं नानाविहपंचवण्णेहिं मणीहिं उवसोभिए तं जहा-किण्हेहिं नीलेहिं लोहिएहिं हालिदेहिं सुक्किलेहिं तत्थ णं जेते किण्हा मणी तेसिं णं मणीणं इमे एयारूवे वण्णावासे पत्रत्ते से जहानामए-जीमूतएइ वा अंजणेइ वा खंजणेइ वा कज्जलेइ वा मसीइ वा मसीगु-लियाइ वा गवलेइ वा गवलगुलियाइ वा भमरेइ वा भमरावलिचाइ वा भमरपतंगसारेइ वा जंवूफलेइ वा अट्टारिट्ठेइ वा परपुट्ठेइ वा गएइ वा गयकलभेइ वा किण्हसप्पेइ वा किण्हकेसरेइ वा आगा-सथिगलेइ वा किण्हासोएइ वा किण्हकणवीरेइ वा किण्हबंधुजीवेइ वा भवे एयारूवे सिया नो इण्ठे समट्ठे ते णं किण्हा मणी इत्तो इड्ढतराए चेव कंततराए चेलव पियतराए चेव मणुण्णतराए चेव मणामतराए चेव वण्णेणं पत्रत्ता

तत्थ णं जेते नीला मणी तेसिं णं मणीणं इमे एयारूवे वण्णदासे पत्रत्ते से जहानामए-भिगेइ वा भिगपत्तेइ वा सुएइ वा सुयपिच्छेइ वा चासेइ वा चासपिच्छेइ वा नीलीइ वा नीलीभेदेइ वा नीलीगु-लियाइ वा सामाएइ वा उच्चंतगेइ वा वणरातीइ वा हलधरवसणेइ वा मोरणीवाइ वा पारेवयगणीवाइ वा अयसिकुसुमेइ वा वाणकुसुमेइ वा अंजणकेसियाकुसुमेइ वा नीलुपलेइ वा नीलासोगेइ वा नीलकणवीरेइ वा नीलबंधुजीवेइ वा भवे एयारूवे सिया नो इण्ठे समट्ठे ते णं नीला मणी एत्तो इड्ढतराए चेव जाव वण्णेणं पत्रत्ता तत्थ णं जेते लोहिया मणी तेसिं णं मणीणं इमेयारूवे वण्णदासे पत्रत्ते से जहानामए-ससरुहरेइ वा उरत्थरुहरेइ वा यराहरुहरेइ वा मणुस्सरुहरेइ वा महिसरु-हरेइ वा चालिंदगोवेइ वा वालदिवाकरेइ वा संझत्थरागेइ वा गुंजत्थरागेइ वा जासुअणकुसुमेइ वा किंयुचकुसुमेइ वा पालियाकुसुमेइ वा जाइहिंगुलएइ वा सिलप्पवालेइ वा पवालअंकुदेइ वा लोहि-यक्खमणीइ वा लक्खरसगेइ वा किमिरागकंवलेइ वा चीणपिट्ठरासीइ वा रत्तुप्पलेइ वा रत्तासोगेइ वा रत्तकणवीरेइ वा रत्तबंधुजीवेइ वा भवे एयारूवे सिया नो इण्ठे समट्ठे

ते णं लोहिया मणी इत्तो इड्ढतराए चेव जाव वण्णेणं पत्रत्ता तत्थ णं जेते हालिदा मणी तेसिं णं मणीणं इमेयारूवे वण्णावासे पत्रत्ते से जहानामए-चंपएइ वा चंपगल्लीइ वा चंपगभेएइ वा हालि-दाइ वा हालिदाभेदेइ वा हालिदागुलियाइ वा हरियालियाइ वा हरियालभेदेइ वा हरियालगुलियाइ वा

विउरेइ वा चिउरंगरातेइ वा वरकणगेइ वा वरकणगनिघसेइ वा वरपुरिसवसणेइ वा अल्लकीकुसुमेइ वा चंपाकुसुमेइ वा कुहंडि-चाकुसुमेइ वा कोरंटकदामेइ वा तडवडकुसुमेइ वा घोसेडियाकुसुमेइ वा सुवण्णजूहियाकुसुमेइ वा सुहिरण्णकुसुमेइ वा बीययकुसुमेइ वा पीयासोगेइ वा पीयकणवीरेइ वा पीयबंधुजीवेइ वा भवे एयारूवे सिया नो इण्ठे समठ्ठे ते णं हालिहा मणी एत्तो इडुतराए चेव वण्णेणं पत्रत्ता

तत्थ णं जेते सुक्किक्कला मणी तेसिं णं मणीणं इमेयारूवे वण्णावासे पत्रत्ते से जहानामए-अंकेइ वा संखेइ वा चंदेइ वा कुमुद उदक-दयरय-दहियण-खीर-खीरपूरेइ वा कोंचावलीइ वा हारावलीइ वा हंसावलीइ वा बलामावलीइ वा चंदावलीइ वा सारतिय-बलाहएइ वा धंतथोयरूपट्टेइ वा सालिपिट्ठासीइ वा कुंदपुप्फरासीइ वा कुमुदरासीइ वा मुक्कच्छिवाडीइ वा पिहुणमिंजियाइ वा भिसेइ वा मुणालियाइ वा गवदंतेइ वा लवंगदलएइ वा पोंडेरियदलएइ वा सेयासोगेइ वा सेयकणवी-रेइ वा सेयबंधुजीवेइ वा भवे एयारूवे सिया नो इण्ठे समठ्ठे ते णं सुक्किक्कला मणी एत्तो इडुतराए चेव जाव वण्णेणं पत्रत्ता तेसिं णं मणीणं इमेयारूवे गंधे पन्नत्ते से जहानामए-कोट्टुपुडान वा तगरपुडान वा एलापुडान वा चोयपुडान वा चंपापुडान वा दमणापुडान वा कुंकुमपुडान वा चंदणपुडान वा उर्सीरपुडान वा मरुआपुडान वा जातिपुडान वा जूहियापुडान वा मल्लियापुडान वा ण्हाणमल्लिया-पुडान वा केतगिपुडान वा पाडलिपुडान वा नोमालियापुडान वा अगुरुपुडान वा लवंगपुडान वा वागुपुडान वा कम्पूरपुडान वा अनुचावंसि वा ओभिज्जमाणाण वा कोट्टिज्जमाणाण वा भज्जिज्जमाणाण वा उक्किरिज्जमाणाण वा विक्किरिज्जमाणाण वा परिभुज्जमाणाण वा भंडाओ भंडं साहरिज्जमाणाण वा ओराला मणुण्णा मणहरा घाणमणनिव्वुत्तिकरा सव्वओ समंता गंधा अभिनिस्सवंति भवे एयारूवे सिया नो इण्ठे समठ्ठे ते णं मणी एत्तो इडुतराए चेव [कंततराए चेव पियतराए चेव मणुण्णतराए चेव मणानतराए चेव] गंधेणं पत्रत्ता तेसिं णं मणीणं इमेयारूवे फासे पत्रत्ते से जहानामए-आइणेइ वा रूपए वा बूरेइ वा नवणीएइ वा हंसगम्भतूलियाइ वा सिरिसकुसुमनिचयेइ वा बालकुमुदपत्तरासीइ वा भवे एयारूवे सिया नो इण्ठे समठ्ठे ते णं मणी एत्तो इडुतराए चेव जाव फासेणं पत्रत्ता

तए णं से आभिओगिए देवे तस्स दिव्वस्स जाणविमाणस्स बहुमज्झदेसभागे एत्थ णं महं पिच्छाघरमंडवं विउच्चइ-अणेगखंभसयसत्रिविद्धं अम्भुगय-सुकय-वइरवेइया-तोरणवरइय-सालभंजियागं सुसिलिडु-विसिडु-त्तडु-संठिय-पसत्थ-वेरुलिय-विमलखंभं नाणामणिकणगरयण-खचियउज्जलबहुसमसुविभत्तभूमिभागं ईहामिय-उसम-तुरग-नर-मगर-हग-वालग-किन्नर-रुह-सारभ-चमार-कुंजर-वणलव-पउमलयभत्तिचित्तं खंभुगया-वइरवेइयापरिगयाभिरामं विज्जाहरज-मलजुयलजंतजुतं पिव अट्ठीसहससमालणीयं रूवगसहससकलियं भिसमाणं भिब्भिसमाणं चक्खु-ल्लोयणलेसं सुहफासं सस्सिरीयरूवं कंचणमणिरयणधूभिचागं नाणाविहपंचवण्णघंटापडागपरि-मंडियणासिहरं चवलं परीतिकवयं विणिम्भयंतं लाउल्लोइयमहियं गोसीस-सरस-रत्तवंदण-दइ-दित्रपंचंगुतलं उवचियवंदणकलसं वंदणघड-सुकय-तोरणपडिडुवारदेसभागं आसत्तोस्तविउल-वइवग्घारियमल्लादामकलावं पंचवण्णासरससुराभिमुक्क-पुप्फपुंजोवयारकलियं कालागं-पवर-कुंदुरुक्क-तुरुक्क-धूव-मघमपेंतगंधुज्जुयाभिरामं सुगंधवरगंधगंधियं गंधवट्ठिभूतं अचर-गण-संघ-संविक्किणं दिव्वतुडियसइसण्णाइयं अच्छं जाव पडिरूवं तस्स णं पिच्छाघरमंडवस्स अंतो

बहुसमरमणिञ्जं भूमिभागं विउव्वति जाव मणीणं फासो तस्स णं पेच्छाघरमंडवस्स उल्लोयं विउव्वति-पउमलयभत्तिचित्तं अच्छं [सण्हं लण्हं घट्ठं मट्ठं नीरयं निम्मलं निप्पकं निक्कंकडच्छायं सप्पमं समरीवड्यं सउज्जोयं पासादीयं दरिसणिञ्जं अभिरूवं पडिरूवं] तस्स णं बहुसमरमणिञ्जस्स भूमिभागस्स बहुमज्झदेसभाए एत्थ णं महं एगं वडरामयं अक्खाडणं विउव्वति तस्स णं अक्खाडयस्स बहुमज्झदेसभागे एत्थ णं महेणं मणिपेढियं विउव्वति-अट्ठ जोयणाई आयामविकखंभेणं चत्तारि जोयणाई बाहल्लेणं सब्बमणिमयं अच्छं जाव पडिरूवं

तीसे णं मणिपेढियाए उवरिं एत्थ णं महेणं सीहासणं विउव्वइ तस्स णं सीहासणस्स इमेया-रूसे वण्णावासे पत्रते-तदणिज्जामया चक्कला रययामया सीहा सोवणिया पाया नानामणिमयाई पायसीसागाई जंबूणयमयाई गताई वडरामया संधी नानामणिमए वेच्चे से णं सीहासणे ईहामिय-उसभ-जाव पउमलयभत्तिचित्तं ससारसारोवचियमणिरयणपायपीढे अत्थराग-मिउमसूरग-नवत-यकुसंत-लिंब-केसर-पद्मथुयाभिरामे आईरण-रूय-वूर-नवनीय-तूलफासे सुविरइयरयत्ताणे ओय-वियखोमदुगुल्लपट्टपडिच्छायणे रतंसुअसंबुए सुरम्मे पासाईए दरिसणिजे अभिरूवे पडिरूवे तस्स णं सीहासणस्स उवरिं एत्थ णं महेणं विजयदूसं विउव्वइ-संखंक-कुंद-दगरय-अमय- महियफेणपुंज-सत्रिगासं सब्बरयणामयं अच्छं सण्हं पासादीयं दरिसणिञ्जं अभिरूवं पडिरूवं तस्स णं सीहासणस्स उवरिं विजयदूसस्स य बहुमज्झदेसभागे एत्थ णं महं एगं वडरामयं अंकुसं विउव्वति तस्सि च णं वडरामयंसि अंकुसंसि कुम्भिकं मुत्तादामं विउव्वति से णं कुम्भिके मुत्तादामे अण्णेहि चउहिं कुम्भिकेहिं मुत्तादामेहिं तदब्बुद्धतपमाणमेत्तेहिं सब्बओ समंता संपरिखिते ते णं दामा तवणिञ्ज-लंबूसगा सुवण्णपयरमंडियागां नानामणिरयणविबिहहारद्धहारउवसोभियसमुदया ईसिं अण्ण-मण्ण- संपत्ता पुब्बावरदाहिणुत्तरागएहिं वाएहिं मंदायं-मंदायं एज्जमाणा-एज्जमाणा पलंबमाणा-पलंबमाणा पझमाअणा-पझमाअणा उरालेणं मणुण्णेणं मणहरेणं कण्णमणनिव्वुत्तिकरेणं सहेणं ते एएसे सब्बओ समंता आपूरेमाणा आपूरेमाणा सिरीए अतीव-अतीव उवसोभेमाणा-उवसोभे-माणा चिट्ठिंति

तए णं से आभिओगिए देवे तस्स सीहासणस्स अवरुत्तरेणं उत्तरेणं उत्तापुरत्थिमेणं एत्थ णं सूरियाभस्स देवस्स चउण्हं सामाणियसाहस्सीणं चत्तारि भद्दासणसाहस्सीओ विउव्वइ तस्सं णं सीहासणस्स पुरत्थिमेणं एत्थ णं सूरियाभस्स देवस्स चउण्हं अग्गमहिंसीणं सपरिवाराणं चत्तारि भद्दासणसाहस्सीओ विउव्वइ तस्स णं सीहासणस्स दाहिणपुरत्थिमेणं एत्थ णं सूरियाभस्स देवस्स अम्भितरपरिसाए अट्ठण्हं देवसाहस्सीणं अट्ठ भद्दासणसाहस्सीओ विउव्वइ एवं-दाहिणेणं मज्झि-मपरिसाए दसण्हं देवसाहस्सीणं दस भद्दासणसाहस्सीओ विउव्वति दाहिणपच्चत्थिमेणं बाहिर-परिसाए वारसण्हं देवसाहस्सीणं वारस भद्दासणसाहस्सीओ विउव्वति पच्चत्थिमेणं सत्तण्हं अणिया-हिबतीणं सत्त भद्दासणे विउव्वति तस्स णं सीहासणस्स चउदिंसिं एत्थ णं सूरियाभस्स देवस्स सोलसण्हं आयरक्खदेवसाहस्सीणं सोलस भद्दासणसाहस्सीओ विउव्वति तं जहा-पुरत्थिमेणं चत्तारि साहस्सीओ दाहिणेणं चत्तारि साहस्सीओ पच्चत्थिमेणं चत्तारि साहस्सीओ उत्तरेणं चत्तारि साहस्सीओ तस्स दिव्वस्स जाणविमाणस्स इमेयारूवे वण्णावासे पत्रते से जहानाए-अडरुग्गयस्स वा हेमंतियबालियसूरियस्स खयरिं गालाणं वा रत्तिं पज्जलियाणं जवाकुसुमवणस्स वा केसुयवणस्स वा पारियवणस्स वा सब्बतो समंता संकुसुमियस्स भवे एयारूवे सिया नो इणट्ठे सभट्ठे तस्स णं दिवस्स

जाणविमाणस्स एतो इट्ठतराए वेव जाव वण्णे पन्नते गंधो य फासो य जहा मणीणं तए णं से आभियोगिए देवे दिव्वं जाणविमाणं विउव्वइ विउव्वित्ता जेणेव सूरियाभे देवे तेणेव उवागच्छइ उवागच्छित्ता सूरियाभं देवं करयलपरिग्गहियं जाव पच्चप्पिणति १९५-१६

(१६) तए णं से सूरियाभे देवे आभियोगस्स देवस्स अंतिए एयमट्ठं सोच्चा निसम्भं हट्ठ जाव हियए दिव्वं जिणिदाभिगमणजोगं उत्तरवेउव्वियरूवं विउव्वित्ति विउव्वित्ता चउहिं अगमहिसीहिं सपरिवाराहिं दोहिं अणिएहिं तं जहा-गंधव्याणिएणं य नट्टाणिएण य सद्धिं संपरिवुडे तं दिव्वं जावविमाणं अनुपयाहिणीकरेमाणे पुरत्थिमिल्लेणं तिसोमाणपडिरूवाएणं दुरुहति दुरुहिता सीहा-सणे तेणेव उवागच्छइ उवागच्छित्ता सीहासणवरगए पुरत्थाभिमुहे सण्णिसण्णे तए णं तस्स सूरियाभस्स देवस्स चत्तारि सामाणियसाहस्सीओ तं दिव्वं जाणविमाणे अनुपयाहिणीकरेमाणा उत्तरिल्लेणं तिसोवाणपडिरूवएणं दुरुहंति दुरिहिता पत्तेयं-पत्तेयं पुव्वणत्थेहिं भद्दासणेहिं निसीयंति अवसेसा देवा य देवीओ य तं दिव्वं जाणविमाणं [अनुपयाहिणीकरेमाणा] दाहिणिल्लेणं तिसोवाण-पडिरूवएणं दुरुहंति दुरुहिता पत्तेयं-पत्तेयं पुव्वणत्थेहिं भद्दासणेहिं निसीयंति तए णं तस्स सूरिया-भस्स देवस्स तं दिव्वं जाणविमाणं दुरुढस्स समाणस्स अट्ठमंगला पुरतो अहाणुपुव्वीए संपत्थिया तं जहा-सोत्थिय-सिरिवच्छ-जाव दप्पणा तयणंतरं च णं पुन्नकलसभिगार-दिव्वायवत्तपडागा सचा-मरा दंसणरइया आलोयदरिसणिआ वाउद्धुयविजयवेजयंतीपडागा ऊसिया गगणतलमणुलिहंती पुरतो अहाणुपुव्वीए संपत्थिया

तयाणंतरं च णं वेरुलियभिस्तंतविमलदंडं पलंबकोरं टमपल्लदाभोवसोभितं चंदमंडलनिभं समुस्सियं विमलमावदत्तं पवरसीहासणं च मणिरयणप्रतिचित्तं सपायपीढं सपाउया-जोयसमाउत्तं बहुकिंकरामपरिग्गहियं पुरतो अहाणु-पुव्वीए संपत्थियं तयणंतरं च णं वइरामय-वट्ट-लट्ठ-संठिय-सुसिलिट्ठ-परिपट्ठ-मट्ठ-सुपतिट्ठिए विसिट्ठे अणेगवरपंचवण्णकुडभी-सहस्सपरिमंडियाभिरामे वा-उद्धुयविजयवेजयंतीपडा-गच्छत्ता-तिच्छत्तकलिए तुंगे गगणतलमणुलिहंतसिहरे जोयणसहस्स-भूसिए महत्तिमहालए महिंदज्जाए पुरतो अहाणुपुव्वीए संपत्तइए तयणंतरं च णं सुरुवं-नेवत्थ-परिकच्छिया सुसज्जा सव्वालंकारभूसिया महया भड-चडगर-पहगरेणं पंच अणीयाहिबइणे पुरतो अहाणुपुव्वीए संपत्थिया तयणंतरं च णं बहवे आभियोगिया देवा देवीओ य सएहिं-सएहिं रूवेहिं सएहिं-सएहिं विसेसेहिं सएहिं-सएहिं विहवेहिं सएहिं-सएहिं निज्जोएहि सएहिं-सएहिं नेवत्थेहिं पुरतो अहाणुपुव्वीए संपत्थिया तयणंतरं च णं सूरियाभविमाणवासिणे बहवे वेमाणिया देवा य देवीओ य सव्विइट्ठीए जाव नाइयवरेणं सूरियाभं देवं पुरतो पासतो य मग्गतो य समणुगच्छंति

१९६-१६

(१७) तए णं से सूरियाभे देवे तेणं पंचाणीयपरिखित्तेणं वइरामयवट्ट-लट्ठ-संठिय-जाव जोयणसहस्सभूसिएणं महत्तिमहालतेणं महिंदज्जाएणं पुरतो कड्ढिज्जमाणेणं चउहिं सामाणियसा-हास्सीहिं जाव सोलसहिं आयरक्खदेवसाहस्सीहिं अनेहे य बहूहिं सूरियाभविमाणवासीहिं वेमा-णिएहिं देवेहिं देवीहिं य सद्धिं संपरिवुडे सव्विइट्ठीए जाव नाइयरवेणं सोधम्मस्स कप्पस्स मज्झं-मज्झेणं तं दिव्वंदेविट्ठिं दिव्वंदेवजुत्तिं दिव्वंदेवाणुभावं उवदंसेमाणे-उवदंसेमाणे पडिजागरेमाणे-पडिजागरेमाणे जेणेव सोहम्मस्स कप्पस्स उत्तरिल्ले निज्जाणमाणे तेणेव उवागच्छति जोयणसय-साहस्सिएहिं विग्गहेहिं ओवयमाणे वीतिवयमाणे ताए उक्किट्ठाए [तुरियाए चवलाए चंडाए

जवणाए सिग्धाए उद्ध्याए दिव्ये देवगईए। तिरियमसंखिज्जाणं दीवसमुद्धानं मज्झिमज्जेणं वीती-  
वयमाणे-वीतीवयमाणे जेणेव नंदीसरवरे दीवे जेणेव दाहिणपुरत्थिमिल्ले रतिकरपव्वए तेणेय  
उवागच्छइ उवागच्छिता तं दिव्यं देविड्ढि [दिव्यदेवजुति] दिव्यदेवाणुभावं पडिसाहरेमाणे-  
पडिसाहरेमाणे पडिसंखेवेमाणे-पडिसंखेवेमाणे जेणेव जंबुदीवे दीवे जेणेव भारहे वासे जेणेव  
आमलकम्पा नयरी जेणेव अंबसालवणे चेइए जेणेव समणे भगवं महावीरे तेणेव उवागच्छइ  
उवागच्छिता समणं भगवं महावीरं तेणं दिव्येण जाणविमाणेणं तिकवुत्तो आयाहिणं पयाहिणं कोइ  
करेता समणस्स भगवओ महावीरस्स उत्तरपुरत्थिमे दिसीभागे तं दिव्यं जाणविमाणं ईसिं चउरंगुल-  
मसंपत्तं धरणितरंसि ठवेई ठवेत्ता चउहिं अग्गमहिंसीहिं सपरिवाराहिं दोहिं अणिएहिं य -  
गंधव्याणिणं य नट्टाणिणं य सद्धिं संपरिवुडे-त्ताओ दिव्याओ जाणविमाणाओ पुरत्थिमिल्लेणं  
तिसोवाणपडिरूवाणं पच्चोरूहति तए णं तस्स सूरियाभस्स देवस्स चत्तारि सामाणियसाहस्सीओ  
ताओ दिव्याओ जाणविमाणाओ उत्तरिल्लेणं तिसोवाणपडिरूवएणं पच्चोरूहति अवसेसा देवा य  
देवीओ चताओ दिव्याओ जाणविमाणाओ दाहिणिल्लेणं तिसोवाणपडिरूवएणं पच्चोरूहति तए णं से  
सूरियाभे देवे चउहिं अग्गमहिंसीहिं जाव सोलसहिं आयरकखदेव-साहस्सीहिं अण्णेहिं य बहूहिं  
सूरियाभविमाणवासीहिं वेमाणिएहिं देवेहिं देवीहिं य सद्धिं संपरिवुडे सव्विड्ढीए जाव नाइयरवेणं  
जेणेव समणे भगवं महावीरे तेणेव उवागच्छति उवागच्छिता समणं भगवं महावीरं तिकवुत्तो आया-  
हिणं पयाहिणं करेति करेता वंदति नमंसति वंदिता नमंसिता एवं वयासी-अहण्णं भंते सूरियाभे देवे  
देवाणुप्पियं वंदामि नमंसांमि जाव पज्जुवासामि। १७।-१७

(१८) सूरियाभाइ समणे भगवं महावीरे सूरियाभं देवं एवं वयासी-पोराणमेवं सूरियाभा  
जीयमेवं सूरियाभा किछमेवं सूरियाभा करणिज्जमेवं सूरियाभा आहण्णमेवं सूरियाभा अब्भणुण्णा-  
यमेवं सूरियाभा जण्णं भवणवइ-वाणमंतर-जो सवेमाणिया देवा अरहंते भगवंते वंदति नमंसति  
वंदिता नमंसिता तओ पच्छा साइ-साइ नाम-गोत्ताइं सारिंति तं पोराणमेवं सूरियाभा जाव अब्भ-  
णुण्णायमेवं सूरियाभा। १८।-१८

(१९) तए णं से सूरियाभे देवे समणेणं भगवया महावीरेणं एवं वुत्ते समाणे हट्ठ जाव समणं  
भगवं महावीरं वंदति नमंसति वंदिता नमंसिता नट्टासण्णे नातिदूरे सुत्तसुसमाणे नमंसमाणे अभि-  
मुहे विणएणं पंजलिउडे पज्जुवासति। १९।-१९

(२०) तए णं समणे भगवं महावीरे सूरियाभस्स देवस्स तीसे य महतिमहालिया इसिपरिसाए  
मुनिपरिसाए जतिपरिसाए विदुपरिसाए देवपरिसाए खत्तिवपरिसाए इक्खगपरिसाए कोरव्व-  
परिसाए अणेगसयाए अणेगवंदाए अनेगसयवंदपरिवाराए परिसाए ओहबले अइबले महव्वले  
अपरिमिचवल-वीरिय-तेच-साहप्प-कंतिजुते सारय-नवत्थणिय-महुरांमीर-कौचनिग्घोस-दुंदुभि-  
स्सरे उरे विट्ठयाए कंठे बट्ठियाए सिरे समाइण्णाए अगरलाए अमम्मणाए सुव्वत्तक्खर-सण्णि-  
वाइयाए पुत्ररत्ताए सव्वभासाणुगामिणीए सरस्सईए जोयणनीहारिणा सरेणं अट्ठमागहाए भासाए  
भासइ-अरिहा धम्मं परिकहेइ जाव परिसा जामेव दिसिं पाउव्व्यूया तामेव दिसिं पडिगया। २०।-२०

(२१) तए णं से सूरियाभे देवे समणस्स भगवओ महावीरस्स अंतिए धम्मं सोद्धा निसम्म  
हट्ठुट्ठ-जाव हियए उट्ठाए उट्ठति उट्ठेता समणं भगवं महावीरं वंदइ नमंसइ वंदिता नमंसिता एवं  
वयासी-अहण्णं भंते सूरियाभे देवे किं भवसिद्धिं अभवसिद्धिं सम्मदिट्ठी मिच्छदिट्ठी परित-

संसारिए अनंतसंसारिए सुलभबोहिए दुल्लभबोहिए आराहए विराहए चरिमे अचरिमे सूरियाभाइ समणे भगवं महावीरे सूरियामं देवं एवं वयासी-सूरियाभा तुमण्णं भवसिद्धिए नो अभवसिद्धिए जाव चरिमे नो अचरिमे ।२१।-२१

(२१) तए णं से सूरियाभे देवे समणेणं भगवया महावीरेणं एवं वुत्ते समाणे हट्ठतुट्ठ-चित्तमाणंदिए पीइमणे परमसोमणसिए हरिसवस-विसण्णमाणहियए समणं भगवं महावीरं वंदेति नमंसति वंदिता नमंसिता एवं वयासी-तुब्भे णं भंते सव्वं जाणह सव्वं पासह सव्वओ जाणह सव्वओ पासह सव्वं कालं जाणह सव्वं कालं पासह सव्वे भावे जाणह सव्वे भावे पासह जाणति णं देवाणुप्पिया मम पुप्पि वा पच्छ वा ममेयरूवं दिव्वंदेवडिंद दिव्वंदेवजुइ दिव्वंदेवाणुभावं लद्धं पत्तं अभिसमण्णागयं ति तं इच्छमि णं देवाणुप्पियाणं भत्तिपुब्बयं गोयमत्तियाणं समणाणं निग्गंधाणं दिव्वं देविडिंद दिव्वं देवजुइ दिव्वं देवाणुभावं दिव्वं वत्तीसत्तियद्धं नट्टविहिं उवदंसित्तए ।२२।-२२

(२२) तए णं समणे भगवं महावीरे सूरियाभेणं देवेणं एवं वुत्ते समाणे सूरियाभस्स देवस्स एयमट्ठं नो आढाइ नो परियाणइ तुसिणीए संचिद्धति तए णं से सूरियाभे देवे समणं भगवं महावीरं दोहं पि तच्चं पि एवं वयासी-तुब्भे णं भंते सव्वं जाणह जाव उवदंसित्तएति कट्ठ समणं भगवं महावीरं तिकखुत्तो आयाहिणं पयाहिणं करेइ करेत्ता वंदेति नमंसति वंदिता नमंसिता उत्तरपुरत्थिमं दिसी-भागं अवक्कमति अवक्कमिता वेउब्बियसमुग्धाएणं समोहण्णइ समोहणिता संखेज्जाइ जोयणाइ दंडं निसिरति [तं जहा-रयणाणं वइराणं वेरुलियाणं लोहियक्खाणं मसारण्णइणं हंसगम्भाणं पुलगाणं सोगंधियाणं जोईरसाणं अंजणाणं अंजणपुलगाणं रययाणं जावरूवाणं अंकाणं फलिहाणं रिद्धाणं अहावाचरे पोग्गले परिसाडेति परिसाडेता अहासुहुमे पोग्गले परियाएइ परियाइत्ता दोहंपि वेउब्बिय-समुग्धाएणं समोहण्णति समोहणिता] बहुसमरमणिज्जं भूमिभागं विउब्बति से जहा-नामए-आलिंगपुक्खरेइ वा जाव मणीणं फासो तस्स णं बहुसमरमणिज्जस्स भूमिभागस्स बहुमज्ज-देसभागे पिच्छाघरमंडवं विउब्बति-अनेगखंभसयसत्ति- विट्ठं वण्णओ अंतो बहुसमरमणिज्जं भूमिभागं उल्लोयं अक्खाडगं च मणिपेढियं च विउब्बति तीसे णं मणिपेढियाए उवरिं सीहासणं सपरिवां जाव दामा चिद्धति तए णं से सूरियामं देवे समणस्स भगवतो महावीरस्स आलोए पणामं करेति करेत्ता अनुजाणउ मे भगवं ति कट्ठ सीहासणवरगए तित्थयरभिमुहे सण्णिसण्णे तए णं से सूरियाभे देवे तण्णट्ठमचाए नानामणिक्कणगरयणविमल-महरिह-निउण-ओविय-पिसिपिसंतवि-रचियमहाभरण-कडग-तुडियवरभूसणुज्जलं पीवरं पलंबं दाहिणं भुयं पसारति तओ णं सरिसयाणं सरित्तयाणं सरिच्चयाणं सरिसत्तावण्ण-रूव-जोव्वण-गुणोदयेयाणं एगाभाण-यसणगहियणि-ज्जोयाणं दुहओ संवेल्लियगणियत्थाणं आविद्धतिलया- मेलानं पिणद्धगेवेज्जकंचुयाणं उप्पलिय-वित्तपट्ठ-परियर-सफेणकावत्तरइय-संगय-पलंब-वत्थंत-चित्त-चिल्ललग-नियंसणाणं एगावलिकंठरयइ-सोभंत-वच्छ-परिहत्थ-भूसणाणं अट्ठसयं नट्ट-सज्जाणं देवकुमारानं निग्गच्छइ तयणंतं च णं नानामणि जाव पीवरं पलंबं वामं भुयं पसारति

तओ णं सरिसियाणं जाव पिणद्धगेवेज्जकंचुईयं नानामणि-क्कणगरयण-भूसण-विराइयंग-मंगीणं चंदाणणाणं चंदद्धसमनिलाडाणं चंदाहियसोमदंसणाणं उक्का इव उज्जोवेमाणीणं सिंगारा-गारचारुवेसाणं संगयागय-हसिय-भणिय-चिद्धिय-विलासललिय-संलावनिउणनुत्तोवयारकुस-लाणं गहियाउज्जाणं अट्ठसयं नट्टसज्जाणं देवकुमारीणं निग्गच्छइ तए णं से सूरियाभे देवे अट्ठसयं

संखाणं विउच्चइ अट्टसयं संखवायाणं विउच्चइ अट्टसयं सिंगाणं विउच्चइ अट्टसयं सिंगवायाणं विउच्चइ अट्टसयं संखियाणं विउच्चइ अट्टसयं संखियावायाणं विउच्चइ अट्टसयं खरमुहीणं विउच्चइ अट्टसयं खरमुहियावायाणं विउच्चइ अट्टसयं पेयाणं विउच्चइ अट्टसयं पेयावायाणं विउच्चइ अट्टसयं पिरिपिरियाणं विउच्चइ अट्टसयं पिरिपिरियावायाणं विउच्चइ एवमाइयाइ एणुणपन्नं आउज्ज-विहाणाइ विउच्चइ विउच्चिता तए णं ते बहवे देवकुमारा य देवकुमारीओ य सहावेति तए णं ते बहवे देवकुमारा य देवकुमारीओ य सूरियाभेणं देवेणं सहाविया समाणा हट्ठ जाव जेणेव सूरियाभे देवे तेणेव उवागच्छंति उवागच्छिता सूरियाभं देवं करयलपरिणहियं जाव बद्धावेत्ता एवं वयासी-संदिसंतु णं देवाणुप्पिया जं अन्हेहिं कायव्यं तए णं से सूरियाभे देवे ते बहवे देवकुमारा य देवकुमारीओ य एवं वयासी-गच्छह णं तुम्हे देवाणुप्पिया समणं भगवं महावीरं तिकवुत्तो आयाहिणं पयाहिणं करेह करेत्ता बंदह नमंसह बंदिता नमंसिता गोयमाइयाणं समणाणं निगंथाणं तं दिव्यं-देविद्धिं दिव्यं देवजुतिं दिव्यं देवाणुभावं दिव्यं बत्तीसइबद्धं नट्टविहिं उवदंसेह उवदंसिता खिप्पामेव एवमाणत्तियं पच्चप्पिणह

तए णं ते बहवे देवकुमारा य देवकुमारीओ य सूरियाभेणं देवेणं एवं युत्ता समाणा हट्ठ जाव पडिसुणेंति पडिसुगिरा जेणेव समणे भगवं महावीरे तेणेव उवागच्छंति उवागच्छिता समणं भगवं महावीरं नमंसिता जेणेव गोयमाइया समणा निगंथा तेणेव निगच्छंति तए णं ते बहवे देवकुमारा य देवकुमारीओ य समामेव समोसरणं करेति करेत्ता समामेव पंतीओ बंधंति बंधिता समामेव ओणमंति ओणमिता समामेव उण्णमंति उण्णमिता एवं सहियामेव ओणमंति ओणमिता सहियामेव उण्णमंति उण्णमिता संगयामेव ओणमंति ओणमिता संगयामेव उण्णमंति उण्णमिता धिमियामेव ओणमंति ओणमिता धिमियामेव उण्णमंति उण्णमिता समामेव पसरंति समामेव आउज्जविहाणाइ गेहंति गेहिंत्ता समामेव पवाएसु समामेव पगाइसु समामेव पणछिसु किं ते उरेणं मंदं सिरिणं तारं कंठेणं वितारं तिविहं तिसमय-रेयग-रइयं गुजावंककुहरोकगूढं रत्तं तिट्ठाणकरणसुद्धं सकुहुएजंतवंस-तंती-तल-ताल-लय-गहसुसंपउत्तं महुरं समं सललियं मनोहरं मउरिभिपय-संवारं सुरइं सुणंति वरचारुत्वं दिव्यं नट्टसज्जं गेयं पगीयावि होत्था-

किं ते अट्टमंताणं-संखाणं सिंगाणं संखियाणं खरमुहीणं पेयाणं पिरिपिरियाणं आहमंताणं-पणवाणं पडहाणं अप्फालिज्जमाणं-भंभाणं होरंभाणं तालिज्जंतीणं-भेरीणं झल्लरीणं दुंदुहीणं आल-वंताणं-मुखाणं मुइंगाणं नंदीमुइंगाणं उत्तालिज्जंताणं-आलिंगाणं कुतुंबाणं गोमुहीणं महलाणं मुच्छिज्जंताणं-वीगाणं विपं-वीणं बल्लकीणं कुट्टिज्जंतीणं-महंतीणं कच्छभीणं चित्तवीणाणं सारिज्जं-ताणं-वद्धीसाणं सुघोसाणं नंदिघोसाणं फुट्टिज्जंतीणं-भामरीणं छब्भामरीणं परिवायणीणं छिप्पंताणं-तूणाणं तुंववीणाणं आमोडिज्जंताणं-आमोटाणं झंझाणं नउलाणं अछिज्जंतीणं-मुंगुदाणं हुडुक्कीणं विचिक्कीणं वाइज्जंताणं-करडाणं डिडिमाणं किणियाणं कडंबाणं ताडिज्जंताणं-दहरगाणं दहरि-गाणं कुतुंबराणं कलसियाणं महुयाणं आताडिज्जंताणं-तलाणं तालाइणं कंसतालाणं घट्टिज्जंताणं-रिगिसियाणं लतियाणं पगरियाणं सुंसुमारियाणं फूमिज्जंताणं-वंसाणं देलूणं वालीणं परिलीणं बद्ध-गाणं तए णं से दिव्येगीए दिव्येनट्टे दिव्येवाइए एवं अब्भुए सिंगारे उराले मणुन्ने मनहरे गीए मनहरे नट्टे मनहरे वाइए उप्पिजलभूते कहकहभूते दिव्ये देवरमणे पवते यावि होत्था तए णं ते बहवे देवकुमारा य देवकुमारीओ य समणस्स भगवओ महावीरस्स सोखिय-जाव दप्पण-मंगल-

भत्तिचित्तं नाम दिव्यं नट्टविधिं उवदंसेति । २३।-२३

(२४) तए णं ते बहवे देवकुमारा य देवकुमारीओ य समापेव समोसरणं करेति करेता तं चेव प्राणियच्चं जाव दिव्ये देवरमणे पवत्ते यावि होत्था तए णं ते बहवे देवकुमारा य देवकुमारीओ य समणस्स भगवओ महावीरस्स आवड-पच्चावड-सेटि-पसेटि-सोत्थिय-सोवत्थिय-पूसमाणव-वड्ड-माणग-मच्छंडा-मगरंडा-जारा-मारा-फुल्लालि-पउमपत्त-सागरतरंग-वसंतलता-पउमलयभत्ति-चित्तं नाम दिव्यं नट्टविहिं उवदंसेति एवं च एकिकक्किवाए नट्टिविहीए समोसरणादिया एसा वत्तव्वया जाव दिव्ये देवरमणे पवत्ते यावि होत्था तए णं ते बहवे देवकुमारा य देवकुमारियाओ य समणस्स भगवओ महावीरस्स ईहामिअ-उसभ-तुरग-नर-मगर-विहग-बालग-किन्नर-रुद्ध-सरभ-चमर-कुंजर-वणलय-पउमलयभत्तिचित्तं नाम दिव्यं नट्टविहिं उवदंसेति एगओवकं एगओखहं दुहओखहं एगओचक्कवालं दुहओचक्कवालं चक्कळ्ळुचक्कवालं नाम दिव्यं नट्टविहिं उवदंसेति चंदावलिपविभत्तिं च सूरालिपविभत्तिं च वलयावलिपविभत्तिं च हंसावलिपविभत्तिं च एगावलि-पविभत्तिं च तारावलिपविभत्तिं च मुत्तावलिपविभत्तिं च कण्णावलिपविभत्तिं च रवणावलिप-विभत्तिं च आवलिपविभत्तिं च नाम दिव्यं नट्टविहिं उवदंसेति

चंदुगमणपविभत्तिं च सूरुगमण-पविभत्तिं च उगमणुगमणपविभत्तिं च नाम दिव्यं नट्टविहिं उवदंसेति चंदागमणपविभत्तिं च सूरुगमणपविभत्तिं च आगमणागमणपविभत्तिं च नाम दिव्यं नट्टविहिं उवदंसेति चंदावरणपविभत्तिं च सूरुवरणपविभत्तिं च आवरणावरणपविभत्तिं च नाम दिव्यं नट्टविहिं उवदंसेति चंदत्थमणपविभत्तिं च सूरत्थगणपविभत्तिं च अत्थमणत्थमण-पविभत्तिं च नाम दिव्यं नट्टविहिं उवदंसेति चंदमंडलपविभत्तिं च सूरमंडलपविभत्तिं च नागमंडल-पविभत्तिं च जक्खमंडलपविभत्तिं च भूतमंडलपविभत्तिं च रक्खस-महोरग-गंधव्वमंडलपविभत्तिं च मंडलपविभत्तिं च नाम दिव्यं नट्टविहिं उवदंसेति उसभमंडलपविभत्तिं च सीहमंडलपविभत्तिं च हयविलंबियं गयविलंबियं हयविलसियं गयविलसियं मत्तहयविलसियं मत्तगयविलसियं मत्तहय-विलंबियं मत्तगयविलंबियं दुयविलंबियं नाम दिव्यं नट्टविहिं उवदंसेति सागरपविभत्तिं च नागर-पविभत्तिं च सागर-नागरपविभत्तिं च नाम दिव्यं नट्टविहिं उवदंसेति नंदापविभत्तिं च चंपा-पविभत्तिं च नंदा-चंपापविभत्तिं च नाम दिव्यं नट्टविहिं उवदंसेति मच्छंडापविभत्तिं च मयरं-डापविभत्तिं च जारापविभत्तिं च मारापविभत्तिं च मच्छंडा-मयरंडा-जारा-मारापविभत्तिं च नाम दिव्यं नट्टविहिं उवदंसेति

कति ककारपविभत्तिं च ख ति खकारपविभत्तिं च ग ति गकारपविभत्तिं च घ ति घकार-पविभत्तिं च ङ ति ङकारपविभत्तिं च ककार-खकार-गकार-घकार-ङकार-पविभत्तिं च नाम दिव्यं नट्टविहिं उवदंसेति एवं-चकारवणो वि टकारवणो वि तकारवणो वि पकारवणो वि असोय-पल्लवपविभत्तिं च अंबपल्लवपविभत्तिं च जंबूपल्लवपविभत्तिं च कोसंबल्लवपविभत्तिं च पल्लव-पविभत्तिं च नाम दिव्यं नट्टविहिं उवदंसेति पउमलयापविभत्तिं जाव सामलयापविभत्तिं च लयाप-विभत्तिं च नाम दिव्यं नट्टविहिं उवदंसेति दुयं नाम दिव्यं नट्टविहिं उवदंसेति विलंबियं नाम दिव्यं नट्टविहिं उवदंसेति दुयविलंबियं नाम दिव्यं नट्टविहिं उवदंसेति अंधियं नाम दिव्यं नट्टविहिं उवदंसेति रिभियं नाम दिव्यं नट्टविहिं उवदंसेति अंधियारिभियं नाम दिव्यं नट्टविहिं उवदंसेति आरमडं नाम दिव्यं नट्टविहिं उवदंसेति भसोलं नाम दिव्यं नट्टविहिं उवदंसेति आरभडभसोलं नाम

दिव्यं नष्टविहिं उवदंसेति उष्णयनिवाचपसतं संकुचिय-पसारियं रियारियं भंतसंभतं नाम दिव्यं नष्टविहिं उवदंसेति तए णं ते बहवे देवकुमारा य देवकुमारीओ य समामेय समोसरणं करोति जाव दिव्ये देवरमणे पवत्ते यावि होत्था तए णं ते बहवे देवकुमारा य देवकुमारीओ य समणस्स भगवओ महावीरस्स चरमपुव्वभवनिबद्धं च चरमचवणनिबद्धं च चरमसाहरणनिबद्धं च चरमजम्मणनिबद्धं च चरमअभिसेअनिबद्धं च चरमयालभावनिबद्धं च चरमजोव्वणनिबद्धं च चरमकामभोगनिबद्धं च चरमनिकखमणनिबद्धं च चरमतवचरणनिबद्धं च चरमनाणुप्पायनिबद्धं च चरमतिथपवत्तण-निबद्धं च चरमपरिनिव्वाणनिबद्धं च चरमनिबद्धं च नाम दिव्यं नष्टविहिं उवदंसेति तए णं ते बहवे देवकुमारा य देवकुमारीओ य चउव्विहं बाइत्तं वाएत्ति तं जहा-तत्तं वितत्तं घणुं सुसिरं तए णं ते बहवे देवकुमारा य देवकुमारीयाओ च चउव्विहं गेयं गायंति तं जहा-उक्खितं पायत्तं मंदायं रोइयावसाणं च तए णं ते बहवे देवकुमारा य देवकुमारियाओ य चउव्विहं नष्टविहिं उवदंसेति तं जहा-अचियं रिभिचं आरभडं भसोलं च तए णं ते बहवे देवकुमारा य देवकुमारियाओ य चउव्विहं अभिणयं अभिणंति तं जहा-दिट्ठतियं पाडंतिय सामन्नओविणिवाइयं लोगमज्झावसाणियं च तए णं ते बहवे देवकुमारा य देवकुमारियाओ य गोयमादियाणं समणाणं निगंथाणं दिव्वंदेविइं दिव्वंदेवजुत्तिं दिव्वंदेवाणुभावं दिव्वंबत्तीसइवद्ध नटट्ठविहिं उवदंसित्ता समणं भगवं महावीरं नमंसति वंदित्ता नमंसित्ता जेणेव सूरियामे देवे तेणेव उवागच्छंति उवागच्छित्ता सूरियाभं देवं करयलपरिगहियं जाव वद्धावेत्ता एयमाणतियं पच्चप्पिणंति। २४।-२४

(२५) तए णं से सूरियामे देवे तं दिव्वंदेविइं दिव्वंदेवजुइं दिव्वंदेवाणुभावं पडिसाहरइ पडिसाहरेत्ता खणेणं जाते एगे एगभूए तए णं से सूरियामे देवे समणं भगवं महावीरं तिकवुत्तो आयाहिणं पयाहिणं करेइ वंदति नंसति वंदित्ता नमंसित्ता नियगपरिवालसद्धिं संपरिवुडे तमेव दिव्यं जाणविमाणं दुरुहति दुरुहित्ता जामेव दिसिं पाउव्वूए तामेव दिसिं पडिगए। २५।-२५

(२६) भंतेति भयवं गोयमे समणं भगवं महावीरं वंदति नमंसति वंदित्ता नमंसित्ता एवं वयासी- सूरियाभस्स णं भंते देवस्स एसा दिव्वादेविइं दिव्वादेवजुत्ती दिव्वंदेवाणुभावे कहिं गते कहिं अनुप्पविट्ठे गोयमा सरीरं गए सरीरं अनुप्पविट्ठे से केणट्ठेणं भंते एवं वुद्धइ-सरीरं गए सरीरं अनुप्पविट्ठे गोयमा से जहानामए कूडागारसाला सिया-दुहतो लिता गुत्ता गुत्तदुवारा निवाचा निवाचगंभीरा तीसे णं कूडागारसालए अदूरसामंते एत्थ णं महेगे जणसमूहे एगं महं अब्भबहल्लगं वा वासवद्दल्लगं वा महावायं वा एज्जमाणं पासति पासित्ता तं कूडागारसालं अंतो अनुप्पविसित्ताणं चिट्ठइ से तेणट्ठेणं गोयमा एवं वुद्धति-सरीरं गए सरीरं अनुप्पविट्ठे। २६।-२६

(२७) कहिं णं भंते सूरियाभस्स देवस्स सूरियाभे नाम विमाणे पन्नत्ते गोयमा जंवुदीवे दीवे मंदरस्स पव्वयस्स दाहिणेणं इमीसे रयणप्पभाए पुढवीए बहुसमरमणिज्जातो भूमिभागातो उइं चंदिम-सूरिय-गहगण-नक्खत्त-ताराह्मवाणं पुरओ बहूइं जोयणाइं बहूइं जोयणसयाइं बहूइं जोयणसहस्साइं बहूइं जोयणसयसहस्साइं बहूइंओ जोयणकोडीओ बहूइंओ जोयणकोडाकोडीओ उइं दूरं धीतीवइत्ता एत्थ णं सोहम्मे नामं कप्पे पन्नत्ते-पाईणपडीनायते उदाणदाहिणविस्थिणे अद्धचंदसंठाणसंठिते अछिमालि-भासरसिवण्णाभे असंखेज्जाओ जोयणकोडाकोडीओ आयाम-विकखंभेणं असंखेज्जाओ जोयणकोडीकोडीओ परिक्खेवेणं सब्बरयणामए अच्छे सण्हे जाव पडि-रूवे एत्थ णं सोहम्माणं देवाणं बत्तीसं विमाणवाससयसहस्साइं भवन्ति इति मक्खायं ते णं विमाणा

सव्वरयणामया अच्छा जाव पडिरूवा तेसिं णं विमाणानं बहुमज्झदेसभाए पंच वडेंसया पन्नत्ता तं जहा-असोगवडेंसए सत्तवण्णवडेंसए चंपगवडेंसए चूचवडेंसए मज्झे सोधम्मवडेंसए ते णं वडेंसगा सव्वरयणामया अच्छा जाव पडिरूवा तस्स णं सोधम्मवडेंसगास्स महाविमाणस्स पुरत्थिमेणं तिरियं असंखेज्जाइं जोयणसयरहस्साइं वीईवइत्ता एत्थ णं सूरियाभस्स देवस्स सूरियाभे विमाणे पन्नत्ते-अद्धतेरस जोयणसयरहस्साइं आद्यामविकखंभेणं गुणयालीसं च सयरहस्साइं बावन्नं च सहस्साइं अद्ध य अडयाले जोयणसत्ते परिकखेणं से णं एगेणं पागारेणं सव्वओ समंता संपरिक्खित्ते से णं पागारे तिण्णि जोयणसयाइं उड्डं उच्चतेणं मूले एगं जोयणसयं विकखंभेणं मज्झे पन्नासं जोयणाइं विकखंभेणं उप्पिं ण्णवीसं जोयणाइं विकखंभेणं मूले वित्थिण्णे मज्झे संखित्ते उप्पिं तणुए गो-पुच्छसंठाणसंठिए सव्वरयणामए अच्छे जाव पडिरूवे

से णं पागारे नानाविहपंचवण्णेहिं कविसीसएहिं उवसोभिए तं जहा- किण्हंहिं नीलेहिं लोहितेहिं हातिदेहिं मुक्किलेहिं कविसीसएहिं ते णं कविसीसगा एगं जोयणं आयामेणं अद्धजोयणं विकखंभेणं देसुणं जोयणं उड्डं उच्चतेणं सव्वरयणामया अच्छा जाव पडिरूवा सूरियाभस्स णं विमाणस्स एगमेगाए द्वाहाए दारसहस्सं-दारसहस्सं भवतीति मक्खयायं ते णं दारा पंच जोयणसयाइं उड्डं उच्चतेणं अड्डाज्जाइं जोयणसयाइं विकखंभेणं तावइयं चेव पवेसेणं सेया वरकणगधूभियागा ईहामिय-उसभ-तुरग-नर - जाव पउमलय- भत्तिचिन्ता खंभुगय-वइवेइया-परिगयाभिरागा विज्जाहर-जमल-जुयल-जंतजुत्ता पिव अट्ठीराहस्समालणीया रूवगसहस्सकलिया भिसमाणा भिब्भिसमाणा चक्खुल्लोयणसलेसा सुहफासा सस्सिरीवरूवा वण्णो दाराणं तेसिं होइ तं जहा-वइरामया निम्मा रिद्धमया पइड्डाणा वेरुलियमया खंभा जायरूवोवचिय-पवरपंचवण्णमणिरयण-कोट्टिमत्तला हंसगधमया एलुवा गोमेज्जमया इंदकीला लोहियक्खमईओ दारवेडाओ जोईरसमया उत्तरंगा लोहियक्खमईओ सूईओ वइरामया संथी नानात्मणिमया समुगया वइरामया अगगला अगगलपासाया रययमईओ आवत्तणपेढियाओ अंकुतरपासगा निरंतरियघणकवाडा भित्तीमु चेव भित्तिगुलिया छप्पन्न तिण्णि होति गोमाणसिया तत्तिया नानामणिरयणवालरूवगं-लीलद्वियेसाल-भंजियागा वइरामया कूडा रययामया उस्सेहा सव्वतवणिज्जमया उल्लोया नानामणिरयणजालपंजर-मणिवंसग-लोहियक्ख-पडिवंसग-रययभोमा अंकामया पक्खा पक्खद्वाहाओ जोईरसमया वंसा वंसकवेळुयाओ रययामईओ पट्टियाओ जायरूवमईओ ओहाडणीओ वइरामईओ उवरिपुंछणीओ सव्वसेयरययामए छायेणे अंकमय-कणगकूडतयनिज्जधूभियागा सेया संखत्तल-विमल-निम्मल-दधिवण-गोखीरफेण-रययनिरगस- गासा तिलग-रयणद्धचंदचित्ता नानामणिदामालंकिया अंतो बहिं च सण्हा तवणिज्ज-वालुया-पत्थडा सुहफासा सस्सिरीयरूवा पासाईवा दरिसणिज्जा अभिरूवा पडिरूवा ।२७।-२७

(२८) तेसिं णं दाराणं उभओ पासे दुहओ निसीहियाए सोलस-सोलस वंदणकलस-परि-वाडीओ पन्नत्ताओ ते णं वंदणकलसा वरकमलपइड्डाणा सुरभिवरवारिपडिपुत्ता चंदणकयचद्यागा आविद्धकंठेगुणा पउमुपलपिधाणा सव्वरयणामया अच्छा जाव पडिरूवा महया-महया महिंद-कुंभसमाणा पन्नत्ता समणाउसो तेसिं णं दारमं उभओ पासे दुहओ निसीहियाए सोलस-सोलस नागदंतपरिवाडीओ पन्नत्ताओ ते णं नागदंता मुत्ताजालंतरुसियहेमजाल-गवक्खजाल-खिंखि-णीघंटा-जालपरिक्खित्ता अट्ठुगया अभिनिसिद्धा तिरियं मुसंपण्हिया अहेपन्नगद्धरूवगा पन्नग-

खसंठाणसंठिया सव्ववइरामया अच्छा जाव पडिख्वा महया-महया गवदंतसमाणा पन्नता सम-  
णाउसो तेसु णं नाणदंतएसु बहवे किण्हसुतवद्धा वग्धारियमल्लदामकलावा नीलसुतवद्धा वग्धा-  
रियमल्लदामकलावा लोहियतसुतवद्धा वग्धारियमल्लदामकलावा हालिइसुतवद्धा वग्धारियमल्ल-  
दामकलावा सुक्किलसुतवद्धा वग्धारियमल्लदामकलावा ते णं दामा तवणिज्जलंबूसगा सुवण्णप-  
चरमंडियगा नाणामणिरयण-विविहहारद्धहार उवसोभियसमुदया जाव सिरीए अईव-अईव उव-  
सोभेमाणा-उवसोभेमाणा चिट्ठंति तेसि णं नागदंताणं उवरिं अण्णाओ सोलस-सोलस नागदंतपरि-  
वाडीओ पन्नताओ ते णं नागदंता जाव गयदंतसमाणा पन्नता समणाउसो तेसु णं नामदंतएसु बहवे  
रययामया सिक्कगा पन्नता तेसु णं रययामएसु पवरकुंदुरुक्कतुरुक्क-धूव-मघमघंतंगधुदुधु-  
याधिरामाओ सुगंधवरगंधियाओ गंधवट्ठिभूयाओ ओरालेणं मणुण्णेणं मनहरेणं घाणमणनि-  
व्वुतिकरेणं गंधेणं ते पदेसे सव्वओ समंता आपूरेमाणा-आपूरेमाणा जाव चिट्ठंति ॥२८॥२८

(२९) तेसि णं दारामं उभओ पासे दुहओ निसीहियाए सोलस-सोलस सालभंजिया  
परिवाडीओ पन्नताओ ताओ णं सालभंजियाओ लीलट्टियाओ सुपइट्टियाओ सुअलंकियाओ  
नानाविहरागवसणाओ नानामल्लपिण्डाओ मुट्ठिगेन्हासुमग्ग्याओ अमेलग-जमल-जुयल-वट्टिय-  
अव्बुण्णव-पीणइय-संठियपओहराओ रत्तावंगाओ असिचकेसीओ मिउविसव-परत्थ-लक्खण-  
संवेस्सियगसिरयाओ ईसिं असोगवरपायवसमुट्टियाओ वामहत्यग्ग-हियगसालाओ ईसिं  
अद्धच्छिकडक्खचिट्ठितेहिं लूसमाणीओ विव चक्खुल्लोयणलेसेहिं अन्नमन्नं खिज्जमाणीओ विव  
पुढविपरिणामाओ सासयभावमुवगयाओ चंदाननाओ चंदविलासिणीओ चंदद्धसमनिडालाओ  
चंदाहियसोमदंसणाओ उक्का विव उज्जोवेमाणाओ विज्जु-घण-भिरिय-सूर-दिप्पंतत्तेय-अहिययर-  
सन्निकासाओ सिंगारागारचारुवेसाओ पासाईयाओ जाव चिट्ठंति तेसि णं दाराणं उभओ पासे  
दुहओ निसीहियाए सोलस-सोलस जालकडगा पन्नता ते णं जालकडगा सव्वरयणामया अच्छा  
जाव पडिख्वा तेसि णं दाराणं उभओ पासे दुओ निसीहियाए सोलस-सोलस घंटापरिवाडीओ  
पन्नताओ तासि णं घंटाणं इमेवाल्लवे वण्णावासे पन्नते तं जहा-जंवूणयानीओ घंटाओ वइरामईओ  
लालाओ नानामणिमया घंटापासा तवणिज्जामईओ संकलाओ रययामयाओ रज्जूओ ताओ णं  
घंटाओ ओहस्सराओ मेहस्सराओ हंसस्सराओ कुंचस्सराओ सीहस्सराओ दुंदुहिस्सराओ नंदिस्स-  
राओ नंदिघोसाओ मंजुस्सराओ मंजुघोसाओ सुस्सराओ सुस्सराघोसाओ ओरालेणं मणुण्णेणं  
मनहरेणं कण्णमणनिव्वुतिकरेणं सदेणं ते पदेसे सव्वओ समंता आपूरेमाणाओ-आपूरेमाणाओ  
जाव चिट्ठंति

तेसि णं दाराणं उभओ पासे दुहओ निसीहियाए सोल-सोलस वणमाला-परिवाडीओ पन्न-  
ताओ ताओ णं वणमालाओ नाणादुमलय-किसलय-पल्लव-समाउलाओ छय्यपरिभुज्जमाण-सो-  
हंत-सस्सिरीयाओ पासाईयाओ तेसि णं दाराणं उभओ पासे दुहओ निसीहियाए सोलस-सोलस  
पगंठा पन्नता ते णं पगंठा अड्ढाड्ढाई जोयणसयाई आयाम-विकखंभेणं पणवीसं जोयणसयं  
वाहल्लेणं सव्ववइरामया अच्छा जाव पडिख्वा तेसि णं पगंठाणं उवरिं पत्तेयं-पत्तेयं पासायवडेंसगा  
पन्नता तेणं पासायवडेंसगा अड्ढाड्ढाई जोयणसयाई उड्ढं उच्चतेणं पणवीसं जोयणसयं  
विकखंभेणं अब्भुगमूसिव-पहसिया इव विविहमणिरयणभत्तिचित्ता वाउदधुयविजयवेजयंती-  
पडाग-च्छताइछत्तकलिया तुंगा गगणतलमणुलिहंतसिहा जालंतररयणं पंजरुम्मिलियव्व मणिक-

णगधूमियागा विचसियसयवत पोंडरीयं-तिलगरयणद्धचंदचित्ता अंतो वहिं च सप्हा तवणिज्ज-  
वालुयापत्थडा सुहफासा सस्सिरीयरूवा पासादीया दरिसणिज्जा अभिरूवा पडिरूवा जाव दामा तेसि  
णं दाराणं उभओ पासे दुहओ निसीहियाए सोलस-सोलस तोरणा पत्रता-नाणामणिमया नाना-  
मणिमएसु खंभेसु उवणिविट्ठंसत्रिविद्धा जाव पउमहत्थगा तेसि णं तोरणाणं पुरओ दो दो साल-  
भंजियाओ पत्रताओ जहा हेड्डा तहेव तेसि णं तोरणाणं पुरओ नागदंतगा पत्रता जहा हेड्डा जाव दामा  
तेसि णं तोरणाणं पुरओ दो दो हयसंघाडा गवसंघाडा नरसंघाडा किन्नरसंघाडा किंपुरिसंघाडा  
महोरगसंघाडा गंधव्वसंघाडा उसभसंघाडा सव्वरयणामया अच्छा जाव पडिरूवा [तेसि णं तोरणाणं  
पुरओ दो दो] हयपंतीओ [तेसि णं तोरणाणं पुरओ दो दो] हयवीहीओ [तेसि णं तोरणाणं पुरओ दो  
दो] हयसिहुणाई तेसि णं तोरणाणं पुरओ दो दो पउमलयाओ जाव दो दो सामलयाओ निच्चं  
कुसुमियाओ जाव सव्वरयणामईओ अच्छाओ [सप्हाओ लण्हाओ घट्ठाओ मट्ठाओ नीरयाओ  
निम्मलाओ निष्पंकाओ निक्कंडच्छायाओ सम्पभाओ समरीइयाओ सउज्जोयाओ पासादीयाओ  
दरिसणिज्जाओ अभिरूवाओ] पडिरूवाओ

तेसि णं तोरणाणं पुरओ दो दो दिसासोवत्थिया पत्रता-सव्वरयणामया अच्छा जाव पडिरूवा  
तेसि णं तोरणाणं पुरओ दो दो वंदणकलसा पत्रता ते णं वंदणकलसा वरकमलपड्डाणा [सुरभि-  
वरवारिपडिपुत्रा चंदणकवचद्यागा आविद्धकंटेगुणा पउमुप्पलपिधाणा सव्वरयणामया अच्छा  
जाव पडिरूवा महया-महया महिंद-कुंभसमाणा पत्रता समाणाउसो] तेसि णं तोरणाणं पुरओ दो दो  
भिंमारा पत्रता ते णं भिंमारा वरकमलपड्डाणा जाव महया मत्तगयमहाभुहाकतिसमाणा पत्रता  
समणाउसो तेसि णं तोरणाणं पुरओ दो दो आयंसा पत्रता तेसि णं आयंसाणं इमेवारूवे वण्णावासो  
पत्रतो तं जहा-तवणिज्जमया पांठगा अंक्रमया मंडला अनुग्घिसितनिम्मलाए छायाए समणुवद्धा  
चंदमंडलपडिणि-कासा महया-महया अद्धकायसमाणा पत्रता समणाउसो तेसि णं तोरणाणं पुरओ  
दो दो वइरानाभा थाता पत्रता-अच्छ-तिच्छाडियसालि-तंदुल-नहसंदिड्ड-पडिपुत्रा इव चिट्ठंति  
सव्वजंवूणयमया अच्छा जाव पडिरूवा महया-महया रहचक्कसमाणा पत्रता समणाउसो तेसि णं  
तोरणां पुरओ दो दो पात्तीओ पत्रताओ ताओ णं पात्तीओ अचओदगपरिहत्थ्यो ओ नानाविहस्स  
फलहरियदगस्स बहुपडिपुत्राओ विव चिट्ठंति सव्व रयणामईओ अच्छाओ जाव पडिरूवाओ महया-  
महया गोक-लंजिगचक्कसनाणीओ पत्रताओ समणाउसो

तेसि णं तोरणाणं पुरओ दो दो सुपइड्डगा पत्रता ते णं सुपइड्डगा सुसव्वो-सहिपडिपुत्रा  
नानाविहस्स च पराधणभंडस्स बहुपडिपुत्रा इव चिट्ठंति सव्वरयणामया अच्छा जाव पडिउवा तेसि  
णं तोरणाणं पुरओ दो दो मणोगुलियाओ पत्रताओ तामु णं मणोगुलियारु वहवे सुवण्णरूपामया  
फलगा पत्रता तेसु णं सुवण्णरूपामएसु फलगेसु वहवे वइरामया नागदंतया पत्रता तेसु णं वइरा-  
मएसु नाणदंतएसु वहवे वइरामया सिक्कगा पत्रता तेसु णं वइरामएसु सिक्कगेसु वहवे वायकरगा  
पत्रता ते णं वायकारगा किण्हसुत्तसिक्कग-गवच्छिया नीलसुत्तसिक्कग-गवच्छिया लोहिय-  
सुत्तसिक्कग-गवच्छिया हालिइसुत्तसिक्कग-गवच्छिया सुक्किलसुत्तसिक्कग-गवच्छिया सव्व-  
वेरुलियमया अच्छा जाव पडिरूवा तेसि णं तोरणाणं पुरओ दो दो चित्ता रयणकरंडगा पत्रता-से  
जहानामए रण्णो चाउरंतचक्कवट्ठिस्स चित्ते रयणकरंडए वेरुलियमणि-फालियपडल-पद्योवडे  
साए पट्टाए ते पाएसे सव्वतो समंता ओभासेति उज्जोवेति तायेति पभासेति एवमेव तेवि चित्ता

रयणकरंडगा साए पपाए ते एएसे सव्यओ समंता ओभासेति उज्जोवेति तावेति पभासेति तेसि णं तोरण्णां पुरओ दो दो हयकंठा गयकंठा नरकंठा किन्नरकंठा किंपुरिसकंठा मोहरगकंठा गंधव्यकंठा उसभकंठा सव्वरयणामया अच्छा जाव पडिरूवा

तेसि णं तोरणाई पुरओ दो दो पुष्पचंगेरीओ मल्लचंगेरीओ चुण्णचंगेरीओ गंधचंगेरीओ वत्थचंगेरीओ आभरणचंगेरीओ सिद्धत्थचंगेरीओ लोमहत्थचंगेरीओ पत्रत्ताओ सव्वरयणामईओ अच्छाओ जाव पडिरूवाओ तेसि णं तोरण्णां पुरओ दो दो पुष्पपडलगाई जाव लोमहत्थपडलगाई पत्रत्ताई सव्वरयणामयाई अच्छाई जाव पडिरूवाई तेसि णं तोरण्णां पुरओ दो दो सीहासणा पत्रत्ता तेसि णं सीहासणां वण्णाओ जाव दामा तेसि णं तोरण्णां पुरओ दो दो हम्ममया छत्ता पत्रत्ता ते णं छत्ता वेरुलियविमलदंडा जंघणवकण्णिया वइरसंधी मुत्ताजालपरिगवा अट्टसहस्सरकंचण-सलागा दहरमलयमुग्धि-सव्वोडयसुरभिसीयलक्खाया मंगलभत्तिचित्ता चंदागारोवमा तेसि णं तोरण्णां पुरओ दो दो चामराओ पत्रत्ताओ ताओ णं चामराओ चंदप्पभ-वेरुलिय-वइर-नाना-मणिरयणखधियचित्तदंडाओ सुहुमरययदीहवालाओ संखंककुंद-दगरव अमयहियफेणपुंजसन्नि-गगासातो सव्वरयणामईओ अच्छाओ जाव पडिरूवाओ तेसि णं तोरण्णां पुरओ दो दो तेहसमुग्गा कोट्टसमुग्गा पत्तासमुग्गा चोयगसमुग्गा तगरसमुग्गा एलासमुग्गा हरियालसमुग्गा हिंगुलयसमुग्गा मणोसिलायसमुग्गा अंजणसमुग्गा सव्वरयणामया अच्छा जाव पडिरूवा । २९।-२९

(३०) सूरियाभे णं विमाणे एगमेगे दारे अट्टसयं चक्कज्झयणं एवं भिगज्झयाणं गरुड-जज्झयाणं रुच्छज्झयाणं छत्तज्झयाणं पिच्छज्झयाणं सउणिज्झयाणं सिंहज्झयाणं उसभज्झयाणं अट्टसयं सेयाणं चउ-विसाणाणं नागवरकेऊणं एवामेव सपुच्चावरेणं सूरियाभे विमाणे एगमेगे दारे असीयं असीयं केउसहस्सं भवति इति मक्खायं तेसि णं दाराणं एगमेगे दारे पन्नद्धिं-पन्नद्धिं भोमा पत्रत्ता तेसि णं भोमाणं भूमिभागा उल्लोवा य भाणिघव्वा तेसि णं भोमाणं बहुमज्झदेसभागे पत्तेय पत्तेयं सीहासणे पत्रत्ते सीहासण- वण्णओ सपरिवारो अवसेसेसु भोमेसु पत्तेयं-पत्तेयं सीहासणे पत्रत्ते तेसि णं दाराणं उत्तरागारा सोलसविहेहिं रयणेहिं उवसोभिया तं जहा- रयणेहिं जाव रिट्ठेहिं तेसि णं दाराणं उप्पिं अट्टु मंगलगा [पत्रत्ता] तेसि णं दाराणं उप्पिं बहवे किण्हवा- मरुज्झया तेसि णं दाराणं उप्पिं बहवे [छत्तातिछत्ता] एवामेव सपुच्चावरेणं सूरियाभे विमाणे चत्तारि दारसहस्सा भवंतीति मक्खायं सूरियाभस्स विमाणस्स चउद्दिंसि पंच जोयणसयाई अयाहाए चत्तारि वणसंडा पत्रत्ता तं जहा-असोगवणे सत्तवण्णवणे चंपगवणे चूयवणे पुरत्थिमेणं असोगवणे दाहिणेणं सत्त-वण्णवणे पच्चत्थिमेणं चंपगवणे उत्तरेणं चूयवणे ते णं वणसंडा साइरेगाई अट्टतेरस जोयण-सयसहस्साई आयामेणं पंच जोयणसयाई विक्खंभेणं पत्तेयं पत्तेयं पागारपरिखित्ता किण्हा किण्हो-भासो जाव वणसंडवण्णओ । ३०।-३०

(३१) तेसि णं वणसंडाणं अंतो बहुसमरणिज्जा भूमिभागा पत्रत्ता-से जहानामए आलिग-पुक्खेरेति वा जाव नानाविह पंचवण्णेहिं मणोहिं य तणेहिं य उवसोभिया तेसि णं गंधो फासो नायव्यो जहक्कमं तेसि णं भंते त्थाण य मणीण य पुच्चावरदाहिणुत्तरागतेहिं वातेहिं मंदायं-मंदायं एइयाणं वेइयाणं कंप्पियाणं चालियाणं फंदियाणं पट्टियाणं खोभियाणं उदीरियाणं केरिसए सदे भवइ गोयमा से जहानामए सीयाए वा संदमाणीए वा रहस्स वा सच्छत्तस्स सज्जयस्स सघंटस्स सपडागस्स सतोरणवरस्स सनदिधोसस्स सखिखिणिहेमजालपरिखित्तस्स हेमयय-चित्तविचित्त-

तिणिस-कण्णणिज्जुत्तदारुयायस्स सुसंपिण्हारकमंडलधुतगस्स कालायससुकयणेमिजंतकम्मस्स आइण्णवरतुरगमुसंपउत्तस्स कुसलनरच्छेयसारहि-सुसंपरिण्हियस्स सरसय-वत्तीस-तोण-परि-मंडियस्स सकंठडावयंसगस्स सचाव-सर-पहरण-आवरण-भरियजोहजुज्झ सज्जस्स रायंगणंसि वा रायंतेंसि वा सम्मंसि वा मणिकोट्टिमत्तलंसि अभिक्खणं-अभिक्खणं अभिघइज्जमाणस्स उराला मणुण्णा मनोहरा कण्णमणनिव्वुइकरा सद्दा सव्वओ समंता अभिनिस्संवति भवेयारूवे सिया नो इण्ठे सम्ठे से जहानामए वेयालियवीणाए उत्तरमंदा-मुच्छियाए अंके सुपइद्धियाए कुसलनर-नारिसुसंपग्हियाते चंदण सार-निम्बिय-कोण-परिण्हियाए पुव्वरत्तावरत्तकालसमयम्पि मंदायं-मंदायं एइयाए वेइयाए चालियाए धट्टियाए खोभियाए उदीरियाए ओराला मणुण्णा मनहरा कण्णमणनिव्वुइकरा सद्दा सव्वओ समंता अभिनिस्संवति भवेयारूवे सिया नो इण्ठे सम्ठे से जहानामए किन्नराण वा किंपुरिसाण वा महोरगाण वा गंधव्याण वा भद्दसाल- वनगयाणं वा नंदनवनगयाणं वा सोमनसवनगयाणं वा पडगवनगयाणं वा हिमवंत-मलय-मंदरगिरि-गुहास-मन्नागयाणं वा एगओ सहैयाणं सत्तिस्त्राणं समुच्चिद्वाणं पमुइयपक्कलीयाणं गौरइ-गंधव-हरिसियमणाणं गजं पजं कथं गेयं पचवद्धं पाचबद्धं उक्खितायं पायत्तायं मंदायं रोइयावसाणं सत्तसरसमन्नागयं अट्टरससुसंपउत्तं छद्दोसविप्पमुक्कं एककारसालंकारं अट्टगुणोववेयं गुंजावंक-कुहोवगूढं रत्तं तिद्वाणकरणासुद्धं पगीयाणं भवेयारूवे सिया हंता सिया । ३१-३१

(३२) तेसि णं वणसंडाणं तत्थ तत्थ देसे तहिं तहिं वहूओ खुड्डा-खुड्डियाओ वावीओ पुक्खरिणीओ दीहियाओ गुंजालियाओ सरसीओ सरपंतियओ सरसपंतियाओ विलपंतियाओ अच्चाओ सुण्हाओ एययामयकूलाओ समतीराओ ववरामवपासाणाओ तवणिज्जत्ताओ सुवण्ण-सुज्झ-रयय-वालुयाओ वेरुलिय-मणि-फालिय-पडल-पद्योचडाओ सुओया-सुउत्ताराओ नाना-मणि-तित्थ-सुवद्धाओ चाउक्कोणाओ आणपुव्वसुजायवप्पगंभीरसीयलजलाओ संछन्नपत्तपिस-पुणालाओ बहुउप्पल-कुमुय-नलिन-सुभग-सोगंधिय-मोडरीय-सयवत्त-सहस्सपत्त-केसरफुल्लोव-चियाओ छप्पयपरिभुज्जमाणकमलाओ अच्छविमलसलिलपुत्राओ पडिहत्थभमंतमच्छकच्छभअणे-गसउणमिहुणगपविचरिताओ पत्तेयं-पत्तेयं पउमवरवेदियापरिक्खित्ताओ पत्तेयं-पत्तेयं वणसंड-परिक्खित्ताओ अप्पेगइयाओ आसवोयगाओ अप्पेगइयाओ खीशेयगाओ अप्पेगइयाओ अप्पेगइ-याओ घओयगाओ अप्पेगइयाओ खोदोवगाओ अप्पेगइयाओ पगईए उयगरसेणं पन्नत्ताओ पासादीयाओ दरिसणिज्जाओ अभिरूवाओ पडिरूवाओ तासि णं खुड्डा- खुड्डियाणं वावीणं जाव विल-पंतियाणं पत्तेयं-पत्तेयं चउद्धिसिं चत्तारि तिसोमाणपडिरूवगा पन्नत्ता तेसि णं तिसोमाण-पडिरूवगाणं अयमेयारूवे वण्णावासे पन्नत्ते तं जहा-वइरामया नेमा रिद्धामया पतिद्वाणा वेरुलि-यामया खंभा सुवण्णरूपमया फलगा लोहियतक्खमइयाओ रूइओ वयरामया संधी नानामणि-मया अबलंबणा अबलंबणवाहाओ च पासादीया दरिसणिज्जा अभिरूवा पडिरूवा

तोरेणाणं इथा उत्ताइत्ता य नेचव्वा तासि णं खुड्डाखुड्डियाणं वावीणं जाव विलपंतियाणं तत्थ तत्थ देसे तहिं तहिं वरुवे उप्पायपव्वयगा नियइपव्वयगा जगईपव्वयगा दारुइज्जपव्वयगा दगमंडवा दगमंचगा दगमालगा दगपासायगा उसडा खुड्डाखुड्डा अंदोलगा पक्खंदोलगा सव्वर-यणामया अच्चा जाव पडिरूवा तेसु णं उप्पायपव्वएसु जाव पक्खंदोलएसु दहूइं हंसासणाइं कौंचा-सणाइं गरुत्तासणाइं उण्णायासणाइं पणायासणाइं दीहासणाइं भद्दासणाइं पक्खासणाइं भगरा-

सणाइं सीहासणाइं पउमासणाइं दिसासोवत्थियासणाइं सव्वरयणामयाइं अछाइं जाव पडिरूवाइं तेसु णं वणसंडेसु तत्थ तत्थ देसे तहिं तहिं बहवे आलिघरगा मालिघरगा कयलघरगा लयाघरगा अछणघरगा पिच्छणघरगा मज्जणघरगा पसाघणघरगा गब्ब घरगा मोहणघरगा सालागरगा जालघरगा कुसुमघरगा चित्तघरगा गंधव्वघरगा आर्यंसघरगा सव्वरयणामया अछा जाव पडिरूवा तेसु णं आलिघरगेसु जाव आर्यंसघरगेसु तहिं तहिं घरएसु बहूइं हंसासणाइं जाव दिसासो-वत्थियासणाइं सव्वरयणामयाइं अछाइं जाव पडिरूवाइं तेसु णं वणसंडेसु तत्थ तत्थ देसे तहिं तहिं बहवे जाइमंडवगा जूहियामंडवगा मल्लियामंडवगा नोमालियमंडवगा वासंतिमंडवगा दहियासुय-मंडवगा सूरिखिंमंडवगा तंदेलियमंडवगा मुट्टियामंडवगा नागलयामंडवगा अतिमुत्तलयामंडवगा अप्फोवामंडवगा मालुयमंडवगा सव्वरयणामय अछा जाव पडिरूवा तेसु णं जाइमंडवएसुं जाव मालुयामंडवएसु बहवे पुढविसिलापट्टगा अप्पेगतिया हंसासणसंठिया जाव अप्पेगतिया दिसासो-वत्थियासणसंठिया अण्णे य बहवे वरसयणासणविसिद्धसंठाणसंठिया पुढविसिलापट्टगा पत्रता समणाउसो आइणग-रूय-वूर-नवणीय-तूल-फासा सव्वरयणामया अछा जाव पडिरूवा तत्थ णं बहवे वेमाणिआ देवा य देवीओ य आसयंति सयंति चिद्धंति निसीयंति तुचइंति हसंति रमंति ललंति कीलंति कित्ति मोहेति पुरा पोराणाणं सुचिण्णाणं सुपरक्कंताणं सुभाणं कडाणं कम्माणं कल्लणाणं कल्लणं फलविवाणं पच्चणुत्थवमाणा विहरति । ३२।-३२

(३३) तेसे णं वणसंडाणं बहुमज्झदेसभाए पत्तेयं-पत्तेयं पासाचवडेंसगा पत्रता ते णं पासाचवडेंसगा पंच जोयणसयाइं उड्हं उच्चतेणं अड्ढाइज्जाइं जोयणसयाइं विक्खंभेणं अब्भुग-यमूसिय-पहसिया इय तहवे बहुसमरमणिज्झभूमिभागे उल्लोओ सीहासणं सपरिवारं तत्थ णं चत्तारि देवा महिद्धियाजाव पलिओवमद्धितीया परिवसंति तं जहा-असोए सत्तपत्रे चंपए चूए सूरियाभस्स णं देवविमाणस्स अंतो बहुसमरमणिज्जे भूमिभागे पत्रते जाव तत्थ णं बहवे वेमाणिआ देवा य देवीओ य आसयंति जाव विहरति तस्स णं बहुसमरमणिज्झस्स भूमिभागस्स बहुमज्झदेसे एत्थ णं महेगे उवागरिया-लघणे पत्रत्ते-एणं जोयणसयसहस्सं आयाम- विक्खंभेणं तिण्णि जोयणसयसहस्साइं सोलस सहरसाइं दोण्णि य सत्तावीसे जोयणसए तित्रि य कोसे अट्ठावीसं च धणुसयं तेरस य अंगुलाइं अट्ठंगुलं च किंचिविसेसूणं परिक्खेवेणं जोयणं बाहल्लेणं सव्व जंबूणयामए अच्छे जाव पडिरूवे । ३३।-३३

(३४) से णं एगाए पउमवरवेइयाए एगेणं य वनसंडेणं सव्वओ समंता संपरिखिते सा णं पउमवरवेइया अद्धजोयणं उड्हं उच्चतेणं पंच धणुसयाइं विक्खंभेणं उवकारियलेणसमा परिक्खे-वेणं तीसे णं पउमवरवेइयाए इमेयारूवे वण्णावासं पत्रते तं जहा-वइरामया निमा रिद्धमया पइट्ठाणा वेरुलियामया खंभा सुवण्णरुपामया फलगा लोहितक्खमईयो सूईओ वइरामया संधी। नानामणि-मया कलेवरा नानामणिमया कलेवरसंधाडगा नानामणिमया रूवा नानामणिमया रूवसंधाडगा अंकायया पक्खा [पक्खवाहाओ जोईरसमया वंसा वंसकवेसुयाओ रययामईओ पट्टियाओ जायरू-वमईओ ओहाडणीओ वइरामईओ] उवरिपुंछणीओ सव्वेसेयरययामए छायेणं सा णं पउमवरवेइया एगमेगेणं हेमजालेणं एगमेगेणं गववखजालेणं एगमेगेणं खंखिणीजालेणं एगमेगेणं घंटाजालेणं एगमेगेणं मुत्ताजालेणं एगमेगेणं मणिजालेणं एगमेगेणं कणगजालेणं एगमेगेणं रथणजालेणं एगमे-गेणं पउमजालेणं सव्वतो समंता संपरिखित्ता ते णं जाला तवणिजलंबूसगा जाव उवसोभेमाणा-

### उवसोभेमाणा चिद्धंति

तीसे णं पउमवरवेइयाए तत्थ तत्थ देसे तहिं तहिं वहवे हयसंघाडा जाव उउसभसंघाडा सव्वरयणामया अछा जाव पडिरूया [तीसे णं पउमवरवेइयाए तत्थ तत्थ देसे तहिं तहिं वहवे हयपंतीओ तीसे णं पउमवरवेइयाए तत्थ तत्थ देसे तहिं वहवे हयवीहीओ तीसे णं पउमवरवेइयाए तत्थ तत्थ देसे तहिं तहिं यहूइं हयमिहुण्णाइं तीसे णं पउमवरवेइयाए तत्थ तत्थ देसे तहिं तहिं वहवे पउमलयाओ] से केणट्ठेणं भंते एवं वुच्चइ-पउमवरवेइया पउमवरवेइया गोयमा पउमवरवेइयाए णं तत्थ तत्थ देसे तहिं तहिं वेइयासु वेइयावाहासु य वेइयफलएसु य वेइयपुडंतरेसु य खंभेएसु खंभवाहासु खंभसीसेसु खंभपुडंतरेसु सूईसु सूईमुखेसु सूईफलएसु सूईपुडंतरेसु पक्खेसु पक्ख-वाहासु पक्खपेरंतरेसु पक्खपुडंतरेसु बहुवाइं उप्पलाइं पउमाइं कुमुयाइं नल्लिणाइं सुभगाइं सोगंधियाइं पोंडरीयाइं महापोंडरीयाइं सयवत्ताइं सहस्सवत्ताइं सव्वरयणामयाइं अछाइं पडिरूवाइं महया वासिकूकछत्तसमाणाइं पत्तताइं समणाउसो से एएणं अट्ठेणं गोयमा एवं वुच्चइ-पउमवरवेइया पउमवरवेइया, पउमवरवेइया णं भंते किं सासया असासया गोयमा सिय सासया सिय असासया

से केणट्ठेणं भंते एवं वुच्चइ-सिय सासया सिय असासया गोयमा दव्वट्ठवाए सासया वण्णपज्जेवेहिं गंधपज्जेवेहिं रसपज्जेवेहिं फासपज्जेवेहिं असासया से एएणट्ठेणं गोयमा एवं वुच्चइ-सिय सासया सिया असासया पउमवरवेइया णं भंते कालओ केवचिरं होइ गोयमा न कयाति नासि न कयाति नत्थि न कयाति न भविस्सइ भुविं च भवइ य भविरत्तइ य धुवा नियया साराया अक्खया अव्वया अवट्ठिया निच्चा पउमवरवेइया सा णं पउमवरवेइया एणेणं वनसंडेणं सव्वओ समंता संपरिक्खित्ता से णं वनसंडे देसूणाइं दो जोयणाइं चक्कवालविकखंभेणं उववारिया-त्तेणसमे परिकखेवेणं वणसंडवण्णओ भाणियव्वो जाव विहरंति तस्स णं उववारिया-त्तेणस्स चउट्ठिंति चत्तारि तिसोवाणपडिरूवगा पत्तता वण्णओ तोरणा झया छत्ताइच्छत्ता तस्स णं उववारिया-लयणस्स उवरिं बहुसमरमणिजे भूमिभागे पत्तते जाव मणीणं फासो। ३४। ३४

(३५) तस्स णं बहुसमरमस्स भूमिभागस्स बहुमणिज्जदेसभाए एत्थ णं महेगे मूलपासाय-वडेंसए पत्तते से णं मूलपासायवडेंसते पंच जोयणसयाइं उड्ढं उच्चतेणं अड्ढाइंजाइं जोयणसयाइं विकखंभेणं अट्ठुगयमूसिय वण्णओ भूमिभागो उल्लोओ सीहासणं सपरिवारं भाणियव्वं अट्ठु मंगलगा झया छत्ताइच्छत्ता से णं मूलपासायवडेंसगे अण्णेहिं चउहिं पासायवडेंसएहिं तच्चदु-छत्तप्पमाणमेत्तेहिं सव्वओ समंता संपरिक्खिते ते णं पासायवडेंसगा अड्ढाइंजाइं जोयणसयाइं उड्ढं उच्चतेणं पणवीसं जोयणसयं विकखंभेणं अट्ठुगयमूसिय जाव वण्णओ भूमिभागो उल्लोओ सीहासणं सपरिवारं भाणियव्वं अट्ठु मंगलगा झया छत्ताइच्छत्ता ते पासायवडेंसया अण्णेहिं चउहिं पासायवडेंसएहिं तच्चदुछत्तप्पमाणमेत्तेहिं सव्वओ समंता संपरिक्खित्ता ते णं पासायवडेंसया पणवीसं जोयणसयं उड्ढं उच्चतेणं दावट्ठिं जोयणाइं अट्ठजोयणं च विकखंभेणं अट्ठुगयमूसिया वण्णओ भूमिभागो उल्लोओ सीहासणं सपरिवारं भाणियव्वं अट्ठु मंगलगा झया छत्ताइच्छत्ता ते णं पासायवडेंसगा अण्णेहिं चउहिं पासायवडेंसएहिं तच्चदुछत्तप्पमाणमेत्तेहिं सव्वओ समंता संपरि-क्खित्ता ते णं पासायवडेंसगा दावट्ठिं जोयणाइं अट्ठजोयणं च उड्ढं उच्चतेणं एककतीसं जोयणाइं कोसं च विकखंभेणं वण्णओ उल्लोओ सीहासणं अपरिवारं अट्ठु मंगलगा झया छत्ताइच्छत्ता ते णं पासायवडेंसया अण्णेहिं चउहिं पासायवडेंसगेहिं तच्चदुछत्तप्पमाणमेत्तेहिं सव्वतो समंता संपरि-

क्वित्ता ते णं पासायवडेंसगा एकूकतीसं जोयणाई कोसं च उड्डं उच्चतेणं पन्नरसजोयणाई अड्डाड्डे कोसे विक्खंभेणं अत्थुग्गयमूसिव वण्णओ भूमिभागो जाव झया छत्तातिछत्ता। ३५। ३६

(३६) तस्स णं मूलपासयवडेंसयस्स उत्तरपुरत्थिमेणं एत्थ णं सभा सुहम्मा पन्नत्ता- एणं जोयणसयं आयामेणं पन्नासं जोयणाई विक्खंभेणं दावत्तरिं जोयणाई उड्डं उच्चतेणं अणेगखंभ- सयसन्निविट्ठा जाव अच्छरणसंधंसंविक्किण्णा दिव्वतुडियसहसंपणाइया अच्छा जाव पडिरूवा सभाए णं सुहम्माए त्तिदिसिं तओ दारा पन्नत्ता तं जहा-पुरत्थिमेणं दाहिणेणं उत्तरेणं ते णं दारा सोलस जोयणाई उड्डं उच्चतेणं अट्ठ जोयणाई विक्खंभेणं तावत्तियं चेव पवेसेणं सेया वरकणगधूमियागा जाव यणमालाओ तेसिं णं दाराणं पुरओ पत्तेयं-पत्तेयं मुहमंडवे पन्नत्ते ते णं मुहमंडवा एणं जोयणसयं आयामेणं पन्नासं जोयणाई विक्खंभेणं साइरेगाई सोलस जोयणाई उड्डं उच्चतेणं वण्णओ सभाए सरिसो तेरिं णं मुहमंडवाणं पुरतो पत्तेयं-पत्तेयं पेच्छाघरमंडवे पन्नत्ते मुहमंडववत्तव्वया जाव दारा तिसिं णं पेच्छाघरमंडवाणं भूमिभागा उल्लोया। तेसिं णं बहुसमरमणिज्जाणं भूमिभागाणं बहुमज्झ- देसभाए पत्तेयं-पत्तेयं वइरामए अक्खाडए पन्नत्ते तेसिं णं वइरामयाणं अक्खाडगाणं बहुमज्झ- देसभागे पत्तेयं-पत्तेयं मणिपेडिया पन्नत्ता ताओ णं मणिपेडियाओ अट्ठ जोयणाई आयाम- विक्खं- भेणं चत्तारिं जोयणाई बाहल्लेणं सव्वमणिमईओ अच्छाओ जाव पडिरूवाओ तासिं णं मणिपेडियाणं उवरिं पत्तेयं-पत्तेयं सीहासणे पन्नत्ते सीहासणवण्णओ सपरिवारो तेसिं णं पेच्छाघरमंडवाणं उवरिं अट्ठ मंगलगा झया छत्तातिछत्ता तेसिं णं पेच्छाघरमंडवाणं पुरओ पत्तेयं पत्तेयं मणिपेडियाओ पन्नत्ताओ ताओ णं मणिपेडियाओ सोलस जोयणाई आयामविक्खंभेणं अट्ठ जोयणाई बाहल्लेणं सव्वमणिमईओ अच्छाओ जाव पडिरूवाओ तासिं णं मणिपेडियाणं उवरिं-पत्तेयं-पत्तेयं चेइयथूमे पन्नत्ते ते णं चेइयथूमा सोलस जोयणाई आयामविक्खंभेणं साइरेगाई सोलस जोयणाई उड्डं उच्चतेणं सेया संखं- [कुंद-दगरय-अमय-महिय-फेणपुंजसन्निगासा] सव्वरयणा मया अच्छा जाव पडिरूवा

तेसिं णं चेइयथूभाणं उवरिं अट्ठ मंगलगा झया छत्तातिछत्ता जाव सहस्सपत्ताहत्यया तेसिं णं चेइयथूभाणं पत्तेयं-पत्तेयं चउदिसिं मणिपेडियाओ पन्नत्ताओ ताओ णं मणिपेडियाओ अट्ठ जोयणाई आयामविक्खंभेणं चत्तारिं जोयणाई बाहल्लेणं सव्वमणिमईओ अच्छाओ जाव पडिरू- वाओ तासिं णं मणिपेडियाणं उवरिं चत्तारिं जिणपडिमातो जिणुस्सेहपमाणमेत्ताओ पलियं-क- निसात्राओ थूभाभिमुहीओ सन्निखित्ताओ चिट्ठति तं जहा-उसभा वद्धमाणा चंदाणणा वारिसेणा तेसिं णं चेइयथूभाणं पुरओ पत्तेयं-पत्तेयं मणिपेडियाओ पन्नत्ताओ ताओ णं मणिपेडित्ताओ सोलस जोयणाई आयामविक्खंभेणं अट्ठ जोयणाई बाहल्लेणं सव्वमणिमईओ अच्छाओ जाव पडिरूवाओ तासिं णं मणिपेडियाणं उवरिं पत्तेयं-पत्तेयं चेइयरुक्खे पन्नत्ते ते णं चेइयरुक्खा अट्ठ जोयणाई उड्डं उच्चतेणं अट्ठजोवणं उव्वेहेणं दो जोयणाई खंधो अट्ठजोवणं विक्खंभेणं छ जोयणाई विडिमा बहुमज्झदेसभाए अट्ठ जोयणाई आयामविक्खंभेणं साइरेगाई अट्ठ जोयणाई सव्वग्गेणं पन्नत्ता तेसिं णं चेइरुक्खाणं इमेवारूवे वण्णावासे पन्नत्ते तं जहा-वइरामयमूल-रययसुपइड्डियविडिमा रिट्ठामय- विउलकंद-वेरुलिय-रुइलखंधा सुजायवरजायरू- वपढमगविसालसाला नाणामणिमयरणविविह- साहपसाह- वेरुलियपत्त- तवणिज्जपत्तविंटा जंदूणय- रत्त-मउय-सुकुमाल-पवाल-पल्लव-वरंकुर- धारा विचित्तमणिरयणसुरभि-कुसुम-फल-भर-नमियसाला सच्छया सप्पधा सस्सिरीया सउज्जोया

अहियं नयणमननिव्वुइकरा अमयरससरसफला पासादीया दरिसणिज्जा अभिरूवा पडिरूवा तेसि णं चेइयरुक्खणाणं उवरिं अट्ठमंगलगा झया छत्ताइछत्ता

तेसि णं चेइयरुक्खणाणं पुरओ पत्तेयं-पत्तेयं मणिपेठिया पत्रत्ता ताओ णं मणिपेठियाओ अट्ठ जोयणाइं आयाम-विकखंभेणं चत्तारि जोयणाइं बाहल्लेणं सव्वमणिमईओ अच्छाओ जाव पडिरूवाओ तासि णं मणिपेठियाणं उवरिं पत्तेयं-पत्तेयं महिंदज्झए पत्रत्ते ते णं महिंदज्झया सट्ठिं जोयणाइं उड्ढं उच्चरोणं अट्ठकोसं उव्वेहेणं अट्ठकोसं विकखंभेणं वइरामयवट्ठ-लट्ठ-संठिय-सुसिलिट्ठ-परिणट्ठ-मट्ठ-सुपतिट्ठिया विसिट्ठा अप्पेगवरपंचवण्णकुडमीसहस्स-परिमंडि-वाभिरामा वाउदमुयविजय-वेजयंती-पडाग-छत्तातिच्छत्तकलिया तुंगा गगगतलमणुलिहंतसिहरा पासादीया दरिसणिज्जा अभिरूवा पडिरूवा तेसि णं महिंदज्झयाणं उवरिं अट्ठमंगलगा झया छत्तातिछत्ता तेसि णं महिंदज्झयाणं पुरतो पत्तेयं-पत्तेयं नंदा पुक्खरिणी पत्रत्ता ताओ णं पुक्खरिणीओ एगं जोयणसवं आयामेणं पत्रासं जोयणाइं विकखंभेणं दस जोयणाइं उव्वेहेणं अच्छाओ जाव पणईए उदगरसेणं पत्रत्ताओ पत्तेयं-पत्तेयं पउमवरवेइयापरिक्खित्ताओ पत्तेयं-पत्तेयं वणसंडपरिक्खित्ताओ

तासि णं नंदाणं पुक्खरिणीणं तिदिसिं तिसियाणपडिरूवगा पत्रत्ता तिसोवाणपडिरूवगाणं वण्णओ तोरणा झया छत्तातिछत्ता सभाए णं सुहम्माए अडयालीसं मणोगुलियासाहस्सीओ पत्रत्ताओ तं जहा-पुरत्थिमेणं सोलससाहस्सीओ पद्यत्थिमेणं सोलससाहस्सीओ दाहिणेणं अट्ठमा-हस्सीओ उत्तरेणं अट्ठसा-हस्सीओ तासु णं मणोगुलियासु बहवे सुवण्णरूपामया फलगा पत्रत्ता तेसु णं सुवण्णरूपामएसु फलगेसु बहवे बइरामया नागदंतया पत्रत्ता तेसु णं वइरामएसु नागदंतएसुं किण्हसुत्तबुद्धा वग्धा-रियमल्लदामकलावा चिट्ठति सभाए णं सुहम्माए अडयालीसं गोमाणसियासा-हस्सीओ पत्रत्ताओ तं जहा-मणोगुलिया जाव नागदंतया, तेसु णं रययामएसु सिक्कगेसु बहवे वेरुलियामईओ धूवघडियाओ पत्रत्ताओ ताओ णं धूवघडियाओ कालगरु-पवर जाव चिट्ठति सभाए णं सुहम्माए अंतो बहुसरमणिज्जे भूमिभागे पत्रत्ते जाव मणीहिं उवसोभिए मणिफासो च उड्ढो च तस्स णं बहुसरमणिज्जस्स भूमिभागस्स बहुमज्झदेसभाए एत्थ णं महेगा मणिपेठि पत्रत्ता-सोलस जोयणाइं आयामविकखंभेणं अट्ठ जोयणाइं बाहल्लेणं सव्वमणिमई अच्छा जाव पडिरूवा

तीसे णं मणिपेठियाए उवरिं एत्थ णं माणवए चेइयरुक्खंभे पत्रत्ते-सट्ठिं जोयणाइं उड्ढं उच्चतेणं जोयणं उव्वेहेणं जोयणं विकखंभेणं अडयालीसंअसिए अडयालीसइकोडीए अडयाली-सइविग्गहिए तेसं जहा महिंदज्झयस्स माणवगस्स णं चेइयरुक्खंभस्स उवरिं बारस जोयणाइं ओगा-हेत्ता हेत्तावि बारस जोयणाइं वज्जेत्ता मज्जे छत्तीतसाए जोयणेसु एत्थ णं बहवे सुवण्णरूपामया फलगा पत्रत्ता तेसु णं सुवण्णरूपामएसु फलएसु बहवे बइरामया नागदंता पत्रत्ता तेसु णं वइरामएसु नागदंतसु बहवे रययामया सिक्कगा पत्रत्ता तेसु णं रययामएसु सिक्कएसु बहवे बइरामया गोलबट्ठसमुग्गया पत्रत्ता तेसु णं बयरामएसु गोलबट्ठसमुग्गएसु बहुयाओ जिण-सकहाओ संनिखित्ताओ चिट्ठति ताओ णं सूरियाभस्स देवस्स अत्रेसिं च बहूणं देवाणं य देवीणं य अघ्णिज्जाओ जाव पज्जुवासणिज्जाओ माणवगस्स चेइयरुक्खंभस्स उवरिं अट्ठमंगलगा झया छत्ताइछत्ता ।३६।-३६

(३७) तस्स माणवगस्स चेइयरुक्खंभस्स पुरत्थिमेणं एत्थ णं महेगा मणिपेठिया पत्रत्ता-अट्ठ जोयणाइं आयामविकखंभेणं चत्तारि जोयणाइं बाहल्लेणं सव्वमणिमई अच्छा जाव पडिरूवा तीसे णं मणिपेठियाए उवरिं एत्थ णं महेगे सीहासणे पत्रत्ते-सीहासण-वण्णत्तो सपरिवारो तस्स णं माण-

वगस्स चेइयखंमस्स पच्चत्थिमेणं एत्थ णं महेगा मणिपेढिया पत्रत्ता-अट्ठ जोयणाइं आयामवि-  
क्खंभेणं चत्तारि जोयणाइं बाहल्लेणं सव्वमणिमई अच्चा जाव पडिरूवा तीसे णं मणिपेढियाए उवरिं  
एत्थ णं महेगे देवसयणिजे पत्रत्ते तस्स णं देवसयणिजस्स इमेयारूवे वज्जावासे पत्रत्ते तं जहा-  
नाणामणिमया पडिपावा सोवणिगयापाया नाणामणिमयाइं पायसीसगाइं जंबूणयामयाइंगतगाइं  
नाणामणिमए वेद्ये रययामई तूली लोहियक्खमया बिब्बोयणा तवणिज्जमया गंडो-वहाणया से णं  
देवसयणिजे सालिंगणवट्ठिए उमओविब्बोयणे दुहओ उन्नते मज्जे नयगंभीर गंगापुलिणवालुया  
उहालसालिसए सुविरइयचत्ताणे ओयवियखोमदुगुल्लपट्ट-पडिच्छयणे रत्तंसुय-संबुए सुरम्मे आइ-  
णग-रूय-यूर-नवणीय-तूलफासे मउत्ते । ३७।-३७

(३८) तस्स णं देवसयणिजस्स उत्तरपुरत्थिमेणं महेगा मणिपेढिया पत्रत्ता-अट्ठ जोयणाइं  
आयामविकखंभेणं चत्तारि जोयणाइं बाहल्लेणं सव्वमणिमई अच्चा जाव पडिरूवा तीसे णं मणि-  
पेढियाए उवरिं एत्थ णं खुट्ठए महिदज्जाए पत्तत्ते-साइं जोयणाइं उड्ढं उच्चत्तेणं अद्धकोसं उव्वेहेणं  
अद्धकोसं विकखंभेणं वइरामयवट्ठलट्ठसंठियसुसिलिट्ठ-पडिरूवे तस्स णं खुट्ठामहिदज्जायस्स उवरिं  
अट्ठ मंगलगा झया छत्तातिच्छत्ता तस्स णं खुट्ठामहिदज्जायस्स पच्चत्थिमेणं एत्थ णं सूरियापस्स  
देवस्स महं एगे चोप्पाले नाम पहरणकोसे पत्रत्ते-सव्वयइरामए अच्छे जाव पडिरूवे तत्थ णं  
सूरियापस्स देवस्स फलिहरयण-खाग-गया-धणुप्पमुहा बहवे पहरणायणा सनिखित्ता चिड्ढंति-  
उज्जत्ता निसिया सुतिकखधारा पारादीया दरिसणिज्जा अभिरूवा पडिरूवा सभाए णं सुहम्माए उवरिं  
अट्ठ मंगलगा झया छत्तातिच्छत्ता । ३८।-३८

(३९) सभाए णं सुहम्माए उत्तरपुरत्थिमेणं एत्थ णं महेगे सिद्धायतणे पत्रत्ते-एगं जोयणसयं  
आयामेणं पत्रत्तं जोयणाइं विकखंभेणं वावत्तरिं जोयणाइं उड्ढं उच्चत्तेणं सभागमएणं जाव  
गोमाणसियाओ भूमिभागे उल्लोया तहेव तस्स णं सिद्धायतणस्स बहुमज्झदेसमाए एत्थ णं महेगा  
मणिपेढिया पत्रत्ता-सोलस जोयणाइं आयामविकखंभेणं अट्ठ जोयणाइं बाहल्लेणं तीसे णं मणिपेढि-  
याए उवरिं एत्थ णं महेगे देवच्छंदए पत्रत्ते-सोलस जोयणाइं आयामविकखंभेणं साइरेगाइं सोलस  
जोयणाइं उड्ढं उच्चत्तेणं सव्वरयणामए अच्छे जाव पडिरूवे तत्थ णं अट्ठसयं जिणपडिमाणं  
जिणुसेहप्पमाणमिताणं संनिखितं संविट्ठति तासि णं जिणपडिमाणं इमेयारूवे वण्णावासे पत्रत्ते तं  
जहा-तवणिज्जमया हत्थतलपावतला अंकामयाइं नक्खाइं अंतोलोहियक्खपडिसेगाइं कणगामई-  
ओ जंघाओ कणगामया जाणू कणगामया ऊरु कणगामईओ गावलट्ठीओ तवणिज्जमईओ नामीओ  
रिट्ठामईओ रोमराईओ तवणिज्जमया चुबूया तवणिज्जमया सिरिवच्छा सिलप्पवालमया ओट्ठा  
फालियामया दंता तवणिज्जमईओ जीहायो तवणिज्जमया तालुया कणगामईओ नासिगाओअंतो-  
लोहियक्खपडिसेगाओ अंकामयाणि अच्छीणि अंतोलोहियक्खपडिसेगाणि रिट्ठामईओ ताराओ  
रिट्ठामयाणि अच्छिपत्ताणि रिट्ठामईओ मपुहाओ कणगामया कवोला कणगामया सवणा कणगा-  
ईओ निडालपट्टियाओ वइरामईओ सीसघडीओ तवणिज्जमईओ केसंतकेसभूमीओ रिट्ठमया उवरि-  
मुद्धया तासि णं जिणपडिमाणं पिट्ठतो पत्तेयं-पत्तेयं छत्तधारगपडिमाओ पत्रत्ताओ ताओ णं  
छत्तधारगपडिमाओ हिरमययकुदेंदुप्पगासाइं सकोरेंटयल्लदाम-धवत्ताइं आयव-त्ताइं सलीलं  
धारेमाणीओ-धारेमाणीओ चिड्ढंति

तासि णं जिणपडिमाणं उभओ पासे दो दो चामरधारपडिमाओ पत्रत्ताओ ताओ णं चामर-

ધારપડિમાઓ વંદપ્પહ-વડર-વેરુલિય-નાનામણિરયણચિય-ચિત્તદંડાઓ સુહુમરયપદીહવાલાઓ સંઘંકકુંદગરયઅમયમહિયફેણપુંજસત્રિગાસાઓ ધવલાઓ ચામ- રાઓ ગહાય સલીલં વીજેમા-  
ળીઓ સવ્વરયણામઈઓ અચ્છાઓ જાવ પડિરૂવાઓ તાસિ પં જિણ- પડિમાણં પુરતો દો દો નાગપડિમાઓ જક્ષપડિમાઓ મૂયપડિમાઓ કુંડધારપડિમાઓ સંનિચિત્તાઓ ચિટ્ઠિતિ-સવ્વરો-  
યણામઈઓ અચ્છાઓ જાવ પડિરૂવાઓ તત્થ દેવચ્છંદે જિણપડિમાણં પુરતો અદ્ધસયં ઘંટાણં  
અદ્ધસયં વંદણકલસાણં અદ્ધસયં મિંગારાણં एवं- આયંસાણં ધાલાણં પાઈણં સુપહ્ઠ્ઠાણં મળોગુલિયાણં  
વાયકરણાણં ચિત્તાણં રયણકરંડગાણં હયકંઠાણં [ગયકંઠાણં નરકંઠાણં કિત્તરકંઠાણં કિપુરિસ-  
કંઠાણં મહોરગકંઠાણં ગંધવ્વકંઠાણં] ઉસપકંઠાણં પુષ્પચંગેરીણં [મણ્ણચંગેરીણં યુત્તરચંગેરીણં ગંધ- ચં-  
ગેરીણં વત્થચંગેરીણં આમરણચંગેરીણં સિદ્ધત્થચંગેરીણં] લોમહત્થચંગેરીણં પુષ્પપડલગાણં [મણ્ણપડ-  
લગાણં વુણ્ણપડલગાણં ગંધપડલગાણં વત્થપડલગાણં આમરણપડલગાણં સિદ્ધત્થપડલગાણં]  
લોમહત્થપડલગાણં સીહાસણાણં છત્તાણં ચમરાણં તેણ્ણસમુગ્ગાણં [કોઢ્ઠસમુગ્ગાણં પત્તસમુગ્ગાણં વોય-  
ગસમુગ્ગાણં તગરસમુગ્ગાણં એણ્ણસમુગ્ગાણં હરિયાલસમુગ્ગાણં હિંગુલયસમુગ્ગાણં મળોસિલાસ-  
મુગ્ગાણં] અંજણસમુગ્ગાણં અદ્ધસયં ઝયાણં અદ્ધસયં ધૂવકકુચ્છુયાણં સંનિચિત્તં ચિટ્ઠિતિ તસ્સ પં  
સિદ્ધાયતણ્ણસ ઉવરિં અદ્ધમંગલગા ઝયા છત્તાતિચ્છતા।૩૧।૩૭

(૪૦) તસ્સ પં સિદ્ધાયતણ્ણસ ઉત્તરપુરત્થિમેણં એથ પં મહેગા ઉવવાયસમા પત્તતા જહા  
સમાએ સુહમ્માએ તહેવ જાવ ઉલ્લોઓ ય તસ્સ પં બહુસમરણિજ્ઞસ ભૂમિભાગસ બહુમજ્જદેસમાગે એથ  
પં મહેગા મણિપેઢિયા પત્તતા-અદ્ધજોયાણં દેવસયણિજ્ઞં તહેવ સયણિજ્ઞવણ્ણઓ અદ્ધ મંગલગા  
ઝયા છત્તાતિચ્છતા તીસે પં ઉવવાયસમાએ ઉત્તરપુરત્થિમેણં એથ પં મહેગે હરએ પત્તત્તે-એગં જોયણસયં  
આયામેણં પત્તસં જોયાણં વિક્કલ્લખેણં દસ જોયાણં ઉવ્વેહેણં તહેવ સે પં હરએ એગાએ પડમવરવેડ્ય-  
એ એગેણં વણસંઢેણં સવ્વઓ સમંતા સંપરિક્કિચ્છતે પડમવરવેડ્યાએ વણસંઢવણ્ણઓ તસ્સ પં હરયસ્સ  
તિદિસં તિસોવાણપડિરૂવા પત્તતા તસ્સ પં હરયસ્સ ઉત્તરપુરત્થિમેણં એથ પં મહેગા અભિસેગસમા  
પત્તતા સુહમ્માગમણં જાવ ગોમાણસિયાઓ મણિપેઢિયા સીહાસણં સપરિવારં જાવ દામા ચિટ્ઠિતિ  
તત્થ પં સૂરિયાભસ્સ દેવસ્સ સુવહુ અભિસેયખંડે સંનિચિત્તે ચિટ્ઠિ અદ્ધ મંગલગા તહેવ તીસે પં  
અભિસેગસમાએ ઉત્તરપુરત્થિમેણં એથ પં મહેગા અલંકારિયસમા પત્તતા જહા સમા સુધમ્મા  
મણિપેઢિયા અદ્ધ જોયાણં સીહાસણં સપરિવારં

તત્થ પં સૂરિયાભસ્સ દેવસ્સ સુવહુ અલંકારિયખંડે સંનિચિત્તે ચિટ્ઠિતિ સેસં તહેવ તીસે પં  
અલંકારિયસમાએ જાવ મણિપેઢિયા સીહાસણં અપરિવારં અદ્ધ મંગલગા તત્થ પં સૂરિયાભસ્સ દેવસ્સ  
એથ પં મહેગે પોત્થચરયણે સત્તિચિત્તે ચિટ્ઠિ તસ્સ પં પોત્થચરયણસ્સ ઇમેયારૂવે વણ્ણાવાસે પત્તતે તં  
જહા-રિદ્ધામઈઓ કંબિઆઓ તવણિજ્ઞમએ દોરે નાનામણિમએ ગંઠી અંકમયાઈ પત્તાઈ વેરુલિયમએ  
લિપ્પાસણે તવણિજ્ઞમઈ સંકત્તા રિદ્ધામએ છાદણે રિદ્ધમઈ મસી વડરામઈ લેહળી રિદ્ધામયાઈ અક્કરાઈ  
ધમ્મિએ લેવલ્લે વવસાયસમાએ પં ઉવરિં અદ્ધમંગલગા તીસે પં વવસાયસમાએ ઉત્તરપુરત્થિમેણં મહેગે  
વલિપીઠે પત્તતે-અદ્ધ જોયાણં આયામવિક્કલ્લખેણં ચત્તારિ જોયાણં વાહલ્લેણં સવ્વરયણામએ અચ્છે  
જાવ પડિરૂવે તસ્સ પં વલિપીઠસ્સ ઉત્તરપુરત્થિમેણં એથ પં મહેગા નંદા પુક્કરિણી પત્તતા  
હરયસરિસા તીસેણં નંદાણં પુક્કરિણીએ ઉત્તરપુરત્થિમેણં મહેગે વલિપીઠે પત્તતા સવ્વરયણામએ  
અચ્છે જાવ પડિરૂવે।૪૦।૪૦

(४१) तेणं कालेणं तेणं समएणं से सूरियाभे देवे अहुणोववण्णमित्ताए वेव समाणे पंचविहाए पञ्जतीए पञ्जतिभावं गच्छइ तं जहा-आहारपञ्जतीए सरीरपञ्जतीए इंदियपञ्जतीए आणपाणपञ्जतीए भासमणपञ्जतीए तए णं तस्स सूरियाभस्स देवस्स पंचविहाए पञ्जतीए पञ्जतिभावं गयस्स समाणस्स इमेयारूवे अज्झत्थिए चित्तिए पत्थिए मणोगए संकप्पे समुपजित्था-किं मे पुत्थि करणिज्जं किं मे पच्छा करणिज्जं किं मे पुत्थि सेयं किं मे पचअछा सेयं किं मे पुत्थि पि पच्छा वि हियाए सुहाए खमाए निस्सेयसाए आनुगामियत्ताए भविस्सइ तए णं तस्स सूरियाभस्स देवस्स सामाणियपरिसोववण्णा देवा सूरिया- भस्स देवस्स इमेयारूवं अज्झत्थियं जाव समुप्पण्णं समभिजाणित्ता जेणेव सूरियाभे देवे तेणेव उवागच्छंति सूरियाभं देवं करयलपरिग्गहिं जाव वद्धावेति वद्धावेत्ता एवं वयासी-एवं छलु देवाणुप्पियाणं सूरियाभे विमाणे सिद्धाचत्तणं सि जिणपडिमाणं जिणुस्सेहपमाणमेत्ताणं अट्ठसयं संनिखितं चिट्ठति सभाए णं सुहम्माए माणवए चेइए खंभे वइरामएसु गोलवडुसमुगएसु बहूओ जिण-सकहाओ संनिखित्ताओ चिट्ठति ताओ णं देवाणुप्पियाणं अण्णेसिं च बहूणं वेमाणियाणं देवाणं य देवीणं य अच्चणिज्जाओ जाव पञ्चवासणिज्जाओ तं एयण्णं देवाणुप्पियाणं पुत्थि करणिज्जं तं एयण्णं देवाणुप्पियाणं पच्छा करणिज्जं तं एयण्णं देवाणुप्पियाणं पुत्थि सेयं तं एयण्णं देवाणुप्पियाणं पच्छा सेयं तं एयण्णं देवाणुप्पियाणं पुत्थि पि पच्छा वि हियाए सुहाए खमाए निस्सेयसाए आनुगामियत्ताए भविस्सति ।४१।-४१

(४२) तए णं से सूरियाभे देवे तेसिं सामाणियपरिसोववण्णमाणं देवाणं अंतिए एयमइ सोच्चा निसम्भ हट्ठतुट्ठ जाव हियाए सयणिज्जाओ अब्भुट्ठेति अब्भुट्ठेता उवयायसभाओ पुरत्थिमिल्लेणं दारेणं निग्गच्छि जेणेव हरए तेणेव उवागच्छति उवागच्छित्ता हरयं अनुपयाहिणीकोरमाणे-अनुपयाहिणीकोरमाणे पुरत्थिमिल्लेणं तोरणेणं अनुपविसइ अनुपविसित्ता पुरत्थिमिल्लेणं तिसोवाणपडिरूएणं पच्चोल्हइ पच्चोल्हिता जलावगाहं करेइ करेता जलमज्जणं करेइ करेता जलकिट्ठं करेइ करेता जलाभिसेयं करेइ करेता आपंते चोक्खे परमसूईभूए हरयाओ पच्चोत्तरइ पच्चोत्तरित्ता जेणेव अभिसेयसभा तेणेव उवागच्छति उवागच्छित्ता अभिसेयसभं अनुपयाहिणीकोरमाणे-अनुपयाहिणीकोरमाणे पुरत्थिमिल्लेणं दारेणं अनुपविसइ अनुपविसित्ता जेणेव सीहासणे तेणेव उवागच्छइ उवागच्छित्ता सीहासणवरगए पुरत्थाभिमुहे सण्णिसण्णे तए णं सूरियाभस्स देवस्स सामाणियपरिसोववण्णा देवा आभिओगिए देवे सद्दावेति सद्दावेत्ता एवं वयासी-खिप्पामेव भो देवाणुप्पिया सूरियाभस्स देवस्स महत्थं महत्थं महरिहं विउलं इंदभिसेयं उवट्ठेव

तए णं ते आभिओगिआ देवा सामाणियपरिसोववण्णेहिं देवेहिं एवं वुत्ता समाणा हट्ठ जाव हियया करयलपरिग्गहिं जाव वचणं पडिसुणेंति पडिसुणित्ता उत्तरपुरत्थिमं दिसीभागं अवक्क-मंति अवक्कमेत्ता वेउच्चियसमुग्धाएणं समोहण्णंति समोहणित्ता संखेज्जाइ जोवणाइ दोच्चं पि वेउच्चियसमुग्धाएणं समोहण्णंति समोहणित्ता अट्ठसहस्सं सोवण्णियाणं कलसाणं अट्ठसहस्सं रुप्प-मयाणं कलसाणं अट्ठसहस्सं मणिमयाणं कलसाणं अट्ठसहस्सं सुवण्णरुप्पमयाणं कलसाणं अट्ठसहस्सं भूमिज्जाणं कलसाणं एवं भिगाराणं आयंसाणं धालाणं पाईणं सुपतिट्ठाणं मणोगुलियाणं वायकराणं चित्ताणं रयणकरंडगाणं पुप्फचंगेरीणं जाव लोमहत्थचंगेरीणं पुप्फपडलगाणं जाव लोमहत्थपडलगाणं सीहासणाणं छत्ताणं चामराणं तेल्लस-मुगाणं जाव अंजणसमुगाणं अट्ठसहस्सं श्रयाणं अट्ठसहस्सं धूवकडुक्खुयाणं विउव्यंति विउव्यित्ता

ते साभावि ए य वेउव्वि ए य कलसे य जाव कडुक्कु ए य गिण्हंति गिण्हिता सूरियाभाओ विमाणाओ पडिनिक्खमंति पडिनिक्खमिता ताए उक्किक्काए तुरियाए चवलाए जाव तिरियमसंखेज्जाणं वीतिवयमाणा-वीतिवयमाणा जेणेव खीरोदयसमुद्दे तेणेव उवागच्छंति उवागच्छिता खीरोदयं गिण्हंति गिण्हिता जाई तत्तुप्पलाई जाव सहस्सपत्ताई ताई गिण्हंति गिण्हिता जेणेव पुक्खरोदए समुद्दे तेणेव उवागच्छंति उवागच्छिता पुक्खरोदयं गेण्हंति गेण्हिता जाई तत्तुप्पलाई जाव सहस्सपत्ताई ताई गिण्हंति गिण्हिता जेणेव समयखेतै जेणेव भरहेरवयाई वासाई जेणेव माग-हवारदामपभासाई तित्थाई तेणेव उवागच्छंति उवागच्छिता तित्थोदगं गेण्हंति गेण्हिता तित्थमट्टियं गेण्हंति गेण्हिता जेणेव गंग सिंधू स्ता स्तवईओ महानईओ तेणेव उवागच्छिता सलिलोदगं गेण्हंति गेण्हिता उभओकूलमट्टियं गेण्हंति गेण्हिता जेणेव चुल्लहिमवंतसिहरिवासहरपव्वया तेणेव उवागच्छंति उवागच्छिता सव्वतूरये सव्वपुप्फे सव्वगंधे सव्वमल्ले सव्वोसहिंसिद्धत्थए गिण्हंति गिण्हिता जेणेव पउम-पुंडरीयदहा तेणेव उवागच्छंति उवागच्छिता दहोदगं गेण्हंति गेण्हिता जाई तत्थ उप्पलाई जाव सहस्सपत्ताई ताई गेण्हंति गेण्हिता जेणेव हेमवय-एरण्णवयाई वासाई जेणेव रोहिण्यं-रोहिण्यं-सुवण्णकूल-रूपकूलाओ महानईओ तेणेव उवागच्छंति उवागच्छिता सलिलोदगं गेण्हंति गेण्हिता उभओकूलमट्टियं गिण्हंति गिण्हिता जेणेव सद्वावाति-वियडावाति-वट्ठवेयड्ढ-पव्वया तेणेव उवागच्छंति उवागच्छिता सव्वतूरये जाव जेणेव महाहिमवंत-रूपिवासहरपव्वया तेणेव उवागच्छंति तहेव जेणेव महापउम-महापुंरीयदहा तेणेव उवागच्छंति उवागच्छिता दहोदगं गिण्हंति गिण्हिता-

तहेव जेणेव हरिसवासरम्मगवासाई जेणेव हरि-हरिकंत-नरनारिकंताओ महानईओ तेणेव उवागच्छंति जेणेव गंधावाति-मालवंतपरियागा वट्ठवेयड्ढपव्वया तेणेव उवागच्छंति तहेव जेणेव निसड नीलवंत वासघरपव्वया तहेव जेणेव तिगिच्छ-केसरीदहाओ तेणेव उवागच्छंति तहेव जेणेव पुव्वविदेहावरविदेहवासाई जेणेव सीता-सीतोदाओ महानदीओ तेणेव उवागच्छंति जेणेव सव्वच-क्कवट्टियजया जेणेव सव्वमागहवरदामपभासाई तित्थाई तेणेव उवागच्छंति उवागच्छिता तित्थो-दगं गेण्हंति गेण्हिता तित्थमट्टियं गेण्हंति गेण्हिता जेणेव सव्वंतरनईओ जेणेव सव्ववक्खा-रपव्वया तेणेव उवागच्छंति उवागच्छिता सव्वतूरये तहेव जेणेव मंदरे पव्वते जेणेव भट्टसालवने तेणेव उवागच्छंति उवागच्छिता सव्वतूरये सव्वगंधे सव्वमल्ले सव्वोसहिंसिद्धत्थए य गेण्हंति गेण्हिता जेणेव नंदनवने तेणेव उवागच्छंति उवागच्छिता सव्वतूरये जाव सव्वोसहिंसिद्धत्थए य सरसं च गोसीसचंदणं गिण्हंति गिण्हिता जेणेव सोमनसवने तेणेव उवागच्छंति उवागच्छिता सव्वतूरये जाव सव्वोसहिंसिद्धत्थए य सरसं च गोसीसचंदणं च दिव्वं च सुमनदामं गिण्हंति गिण्हिता जेणेव पंडगवणे तेणेव उवागच्छंति उवागच्छिता सव्वतूरये जाव सव्वोसहिंसिद्धत्थए च सरसं च गोसीसचंदणं च दिव्वं च सुमनदामं दहरमलयसुगंधियगंधे गिण्हंति गिण्हिता एगतो भिलायंति भिलाइता ताए उक्किक्काए जाव जेणेव सोहम्मे कप्पे जेणेव सूरि-याभविमाणे जेणेव अभिसेयसभा जेणेव सूरियामे देवे तेणेव उवागच्छंति उवागच्छिता सूरियामं देवं करयलपरिगहियं सिरसावत्तं मत्तए अंजलिं कडु जएणं विजएणं वट्ठावेत्ति वट्ठावेत्ता तं महत्थं महग्घं महरिहं विउलं इंदभिसेयं उवट्ठवेत्ति

\* तए णं तं सूरियामं देवं चत्तारि सामाणियसाहस्सीओ चत्तारि अग्गमहिंसीओ सपरिवारातो

तिणि परिसाओ सत्त अणियाओ सत्त अणियाहिबड्णो [सोलसआयरक्खदेवसाहसीओ] अण्णे-वि बहवे सूरियाभविमाणवासिणो देवा य देवीओ य तेहि साभाविएहि य वेउव्विएहि य वरक-मलपइट्ठणेहिं सुरभिवरवारिपडिपुत्रेहिं चंदणकयच्चआएहिं आविद्धकंठेगुणेहिं पउमुप्पलपिहाणेहिं सुकुमालकरयलपरिगहिएहिं अट्टसहस्सेणं सोवण्णियाणं कलसाणं जाव अट्टसहस्सेणं सुवण्ण-रूपमणिमयाणं कलसाणं अट्टसहस्सेणं भोमिज्जाणं कलसाणं सच्चोदएहिं सच्चमट्टियाहिं सच्चतू-यरेहिं जाव सच्चोसहिसिद्धत्यएहिं य सच्चिद्धीए जाव नाइयरवेणं महया-महया इंदामिसेएणं अभिसिंचंति तए णं तस्स सूरियाभस्स देवस्स महया-महया इंदामिसेए वट्टमाणे-अप्पेगतिया देवा सूरियाभं विमाणं नद्योयणं नातिमट्टियं पविरलफुसियरघरेणुविणासणं दिव्वं सुरभिगंधोदगवासं वासंति अप्पेगतिया देवा सूरियाभं विमाणं हयरयं नद्धरयं मद्धरयं उवसंतरयं पसंतरयं करेति

अप्पेगतिया देवा सूरियाभं विमाणं आसियसंमज्झिओवलितं सुइ-संमद्धरत्यतराणवीहिंयं करेति अप्पेगतिया देवा सूरियाभं विमाणं मंचाइमंचकलियं करेति अप्पेगइया देवा सूरियाभं विमाणं नाणाविहरागोसियझयपड्डा-गाइपडागमंडियं करेति अप्पेगतिया देवा सूरियाभं विमाणं लाउल्लो-इयमहियं गोसीससरसरत्त-चंदणदहर-दिण्णपंचंगुलितलं करेति अप्पेगतिया देवा सूरियाभं विमाणं उवचियवंदणकलसं वंदण-घडसुकयत्तोरणपडिदुवारदेसभाणं करेति अप्पेगतिया देवा सूरियाभं विमाणं आसत्तोसत्त-विउलवट्टव-धारियमल्लदामकलावं करेति अप्पेगतिया देवा सूरियाभं विमाणं पंचवण्णसुरभि-मुक्क- पुष्पपुंजोवयारकलियं करेति अप्पेगतिया देवा सूरियाभं विमाणं कालगरु-पवरकुंदुरुक्क-तरु-क्क-धूव-मघमघेंतगंधुदुपुयाभिरामं करेति अप्पेगइया देवा सूरियाभं विमाणं सुगंधगंधियं गंधवट्टिभूतं करेति अप्पेगतिया देवा हिरण्णवासं वासंति सुवण्णवासं वासंति रयण-वासं वासंति वड्ढरवासं वासंति पुष्पवासं वासंति फलवासं वासंति मल्लवासं वासंति गंधवासं वासंति चुण्णवासं वासंति आभरणवासं वासंति अप्पेगइया देवा हिरण्णविहिं भाएति एवं-सुवण्णविहिं रयणविहिं पुष्पविहिं फलविहिं मल्लविहिं गंधविहिं चुण्णविहिं आभरणविहिं भाएति अप्पेगतिया देवा चउव्विहं वाइतं वाएति-तत्तं विततं घणं सुसिरं अप्पेगइया देवा चउव्विहं गेयं गायंति तं जहा-उक्खित्तायं पायंतायं मंदायं रोइयावसाणं अप्पेगतिया देवा दुयं नट्टविहिं उवदंसेति अप्पेगतिया देवा विलंबियं नट्टविहिं उवदंसेति

अप्पेगतिया देवा रिभियं नट्टविहिं उवदंसेति अप्पेगइया देवा अंचिय-रिभियं नट्टविहिं उवदंसेति अप्पेगइया देवा आरभडं नट्टविहिं उवदंसेति अप्पेगइया देवा भसोलं नट्टविहिं उवदंसेति अप्पेगइया देवा आरभड-भसोलं नट्टविहिं उवदंसेति अप्पेगइया देवा उप्पायनिवायपसत्तं संकुचिय-पसारियं रियारियं भंत-संभंतं नामं दिव्वं नट्टविहिं उवदंसेति अप्पे-गतिया देवा चउव्विहं अभिनयं अभिनयंति तं जहा-दिट्ठितियं पाडंतियं सामन्नओविणिवाइयं लोगमज्झावसाणियं अप्पेगतिया देवा बुक्कारेति अप्पेगगिया देवा पीणेति अप्पेगतिया लासेति अप्पेगतिया तंडवेति अप्पेगतिया बुक्कारेति पीणेति लासेति तंडवेति अप्पेगतिया अप्फोडेति अप्पेगतिया वग्गंति अप्पेगतिया तिवइं छिंदंति अप्पेगतिया अप्फोडेति वग्गंति तिवइं छिंदंति अप्पेगतिया हयहेसियं करेति अप्पेगतिया हत्थिगुलगुलाइयं करेति अप्पेगतिया रहधणघणाइयं करेति अप्पेगतिया हयहेसियं करेति हत्थिगुलगुलाइयं करेति अप्पेगतिया रहधणघणाइं करेति अप्पेगतिया उक्खलेंति पोक्खलेंति उक्कद्धियं करेति अप्पेगतिया ओवयंति अप्पेगतिया उप्पयंति अप्पेगतिया परिवयंति अप्पेगइया

तिणिण वि अप्पेगइया सीहनायं नयंति अप्पेगतिया पाददहरवं करेति अप्पेगतिया भूमिचवेडं दलयंति

अप्पेगतिया तिणिण वि अप्पेगतिया गजंति अप्पेगतिया विज्जुपायंति अप्पेगइया वासं वासंति अप्पेगतिया तिणिण वि करेति अप्पेगतिया जलंति अप्पेगतिया तवंति अप्पेगतिया पतवेंति अप्पेगतिया तिणिण वि अप्पेगतिया हक्कारेति अप्पेगतिया धुक्कारेति अप्पेगतिया थक्कारेति अप्पेगतिया साइं साइं नामाई साहेति अप्पेगतिया चत्तारि वि अप्पेगतिया देवसणिण वाचं करेति अप्पेगतिया देवुज्जोयं करेति अप्पेगइया देवुक्कलियं करेति अप्पेगइया देवकहकहगं करेति अप्पेगतिया देवदुहुदुहगं करेति अप्पेगतिया चेलुक्खेवं करेति अप्पेगइयादेवसणिणवाचं देवुज्जोयं देवुक्कलियं देवकहकहगं देवदुहुदुहगं चेलुक्खेवं करेति अप्पेगतिया उप्प- लहत्थगया जाव सहस्सपत्तहत्थगया अप्पेगतिया वंदणकलसहत्थगया अप्पेगतिया भिंगारहत्थगया जाव धूवकडुच्छुवहत्थगया हट्टतुट्ट जाव हिवया सव्वओ समंत आहावंति परिधावंति

तए णं तं सूरियाभं देवं चत्तारि सामाणियसाहस्सीओ जाव सोलस आयरक्खदेवता-हस्सीओ अण्णे य वहवे सूरियाभरायहाणिवत्थव्वा देवा य देवीओ च महया-मग्गं इंदामिसेणं अभिसिंचंति अभि- सिंचित्ता पत्तेयं-पत्तेयं करयलपरिगहियं सिरसावत्तं मत्थए अंजलिं कट्टु एवं वयासी-जय-जय नंदा जय-जय मग्गं जय-जय नंदा भद्दं ते अजि, जेणाहि जियं च पालेहिं जिय-मज्झे वसाहि-इंदो इव देवाणं जाव भरहो इव मज्जुपाणं-वहूइं पलिओवमाइं वहूइं सागरोवमाइं वहूइं पलिओवम-सागरोवमाइं चउण्हं सामाणियसाहस्सीणं जाव आयर-क्खदेवसाहस्सीणं सूरियाभस्स विमाणस्स अन्नेसिं च बहूणं सूरियाभविमाणवासीणं देवाणं च देवीणं य आहेवच्चं पोरेवच्चं सामितं मट्ठितं महत्तरगतं आणा-ईसर-सेणावच्चं करेमाणे पालेमाणे विहराहि ति कट्टु महया-महया सदेणं जय- सद्दं पउजंति तए णं से सूरियाभे देवे महया-महया इंदामिसेणं अभिसिंते समणे अभिसेय-सभाओ पुरत्थिमिल्लेणं दारेणं निग्गच्छति निग्गच्छिता जेणेव अलंकारियसभा तेणेव उवागच्छति उवागच्छिता अलंकारियसभं अनुपयाहिणीकरेमाणे-अनुपयाहिणीकरेमाणे अलंकारियसभं पुरत्थि-मिल्लेणं दारेणं अनुपविसति अनुपविसिता

जेणेव सीहासणे तेणेव उवागच्छति उवागच्छिता सीहासणवरगते पुरत्थाभिमुहे सणिण-सण्णे तए णं तस्स सूरियाभस्स देवस्स सामाणिवपरिसोदवण्णगा देवा अलंकारियभंडं उवट्ठवेंति तए णं से सूरियाभे देवे तप्पढमयाए पम्हलसूमालाए सुरभीए गंधसक्कासाईए गायार्इं लूहेति लूहेत्ता सरसेणं गोसीसचंदणेणं गायार्इं अनुलिंपति अनुलिंपित्ता नासानीसास-बाय-वोज्झं चक्खुहरं वण्ण-फरिसजुत्तं हयलाला- पेलवातिरेगं थवलं कणग-खचियंतकम्मं आगासफालिय-समप्पभं दिव्वं देवदूसजुयलं नियंसेति नियंसेत्ता हारं पिणिद्धेति पिणिद्धेत्ता अद्धहारं पिणिद्धेति पिणिद्धेत्ता एणावलं पिणिद्धेति पिणिद्धेत्ता पुत्तावलं पिणिद्धेति पिणिद्धेत्ता रयणावलं पिणिद्धेति पिणिद्धेत्ता एवं-अंगयाई केयूराई कडगाई तुडियाई कडिसुत्तगं दसमु- दद्धान्तगं विकच्छसुत्तगं मुरविं कंठमुरविं पालवं कुंडलाई चूडामणिं चित्तरयणसंकडं मउडं-पिणिद्धेति पिणिद्धेत्ता गंधिम-वेढिम-पूरिम-संपादमेणं चउव्विहेणं मल्लेणं कप्परुक्खगं पिव अप्पाणं अलंकिय-विभूसियं करेइ करेत्ता दहरमलयसुगंधगंधिएहिं गायार्इं मुकुंडेति दिव्वं च सुमणदामं पिणिद्धेइ।४२।-42

(४३) तए णं से सूरियाभे देवे केसालंकारेणं मल्लालंकारेणं आभरणालंकारेणं वत्थालंकारेण-

चउड्विहेणं अलंकारेणं अलंकियविभूसिए समाणे पडिपुत्राणलंकारे सीहासणाओ अब्बुड्ढेति अब्बु-  
ड्ढेता अलंकारियसमाओ पुरत्थिमिल्लेणं दारेणं पडिनिक्खमइ पडिनिक्खमिता जेणेव ववसायसभा  
तेणेव उवागच्छति ववसायसभं अनुपयाहिणीकरेमाणे-अनुपयाहिणीकरेमाणे पुरत्थिमिल्लेणं दारेणं  
अनुपविसति अनुपविसिता जेणेव सीहासणे तेणेव उवागच्छति उवागच्छिता सीहासणवरगते  
पुरत्थाभिमुहे सण्णिसण्णे तए णं तस्स सूरियाभस्स देवस्स सामाणियपरिसोववण्णा देवा पोत्थय-  
रयणं उवणेति तए णं से सूरियाभे देवे पोत्थयरयणं गिण्हति गिण्हिता पोत्थयरयणं मुयइ मुइत्ता  
पोत्थयरयणं विहाडेइ विहाडित्ता पोत्थयरयणं वाएति वाएत्ता धम्मियं ववसायं ववसइ ववसइत्ता  
पोत्थयरयणं पडिनिक्खवइ पडिनिक्खवित्ता सीहासणातो अब्बुड्ढेति अब्बुड्ढेता ववसायसमातो  
पुरत्थिमिल्लेणं दारेणं पडिनिक्खमइ पडिनिक्खमिता जेणेव नंदा पुक्खरिणी तेणेव उवागच्छति  
उवागच्छिता नंदं पुक्खरिणिं पुरत्थिमिल्लेणं तोरणेणं तिसोवाणपडिल्लवणं पच्चोरुहइ पच्चोरुहत्ता  
रुत्थपादं पक्खालेति पक्खालेत्ता आयंते चोक्खे परमसुइभूए एणं महं सेयं रययामयं विमलं  
सलिलपुत्रं मत्तागयमहामुहा-गितिसमाणं भिणारं पगेण्हति पगेण्हिता जाइं तत्थ उप्पलाइं जाव  
सहस्सपत्ताइं ताइं गेण्हति गेण्हिता नंदातो पुक्खरिणीतो पच्चोत्तरति पच्चोत्तरित्ता जेणेव सिद्धायतणे  
तेणेव पहारेत्थ गमणाए ।४३।-४३

(४४) तए णं तं सूरियामं देवं चत्तारि सामाणियसाहस्सीओ जाव सोलस आयरक्ख-  
देवसाहस्सीओ अण्णे य बहवे सूरियाभविमाणवासिणो [वेमाणिया देवा] य देवीओ च अप्पेगत्तिया  
उप्पलहत्यगया जाव सहस्सपत्तहत्यगया सूरियाभं देवं पिडुतो-पिडुतो समणुगच्छति तए णं तस्स  
सूरियाभस्स देवस्स आभिओगिया देवा य देवीओ च अप्पेगत्तिया बंदणकलसहत्यगया जाव अप्पेग-  
त्तिया धूवकडुच्छुयहत्यगया हड्डतुड्ड-जाव सूरियाभं देवं चिडुतो-पिडुतो समणुगच्छति तए णं से  
सूरियाभे देवे चउड्वि सामाणिय-साहस्सीहिं जाव आयरक्खदेवसाहस्सीहिं अण्णेहिं बहूहिं य  
[सूरियाभविमाणवासीहिं] वेमाणिएहिं देवेहिं य देवीहि य सद्धिं संपरिवुडे सव्विड्ढीए जाव नाति-  
यरवेणं जेणेव सिद्धायतणे तेणेव उवागच्छति उवागच्छिता सिद्धायतणं पुरत्थिमिल्लेणं दारेणं अनुप-  
विसति अनुपविसिता जेणेव देवच्छंदए जेणेव जिनपडिमाओ तेणेव उवागच्छति उवागच्छिता  
जिनपडिमाणं आलोए पणामं करेति करेत्ता लोहमत्थणं गिण्हति गिण्हिता जिनपडिमाणं  
लोमहत्यएणं पमज्जइ पमज्जित्ता जिनपडिमाओ सुरभिणा गंधोदएणं ण्हाएइ ण्हाइत्ता सरसेणं गोसी-  
सचंदपेणं गायाइं अनुलिपइ अनुलिपइत्ता जिनपडिमाणं अहयाइं देवदसजुयलाइं नियंसेइं नियं-  
सेत्ता अग्गेहिं बरेहिं गंधेहिं मल्लेहि य अच्चेइ अच्चेत्ता पुप्फारुहणं जाव आभरणारुहणं कोइ करेत्ता  
आसत्तोसत्तविउलट्टवग्धारियमल्लदाभकलावं कोइ करेत्ता कयग्गहगहियकरयल- पब्बड्डविष्णु-  
क्केणं दसद्धवण्णेणं कुसुमेणं पुप्फपुंजोचवयारकलियं कोइ करेत्ता जिनपडिमाणं पुरतो अच्चेहिं  
सण्हेहिं रययामएहिं अच्छरसा-तंदुलेहिं अट्टट्ट मंगले आलिहइ तं जहा-

सोत्थियं जाव दप्पणं तयाणंतां च णं चंदप्पभ-चइवेरुलिय-विमलदंडं कंचमणिरयण-  
भत्तिचित्तं कालागरु-पवरकुंदुरुक्क-तुरुक्क-धूव-मयमयेत्त-गंधुत्तमाणुविद्धं च धूववट्ठिं विणिम्पु-  
यंतं वेरुलियमयं कडुच्छुयं पगहियं पयत्तेणं धूयं दाऊणं जिनदराणं सत्तट्ट पदाणि ओसरति  
ओसरित्ता दसंगुत्तिं अंजलिं करियमत्थयम्मि च पयत्तेणं अट्टसयविसुद्ध-गंधजुत्तेहिं अत्थजुत्तेहिं  
अपुणरुत्तेहिं महावित्तेहिं संधुणइ संधुणित्ता वामं जाणुं अंचेइ अंचित्ता दाहिणं जाणु घरणित्तंलंसि

निहट्टु तिक्खुत्तो मुद्धाणं धारणितलंसि निवाडेइ निवाडिता ईसिं पच्चण्णमइ पच्चण्णमिता करयल-  
परिगहियं सिरसावत्तं मत्थए अंजलिं कट्टु एवं वयासी-नमोत्थुणं अरहंताणं भगवंताणं आदिगराणं  
तित्थगराणं सयंसंबुद्धाणं पुरिसुत्तमामं पुरिस- सीहाणं पुरिसवर- पुंडरीकाणं पुरिसवरगंधहत्थीणं  
लोगुत्तमाणं लोगनाहाणं लोगहिआणं लोगपईवाणं लोगपज्जोगराणं अभयदयाणं चक्खुदयाणं  
मगदयाणं सरणदयाणं बोहिदयाणं धम्मदयाणं धम्मदेसयाणं धम्मनायाणाणं धम्मसारहीणं धम्मवर-  
चाउरंतचक्कवट्ठीणं अप्पडिहयवरनाणदंसण- धाराणं विअट्टच्छउमाणं जिनाणं जावयाणं तिन्नाणं  
तारयाणं बुद्धाणं बोहयाणं मुत्ताणं मोचयाणं सव्वन्नूणं सव्वदरिसीणं सिवं अयलं अरुअं अनंतं  
अक्खयं अक्खादाहं अपुणरावित्तिसेट्ठिगइ- नामधेयं ठाणं संपत्ताणं वंदइ नमंसइ वंदिता नमसिता-  
जेणेव सिद्धायतणस्स बहुमज्झदेसभाए तेणेव उवागच्छइ उवागच्छिता दिव्वाए दगधाराए अब्भु-  
क्खेइ अब्भुक्खेत्ता सरसेणं गोसीसचंदणेणं पंचगुलितलं दलयइ दलइत्ता कयगगहगहियं जाव पुंजो-  
वयारकलियं करेइ करेत्ता धूवं दलयइ दलयित्ता-

जेणेव सिद्धायतणस्स दाहिणिंले दारे तेणेव उवागच्छति उवागच्छिता लोमहत्थगं परामुसइ  
परामुसित्ता दारचेडाओ य सालभंजियाओ य वालरूवए य लोमहत्थेणं पमज्जइ पमज्जित्ता दिव्वाए  
दगधाराए अब्भुक्खेइ अब्भुक्खेत्ता सरसेणं गोसीसचंदणेणं चछए दलयइ दलइत्ता पुष्फारुहणं जाव  
आभरणारुहणं करेइ करेत्ता आसतोसत्तं जाव धूवं दलयइ दलयित्ता- जेणेव दाहिणिंले दारे  
मुहमंडवे जेणेव दाहिणिंलस्स मुहमंडवस्स बहुमज्झदेसभाए तेणेव उवागच्छइ उवागच्छिता  
लोमहत्थगं परामुसइ परामुसित्ता बहुमज्झदेसभागं लोमहत्थेणं पमज्जइ पमज्जित्ता दिव्वाए दगधाराए  
अब्भुक्खेइ अब्भुक्खेत्ता सरसेणं गोसीसचंदणेणं पंचगुलितलं मंडलगं आलिहइ आलिहेत्ता  
कयगगहगहियं जाव धूवं दलयइ दलयित्ता- जेणेव दाहिणिंलस्स मुहमंडवस्स पच्चत्थिमिल्ले दारे तेणेव  
उवागच्छइ उवागच्छिता लोमहत्थगं परामुसइ परामुसित्ता दारचेडाओ य सालभंजियाओ य  
वालरूवए य लोमहत्थेणं पमज्जइ पमज्जित्ता दिव्वाए दगधाराए अब्भुक्खेइ अब्भुक्खेत्ता सरसेणं गो-  
सीसचंदणेणं चछए दलयइ दलयित्ता पुष्फारुहणं जाव आभरणारुहणं करेइ करेत्ता आसतोसत्तं  
जाव धूवं दलयइ दलयित्ता-जेणेव दाहिणिंलस्स मुहमंडवस्स उत्तरिल्ले खंभेयं तेणेव उवागच्छइ  
उवागच्छिता लोमहत्थं परामुसइ परामुसित्ता खंभे य सालभंजियाओ य वालरूवए य लोमहत्थेणं  
पमज्जइ पमज्जित्ता जहा चेव पच्चत्थिमिल्लस्स दारस्स जाव धूवं दलयइ दलयित्ता-जेणेव दाहिणिंलस्स  
मुहमंडवस्स पुरत्थिमिल्ले दारे तेणेव उवागच्छइ उवागच्छिता लोमहत्थगं परामुसित्ता दारचेडाओ य  
सालभंजियाओ य वालरूवए य लोमहत्थेणं पमज्जइ पमज्जित्ता तं चेव सव्वं

जेणेव दाहिणिंलस्स मुहमंडवस्स दाहिणिंले दारे तेणेव उवागच्छइ उवागच्छिता दारचेडाओ  
य सालभंजियाओ य वालरूवए य लोमहत्थेणं पमज्जइ पमज्जित्ता तं चेव सव्वं जेणेव दाहिणिंले पेच्छ-  
घरमंडवे जेणेव दाहिणिंलस्स पेच्छाघरमंडवस्स बहुमज्झदेसभागे जेणेव वइरामए अक्खाडए जेणेव  
मणिपेढिया जेणेव सीहासणे तेणेव उवागच्छइ उवागच्छिता लोमहत्थगं परामुसइ परामुसित्ता  
अक्खाडगं च मणिपेढियं च सीहासणं च लोमहत्थेणं पमज्जइ पमज्जित्ता दिव्वाए दगधाराए अब्भु-  
क्खेइ अब्भुक्खेत्ता सरसेणं गोसीसचंदणेणं चछए दलयइ दलयित्ता पुष्फारुहणं आसतो सत्तं जाव  
धूवं दलयइ दलइत्ता-जेणेव दाहिणिंलस्स पेच्छाघरमंडवस्स पच्चत्थिमिल्ले दारे [तेणेव उवागच्छइ  
उवागच्छिता तं चेव जेणेव दाहिणिंलस्स पेच्छाघरमंडवस्स उत्तरिल्ले दारे तेणेव उवागच्छइ उवा-

गच्छिता तं चेव जेणेव दाहिणिस्स पेच्छाघरमंडवस्स पुरत्थिमिल्ले दारे तेणेव उवागच्छइ उवा-  
गच्छिता तं चेव जेणेव दाहिणिस्स पेच्छाघरमंडवस्स दाहिणिस्से दारे तेणेव उवागच्छइ उवा-  
गच्छिता] तं चेव जेणेव दाहिणिस्से चेइयथूमे तेणेव उवागच्छइ उवागच्छिता जाव थूभं च मणिपेढियं  
च दिव्वाए दगधारए अब्भुक्खेइ अब्भुक्खेत्ता सरसेणं गोसीसचंदणेणं चच्चए दलयइ दलयित्ता  
पुप्फारुहणं आसत्तोसत्त जाव धूवं धलयइ दलयित्ता-जेणेव पच्चत्थिमिल्ला मणिपेढिया जेणेव  
पच्चत्थिमिल्ला जिनपडिमा तेणेव उवागच्छइ उवागच्छिता जिनपडिमाए आलोए पणामं कोइ कोत्ता  
तं चेव जेणेव उत्तरिल्ला मणिपेढिया जेणेव उत्तरिल्ला जिनपडिमा तेणेव उवागच्छइ उवागच्छिता तं  
चेव सव्वं जेणे पुरत्थिमिल्ला मणिपेढिया जेणेव पुरत्थिमिल्ला जिनपडिमा तेणेव उवागच्छइ  
उवागच्छिता तं चेव जेणे दाहिणिस्स मणिपेढिया जेणेव दाहिणिस्स जिनपडिमा तेणेव उवागच्छइ  
उवागच्छिता तं चेव सव्वं जेणेव दाहिणिस्से चेइयथूमे तेणेव उवागच्छइ उवागच्छिता लोमहत्थयं  
परामुसइ परामुसित्ता चेइयथूमे च मणिपेढियं च लोमहत्थएणं पमज्जइ पमजित्ता तं चेव जेणेव  
दाहिणिस्से महिंदज्जाए तेणेव उवागच्छइ उवागच्छिता लोमहत्थयं परामुसइ परामुसित्ता महिंदज्जयं  
च मणिपेढियं च लोमहत्थएणं पमज्जइ पमजित्ता तं चेव सव्वं

जेणेव दाहिणिस्स नंदापुक्खरिणी तेणेव उवागच्छइ उवागच्छिता लोमहत्थयं परामुसति  
परामुसित्ता तोरणे य तिसोवाणपडिरूवअए य सालभंजियाओ य बालरूवए य लोमहत्थएणं पमज्जइ  
पमजित्ता दिव्वाए दगधारए अब्भुक्खेइ अब्भुक्खेत्ता सरसेणं गोसीसचंदणेणं चच्चए दलयइ  
दलयित्ता पुप्फारुहणं जाव आभरणारुहणं कोइ कोत्ता आसत्तोसत्तविउलवइवाधारियमल्लदाम-  
कलावं कोइ कोत्ता कयगहगहियकरयलपट्ठइविप्पमुक्कणं दसद्ववण्णेणं कुसुमेणं पुप्फपुंजो-  
ववारकलियं कोइ कोत्ता धूवं दलयति दलित्ता-सिद्धाधत्तणं अनुपयाहिणीकरेमाणे जेणेव उत्तरिल्ला  
नंदापुक्खरिणी तेणेव उवागच्छति उवागच्छिता तं चेव जेणेव उत्तरिल्ले महिंदज्जाए तेणेव उवागच्छइ  
उवागच्छिता जेणेव उत्तरिल्लेचेइयथूमे तेणेव उवागच्छइ उवागच्छिता जेणेव उत्तरिल्ले चेइयथूमे  
तेणेव उवागच्छइ उवागच्छिता जेणेव पच्चत्थिमिल्ला मणिपेढिया जेणेव पच्चत्थिमिल्ला जिनपडिमा  
तेणेव उवागच्छइ उवागच्छिता तं चेव जेणेव उत्तरिल्ला मणिपेढिया जेणेव उत्तरिल्ला जिनपडिमा  
तेणेव उवागच्छइ उवागच्छिता तं चेव जेणेव पुरत्थिमिल्ला मणिपेढिया जेणेव पुरत्थिमिल्ला जिन-  
पडिमा तेणेव उवागच्छइ उवागच्छिता तं चेव जेणेव दाहिणिस्स मणिपेढिया जेणेव दाहिणिस्स  
जिनपडिमा तेणेव उवागच्छइ उवागच्छिता तं चेव जेणेव उत्तरिल्ले पेच्छाघरमंडवे जेणेव उत्तरिल्लस्स  
पेच्छाघरमंडवस्स बहुमज्जदेसभागे जेणेव वइरामए अक्खाइए जेणेव मणिपेढिया जेणेव सीहासणे  
तेणेव उवागच्छइ उवागच्छिता जा चेव दाहिणिस्से वत्तव्वया सा चेव सव्वा

जेणेव उत्तरिल्लस्स पेच्छाघरमंडवस्स पच्चत्थिमिल्ले दारे तेणेव उवागच्छइ उवागच्छिता  
जेणेव उत्तरिल्लस्स पेच्छाघरमंडवस्स उत्तरिल्ले दारे तेणेव उवागच्छइ उवागच्छिता जेणेव उत्तरिल्लस्स  
पेच्छाघरमंडवस्स पुरत्थिमिल्ले दारे तेणेव उवागच्छइ उवागच्छिता जेणेव उत्तरिल्लस्स पेच्छाघर-  
मंडवस्स दाहिणिस्स खंभपंति तेणेव उवागच्छइ उवागच्छिता जेणेव उत्तरिल्लस्स दारे मुहमंडवे जेणेव  
उत्तरिल्लस्स मुहमंडवस्स बहुमज्जदेसभागे तेणेव उवागच्छइ उवागच्छिता जेणेव उत्तरिल्ले मुहमं-  
डवस्स पच्चत्थिमिल्ले दारे तेणेव उवागच्छइ उवागच्छिता जेणेव उत्तरिल्लस्स मुहमंडवस्स उत्तरिल्ले दारे  
तेणेव उवागच्छइ उवागच्छिता जेणेव उत्तरिल्लस्स मुहमंडवस्स पुरत्थिमिल्ले दारे तेणेव उवागच्छइ

उवागच्छिता जेणेव उत्तरिल्लस्स मुहमंडवस्स दाहिणिल्लस्स खंभपंती तेणेव उवागच्छइ उवागच्छिता जेणेव सिद्धायतणस्स उत्तरिल्ले दारे तेणेव उवागच्छइ उवागच्छिता तं चेव जेणेव सिद्धायतणस्स पुरत्थिमिल्ले दारे तेणेव उवागच्छइ उवागच्छिता जेणेव पुरत्थिमिल्ले दारे मुहमंडवे जेणेव पुरत्थिमिल्लस्स मुहमंडवस्स बहुमज्झदेसभागे तेणेव उवागच्छइ उवागच्छिता जेणेव पुरत्थिमिल्ले मुहमंडवस्स दाहिणिल्ले पच्चत्थिमल्ल खंभपंती उत्तरिल्ले दारे तं चेव पुरत्थिमिल्ले दारे तं चेव जेणेव पुरत्थिमिल्लस्स पेच्चशघर मंडवे एवं धूमे जिनपडिमाओ चेइयत्तकूखा महिंदज्झया नंदापुक्खरिणी तं चेव जाव धूवं दलयइ दलयिता-जेणेव मणिपेढिया जेणेव सीहासणे [तेणेव उवागच्छइ उवागच्छिता लोमहत्थयं परामुसइ परामुसिता मणिपेढियं च सीहासणं च लोमहत्थएणं पमज्झइ पमज्झिता] तं चेव जेणेव मणिपेढिया जेणेव देवसयणिज्जे [तेणेव उवागच्छइ उवागच्छिता लोमहत्थयं परामुसइ परामुसिता मणिपेढियं च देवसयणिज्जं च लोमहत्थएणं पमज्झइ पमज्झिता] तं चेव जेणेव मणिपेढिया जेणेव खुड्ढागमहिंदज्झए [तेणेव उवागच्छइ उवागच्छिता लोमहत्थयं परामुसइ परामुसिता मणिपेढियं च खुड्ढागमहिंदज्झयं च लोमहत्थएणं पमज्झइ पमज्झिता] तं चेव जेणेव पहरणकोसे चोप्पालए तेणेव उवागच्छइ उवागच्छिता लोमहत्थयं परामुसइ परामुसिता फलिहरयणपामोक्खाइं पहरणरयणाइं लोमहत्थएणं पमज्झइ पमज्झिता दिव्वाए दगधाराए अत्तमुक्खेइ अवअभुक्खेता सरसेणं गोसीसयंदणेणं चच्चए दलयइ दलयिता पुप्फारुहणं [जाव आभरणाहरुणं आसत्तोसतविउलवट्टवाधारियमल्लदामकलावं करेइ करेता कयगहगहियकरयलपट्ठइविष्णमुक्केणं दसद्धवण्णेणं कुसुमेणं पुप्फपुंजोवयारकलियं करेइ करेता] धूवं दलयइ दलयिता-

जेणेव सभाए सुहम्माए बहुमज्झदेसभाए तेणेव उवागच्छइ उवागच्छिता जाव धूवं दलयइ दलयिता-जेणेव सभाए सुहम्माए दाहिणिल्ले दारे [तेणेव उवागच्छइ उवागच्छिता सभं सुहमं अनुपयाहिणीकरेमाणे जेणेव उत्तरिल्ल नंदा पुक्खरिणी तेणेव उवागच्छइ उवागच्छिता जेणेव सभाए सुहम्माए उत्तरिल्ले दारे तेणेव उवागच्छइ उवागच्छिता जेणेव सभाए सुहम्माए पुरत्थिमिल्ले दारे तेणेव उवागच्छइ उवागच्छिता जेणेव उववायसभा तेणेव उवागच्छइ उवागच्छिता उववायसभं पुरत्थिमिल्लेणं दारेणं अनुपविसइ अनुपविसिता जेणेव मणिपेढिया जेणेव देवसयणिज्जे तेणेव उवागच्छइ उवागच्छिता लोमहत्थयं परामुसइ परामुसिता मणिपेढियं च देवसयणिज्जं च लोमहत्थएणं पमज्झइ पमज्झिता जेणेव उववायसभाए बहुमज्झदेसभाए तेणेव उवागच्छइ उवागच्छिता जेणेव उववायसभाए दाहिणिल्ले दारे तेणेव उवागच्छइ उवागच्छिता उववायसभं अनुपयाहिणीकरेमाणे जेणेव उत्तरिल्ल नंदा पुक्खरिणी तेणेव उवागच्छइ उवागच्छिता जेणेव उववायसभाए उत्तरिल्ले दारे तेणेव उवागच्छइ उवागच्छिता जेणेव उववायसभाए पुरत्थिमिल्ले दारे तेणेव उवागच्छइ उवागच्छिता-जेणेव हरए तेणेव उवागच्छइ उवागच्छिता लोमहत्थयं परामुसइ परामुसिता तोरणे य तिसोवाणपडिरुवए य सालभंजिवाओ य बालरुवए य लोमहत्थएणं पमज्झइ पमज्झिता जेणेव अभिसेयसभा तेणेव उवागच्छइ उवागच्छिता अभिसेयसभं पुरत्थिमिल्लेणं दारेणं अनुपविसइ अनुपविसिता जेणेव मणिपेढिया जेणेव सीहासणे तेणेव उवागच्छइ उवागच्छिता लोमहत्थयं परामुसइ परामुसिता मणिपेढियं च सीहासणं च लोमहत्थएणं पमज्झइ पमज्झिता जेणेव अभिसेयभंडे तेणेव उवागच्छइ उवागच्छिता लोमहत्थयं परामुसइ परामुसिता अभिसेयभंडं लोमहत्थएणं पमज्झइ पमज्झिता -

जेणेव अभिसेयसभाए बहुमज्झदेसभाए तेणेव उवागच्छइ उवागच्छिता जेणेव अभिसेय-  
सभाए दाहिणिछे दारे तेणेव उवागच्छइ उवागच्छिता-अभिसेयसभं अनुपयाहिणीकरेमाणे जेणेव  
उत्तरिल्ला नंदा पुक्खरिणी तेणेव उवागच्छइ उवागच्छिता-जेणेव अभिसेयसभाए उत्तरिल्ले दारे तेणेव  
उवागच्छइ उवागच्छिता जेणेव अभिसेयसभाए पुरत्यमिल्ले दारे तेणेव उवागच्छइ उवागच्छिता-  
जेणेव अलंकारियसभा तेणेव उवागच्छइ उवागच्छिता अलंकारियसभं पुरत्यमिल्लेणं दारेणं  
अनुपविसइ अनुपविसिता जेणेव मणिपेढिया जेणेव सीहासणे तेणेव उवागच्छइ उवागच्छिता  
लोमहत्थगं परामुसइ परामुसिता मणिपेढियं च सीहासणं च लोमहत्थएणं पमज्झइ पमज्झिता जेणेव  
अलंकारियभंडे तेणेव उवागच्छइ उवागच्छिता लोमहत्थगं परामुसइ परामुसिता अलंकारियभंडं  
लोमहत्थएणं पमज्झइ पमज्झिता जेणेव अलंकारियभंडे तेणेव उवागच्छइ उवागच्छिता लोमहत्थगं  
परामुसइ परामुस्ता अलंकारियभंडं लोमहत्थएणं पमज्झइ पमज्झिता जेणेव अलंकारियसभाए बहु-  
मज्झदेसभाए तेणेव उवागच्छइ उवागच्छिता जेणेव अलंकारियसभाए दाहिणिछे दारे तेणेव  
उवागच्छइ उवागच्छिता-अलंकारियसभं अनुपयाहिणीकरेमाणे जेणेव उत्तरिल्ला नंदा पुक्खरिणी  
तेणेव उवागच्छइ उवागच्छिता जेणेव अलंकारियसभाए उत्तरिल्ले दारे तेणेव उवागच्छइ उवाग-  
च्छिता जेणेव अलंकारियसभाए पुरत्यमिल्ले दारे तेणेव उवागच्छइ उवागच्छिता जेणेव ववसा-  
यसभा तेणेव उवागच्छइ उवागच्छिता ववसायसभं पुरत्यमिल्लेणं दारेणं अनुपविसइ अनुपविसिता  
जेणेव पोत्थयरथणे तेणेव उवागच्छइ उवागच्छिता लोमहत्थगं परामुसइ परामुसिता पोत्थयरथणं  
लोमहत्थएणं पमज्झइ पमज्झिता दिव्वाए दग्धाराए अब्बुक्खेइ अब्बुक्खेत्ता सरसेणं गोसीसचंदणेणं  
चच्चए दलइत्त दलइत्ता अग्गेहिं वरेहिं च गंधेहिं मल्लेहिं य अच्चेइ अच्चेत्ता पुप्फारुहणं

जेणेव मणिपेढिया जेणेव सीहासणे तेणेव उवागच्छइ उवागच्छिता लोमहत्थगं परामुसइ  
परामुसिता मणिपेढियं च सीहासणं च लोमहत्थएणं पमज्झइ पमज्झिता जेणेव ववसायसभाए बहु-  
मज्झदेसभाए तेणेव उवागच्छइ उवागच्छिता जेणेव ववसायसभाए दाहिणिछे दारे तेणेव उवा-  
गच्छइ उवागच्छिता-ववसायसभं अनुपयाहिणीकरेमाणे जेणेव उत्तरिल्ला नंदा पुक्खरिणी तेणेव  
उवागच्छइ उवागच्छिता जेणेव ववसायसभाए उत्तरिल्ले दारे तेणेव उवागच्छइ उवागच्छिता जेणेव  
ववसायसभाए पुरत्यमिल्ले दारे तेणेव उवागच्छइ उवागच्छिता जेणेव बलिपीढे तेणेव उवागच्छइ  
उवागच्छिता बलिविसज्जणं करेइ करेत्ता आभिओगिए देवे सद्दावेइ सद्दावेत्ता एवं वयासी-खिप्पा-  
मेव भो देवाणुप्पिया सूरियाभे विमाणे सिंघाडएसु तिएसु चउक्कएसु चच्चरेसु चउम्मुहेसु महापहपहेसु  
पागारेसु अट्टालएसु चरियासु दारेसु गोपुरेसु तोरणेसु आरामेसु उज्जाणेसु काननेसु वनेसु यनसंडेसु  
वणराईसु अच्चणियं करेह करेत्ता

एयमाणत्तियं खिप्पामेव पच्चप्पिणह तए णं ते आभिओगिया देवा सूरियाभेणं देवेणं एवं  
वृत्ता समाणा जाव पडिसुणेत्ता सूरियाभे विमाणे सिंघाडएसु तिएसु चउक्कएसु चच्चरेसु चउम्मुहेसु  
महापहपहेसु पागारेसु अट्टालएसु चरियासु दारेसु गोपुरेसु तोरणेसु आरामेसु उज्जाणेसु काननेसु  
वनेसु यनसंडेसु वनराईसु अच्चणियकरेत्ति करेत्ता जेणेव सूरियाभे देवे जाव पच्चप्पिणंति तए णं से  
सूरियाभे देवे जेणेव नंदा पुक्खरिणी तेणेव उवागच्छइ उवागच्छिता नंदं पुक्खरिणि पुरत्यमिल्लेणं  
तिसोमाणपडिरूवएणं पच्चोरुहति पच्चोरुहत्ता हत्थपाए पक्खालेइ पक्खालेत्ता नंदाओ पुक्ख-  
रिणीओ पच्चुत्तरेनइ पच्चुत्तरेत्ता जेणेव सभा सुधम्मा तेणेव पहारेत्थ गमणाए तए णं से सूरियाभे देवे

चउहिं सामाणियसाहस्सीहिं जाव सोलसहिं आयरक्खदेवसाहस्सीहिं अण्णेहिं य दहूहिं सूरिया-  
भविमाणवासीहिं वेमाणिएहिं देवेहिं य देवीहि य एद्धिं संपरिवुडे सच्चिइदीए जाव नाइयरवेणं  
जेणेव सभा सुहम्मा तेणेव उवागच्छइ उवागच्छिता सभं सुहम्पं पुरत्यमिल्लेणं दारेणं अनुपविसति  
अनुपविसिता जेणेव सीहासणे तेणेव उवागच्छइ उवागच्छिता सीहासणवरगए पुरत्याभिमुहे  
सण्णिसण्णे।४४।-४४

(४५) तए णं तस्स सूरियाभस्स देवस्स अवरुत्तरेणं उत्तरेणं उत्तरपुरत्यमिल्लेणं चत्तारि  
सामाणियसाहस्सीओ चउसु भद्दासणसाहस्सीसु निसीयंति तए णं तस्स सूरियाभस्स देवस्स  
पुरत्यमेणं चत्तारि अगमहिंसीओ चउसु भद्दासणेसु निसीयंति तए णं तस्स सूरियाभस्स देवस्स  
दाहिणपुरत्यमेणं अभितरियाए परिसाए अट्ठ देवसाहस्सीओ अट्ठसु भद्दासणसाहस्सीसु निसीयंति  
तए णं तस्स सूरियाभस्स देवस्स दाहिणेणं मज्झिमाए परिसाए दस देवसाहस्सीओ दसहिं भद्दा-  
सणसाहस्सीहिं निसीयंति तए णं तस्स सूरियाभस्स देवस्स दाहिणपच्चत्यमेणं बाहिरियाए परिसाए  
वारस देवसाहस्सीतो वारसाहिं भद्दासणसाहस्सीहिं निसीयंति तए णं तस्स सूरियाभस्स देवस्स  
पच्चत्यमेणं सत्त अणियाहिंवड्ढो सत्तहिं भद्दासणेहिं निसीयंति तए णं तस्स सूरियाभस्स देवस्स  
चउहिंसिं सोलस आयरक्खदेवसाहस्सीओ सोलसहिं भद्दासणसाहस्सीहिं निसीयंति तं जहा-पुरत्यि-  
मिल्लेणं चत्तारि साहस्सीओ दाहिणेणं चत्तारि साहस्सीओ पच्चत्यमेणं चत्तारि साहस्सीओ उत्तरेणं  
चत्तारि साहस्सीओ ते णं आयरक्खा सण्णन्द-वन्द-वम्मियकवया उप्पोलियसरासणपट्टिया पिण्ड-  
गेयिजा आविद्ध-विमल-वरचिंधपट्टा गहियाउहपहरणा ति-नयाणि ति-संधीणि वयरामच-कोडीणि  
घणूइं पणिज्झ परिचाइय-क्रंडकलावा नीलपाणिणो पीतपाणिणो रत्तपाणिणो चावपाणिणो चारुपा-  
णिणो चम्पपाणिणो दंडपाणिणो खगपाणिणो पासपाणिणो नील-पीय-रत्त-चाव-चारु-चम्प-दंड-  
खग-पासधरा आयरक्खा रक्खोवगा गुत्ता गुत्तपालिया जुत्ता जुत्त-पालिया पत्तेयं-पत्तेयं समवओ  
विनचओ किंकरभूया इव चिद्धंति।४५।-४५

(४६) सूरियाभस्स णं भंते देवरस केवइयं कालं ठिई पत्रत्ता गोयमा चत्तारि पलिओवमाइं  
ठिई पत्रत्ता सूरियाभस्स णं भंते देवस्स सामाणियपरिसोववण्णगाणं देवाणं केवइयं कालं ठिई पत्रत्ता  
गोयमा चत्तारि पलिओवमाइं ठिई पत्रत्ता एमहिइदीए एमहजुईए एमहब्बले एमहायसे एमासोक्खे  
एमहाणुभागे सूरियाभे देवे अहो णं भंते सूरियाभे देवे महिइदीए !महजुईए महब्बले महायसे  
महासोक्खे] महाणुभागे।४६।-४६

(४७) सूरियाभेणं भंते देवेणं सा दिव्वादेविद्धिं सा दिव्वादेवजुई से दिव्वेदेवाणुभागे-किण्णा  
लद्धे किण्णा पत्ते किण्णा अभिसमण्णागए पुव्वभवे के आसी किणामए वा को वा गोत्तेणं कयंसि  
वा गमंसि वा नगरंसि वा निगमंसि वा रायहाणीए वा खेडंसि वा कव्वडंसि वा मडंबंसि वा पट्टणंसि  
वा दोणमुहंसि वा आगरंसि वा आसमंसि वा संबाहंसि वा सण्णिवेसंसि वा किं वा दद्या किं वा भोच्चा  
किं वा किच्चा किं वा समायरिता कस्स वा तहारुवस्स समणस्स वा माहणस्स वा अंतिए एगमवि  
आरिवं धम्मियं सुवयणं सोच्चा निसम्म जण्णं सूरियाभेणं देवेणं सा दिव्वा देविद्धी [सा दिव्वा देवजुई  
से दिव्वे] देवाणुभागे लद्धे पत्ते अभिसमण्णागए।४७।-४७

(४८) गोयमाति समणे भगवं महावीरे भगवं गोयमं आमंतेता एवं बयासी-एवं खलु गोयमा तेणं कालेणं तेणं समएणं इहेव जंबुद्वीवे दीवे भारहे वासे कैयइ-अद्धे नामं जणवए होत्या-रिद्ध-त्थिमियसमिद्धे पासादीए [दरिसणिजे अभीरूवे] पडिरूवे तत्थ णं कंडइ-अद्धे जणवए सेयविया नामं नगरी होत्या-रिद्ध-त्थिमिय-समिद्धा जाव पडिरूवा तीसे णं सेयवियाए नगरी बहिया उत्तरपुरत्थिमे दिसिभागे एत्थ णं भिगवणे नामं उज्जाणे होत्या-रम्मे नंदनवनप्पगासे सव्वोउय-पुप्फ-फलसमिद्धे सुभसुरभिसीयलाए छायाए सव्वओ चेव समणुबद्धे पासादीए [दरिसणिजे अभीरूवे] पडिरूवे तत्थ णं सेयवियाए नगरीए पएसी नामं राया होत्या-महयाहिमवंत-[महंत-मलय-मंदर-महिंदसारे अद्यंतवि-सुद्ध-दीहरायकुल-वंससुप्पसूए निरंतरं रायलक्खण-विराड्यंगमंगे बहुजणबहुमाणपूइए सव्वगुण-समिद्धे खत्तिए मुइए मुद्धाहिसिते भाउपिउसुजाए दयपत्ते सीमंकरे सीमंधरे खेमंकरे खेमंधरे मणुसिंदे जणवयपिया जणवयपाले जणवयपुरोहिए सेउडकरे केउकरे नरपवरे पुरिसवरे पुरिससीहे पुरसवये पुरिससासीविसे पुरिसपुंडरीए पुरिसवरगंधहत्थी अड्ढे दित्ते वित्ते विच्छिन्न-विउल-मवण-सयणासण-जाण-वाहणाइण्णे बहुधण-बहुजायरूवरयए आओगपओगसंपउत्ते विच्छडिय-पउरभत्तपाणे बहुदासी-दास-गो-महिस-गवेलगप्पभूए पडिपुण्ण-जंत-कोस-कोट्टगारा-उधागारे बलवं दुब्बलपद्दामिते-ओहयकंटयं निहयकंटयं मलियकंटयं उड्डियकंटयं अकंटयं ओहयसत्तुं निहयसत्तुं मलियसत्तुं उड्डियसत्तुं निजियसत्तुं पराडसत्तुं ववगयदुब्बिक्खं मारियभय-विप्पमुक्कं खेमं सिवं सुभिक्षं पसंतडिंबडमरं रजं पसासेमाणे, विहरइ अधम्मिए अधम्मिद्धे अध-म्मक्खाई अधम्माणुए अधम्मपलोई अधम्मपलज्जणे अधम्मसीलसमुयाचारे अधम्मेणं चेव वित्तिं कप्पेमाणे हण-छिंद-भिंद-पवत्तए लोहियपाणी पाये चंडे रुद्धे खुद्धे साहस्सीए उक्कंवण-यंचण-माया-नियडि-कूड-कूवड-दुप्पय-चउप्पय-मिय-पसु-पक्खि-सरिसिवाणं घायाए बहाए उच्चायण-वाए अधम्मकेऊ समुट्ठिए गुरुणं नो अब्भुद्धेइ नो विणयं पउंजइ समण-माहणाणं नो अब्भुद्धेइ नो विणयं पउंजइ सयस्स वियं णं जणवयस्स नो सम्पं करमरवित्तिं पवत्तेइ। ४८।-४८

(४९) तस्स णं पएसिस्स रण्णे सूरियकंता नामं देवी होत्या-सुकुमालपाणिपाया [अहीण-पडिपुण्णपंचिंदियसरीरा लक्खणवंजणगुणोबवेया माणुम्माणप्पमाणपडिपुत्रसुजायसव्वंगसुंदरंगी ससिसोमाकारकंतपियदंसणा सुरूवा करयलपरिमियपसत्थतिवलीवलियमज्झा कुंडलुल्लिहियगंड-लेहा कोमुइरयणियरविमलपडिपुत्रसोमवयणा सिंगारगार चारुवेसा संगय-गय-हसिय-भणिय-विहिय-विलास-सललिय-संलाय-निउणजुतोवयारकुसला पासादीया दरिसणिजा अभीरूवा पडि-रूवा] पएणिणा रण्णा सद्धिं अनुरत्ता अविरत्ता इद्धे सह-[फरिस-रस-रुव-गंधे पंचविहे माणुस्सए कामभोगे पच्चणुभवमाणी] विहरइ। ४९।-४९

(५०) तस्स णं पएसिस्स रण्णे जेद्धे पुत्ते सूरियकंताए देवीए अतए सूरियकंते नामं कुमारे होत्या-सुकुमालपाणिपाए जाव सुरूवे पडिरूवे से णं सूरियकंते कुमारे जुवराया वि होत्या पएसिस्स रण्णो रजं च रद्धं च बलं च वाहणं च कोसं च कोट्टारं च पुरं च अंतेउरं च सयमेव पच्चवेक्खमाणे पच्चवेक्खमाणे विहरइ। ५०।-५०

(५१) तस्स णं पएसिस्स रण्णे जेद्धे भाउय-वयंसए वित्ते नामं सारही होत्या-अड्ढे [दित्ते वित्ते विच्छिण्ण-विउल-मवण-सयणासण-जाण-वाहणाइण्णे] बहुजणस्स अपरिभूए साम-दंड-भेय-उवप्पचाण-अत्थसत्थ-ईहामइचिसारए उप्पत्तियाए वेणत्तिचाए कम्मचाए पारिणामियाए-चउ-

बिहाए बुद्धीए उववेए पएसिस्स रण्णो बहुसु कजेसु य कारणेसु य कुडुंबेसु य मंतेसु य रहस्सेसु य गुज्जेसु य सावत्थीरहस्सेसु य निच्छएसु य ववहारेसु य आपुच्छणिजे पडिपुच्छणिजे मेढी पमाणं आहारे आलंबणं चक्खु मेढिभूए पमाणभूए आहारभूए आलंबणभूए चक्खुभूए सव्वङ्गाण-सव्वभू-मियासु लद्धपद्मए विदिनविचारे रत्नधुराचितए आवि होत्था ॥५१॥

(५२) तेणं कालेणं तेणं समएणं कुणाला नामं जणवए होत्था-रिद्ध-स्थिमियसमिद्धे तत्थ णं कुणालाए जणवए सावत्थी नामं नयरी होत्था-रिद्ध-स्थिमियसमिद्धा जाव पडिस्सुवा तीसे णं सावत्थीए नयरीए बहिया उत्तरपुरत्थिमे दिसीभाए कोट्टए नामं वेइए होत्था-पोराणे जाव पासादीए तत्थ णं सावत्थीए नयरीए पएसिस्स रण्णो अंतेवासी जियसत्तु नामं राया होत्था-महयाहिमवंत-जाव रज्जं पसासेमाणे विहरइ तए णं से पएसी राया अनया कयाइ महत्थं महत्थं महरिहं विउलं रायारिहं पाहुडं सज्जावेइ सज्जावेत्ता चित्तं सारहिं सद्दावेइ सद्दावेत्ता एवं वयासी-गच्छ णं चित्ता तुणं सावत्थि नगरिं जियसत्तुस्स रण्णो इमं महत्थं जाव पाहुडं उवणेहि जाइ तत्थ रायकज्जाणि य राय- किट्ठाणि य रायणीईओ य रायववहारा य ताई जियसत्तुणा सद्धि सयमेव पच्चुवेक्खमाणे विहराहि ति कट्ठ विसज्जिए तए णं से चित्ते सारही पएसिणा रण्णा एवं वुत्ते समाणे हट्ठ जाव पडिसुणेत्ता तं [महत्थं महत्थं महरिहं विउलं रायारिहं] पाहुडं गेण्हइ गेण्हित्ता पएसिस्स रण्णो अंतियाओ पडिनिक्खभइ पडिनिक्खमिता सेयवियं नगरिं मज्झमज्झेणं जेणेव तए गिहे तेणेव उवागच्छति उवागच्छित्ता तं महत्थं जाव पाहुडं ठवेइ ठवेत्ता कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया सच्छत्तं [सज्झयं सघटं सपडागं सतोरणवरं सनंदिधोसं सखिखिणि-हेमजालपरिखित्तं हेमवय-चित्त-विचित्त-तिणिस-कणगणिज्जुत्तदारुययं सुसंपिण्डारकमंडलधुरागं कालायसुकणे-मिजंतकम्मं आइणवरतुरगसुसंपउत्तं कुसलनारच्छेयसारहिमुसं- परिगहियं सरसववतीसतोण-परिमंडियं सकंकडावयंसगं सचाव-सर-पहरण-आवरण भरियोजहज्जुसज्जं] चाउग्घंटं आसरहं जुत्तामेव उवट्ठवेह [उवट्ठवेत्ता एयमाणत्तियं] पच्चप्पिणह

तए णं ते कोडुंबियपुरिसा तहेव पडिसुणिता खिप्पामेव सच्छत्तं जाव जुद्धसज्जं चाउग्घंटं आसरहं जुत्तामेव उवट्ठवेत्ते उवट्ठवेत्ता तमाणत्तियं पच्चप्पिणत्तियं तए णं से चित्ते सारही कोडुंबियपुरिसाणं अंतिए एयमड्डं [लोद्धा निसम्म हट्ठतुट्ठ-चित्तमाणंदिए पीइमणे परमसोमणस्सिए हरिसवस-विसप्पमाणा] हियाए पहाए कयबलिकम्मे कयकोउय-मंगलपायच्छित्ते सण्णद्ध-बद्ध-वम्मियकवए उप्पीलिय-सारासण-पट्टिए पिण्डुगेविज्जविमल-वरचिंधपट्टे गहियाउहपहरणे तं महत्थं [महत्थं महरिहं विउलं रायारिहं] पाहुडं गेण्हइ गेण्हित्ता जेणेव चाउग्घंटं आसरहे तेणेव उवागच्छइ उवागच्छित्ता चाउग्घंटं आसरहं दुरुहेति दुरुहेत्ता बहुहिं पुरिसेहिं सण्णद्ध- [बद्ध-वम्मियकवए उप्पीलिय-सारासणपट्टिए पिण्डुगे- विज्जविमल-वरचिंधपट्टे] गहियाउहपहरणेहिं सद्धि संपरिवुडे सको-रेंटमल्लदामेणं छतेणं धरेज्जमाणेणं-धरेज्जमाणेणं महया भड-चडगर-रहपहकर-विंदपरिक्खित्ते साओ गिहाओ निग्गच्छइ सेयवियं नगरिं मज्झमज्झेणं निग्गच्छइ सुहेहिं वासेहिं पायरासेहिं नाइविकिट्ठेहिं अंतरा वासेहिं वसमाणे-वसमाणे केयइ-अद्धस्स जणवयस्स मज्झमज्झेणं जेणेव कुणालाजणवए जेणेव सावत्थी नयरी तेणेव उवागच्छइ-

सावत्थीए नयरीए मज्झमज्झेणं अनुपविसइ जेणेव जियसत्तुस्स रण्णो गिहे जेणेव वाहिरिया उवट्ठाणसाला तेणेव उवागच्छइ तुरए निगिण्हइ रहं ठवेत्ति रहाओ पच्चोरुहइ तं महत्थं जाव

पाहुडं गिण्हइ जेणेव अक्खितरिया उवट्ठाणसाला जेणेव जियसत्तू राया तेणेव उवागच्छइ जियसत्तू रायं करयत्तपरिगहियं जाव वट्ठावेइ तं महत्तं जाव पाहुडं उदणेइ तए णं से जियसत्तू राया चित्तस्स सारहिस्स तं महत्तं जाव पाहुडं पडिच्छइ चित्तं सारहिं सक्कारेइ सम्माणेइ पडिविसज्जेइ रायमग्ग-मोगाढं च से वाआसं दलयइ तए णं से चित्ते सारही विसज्जिते समाणे जियसत्तुस्स रण्णो अंतियाओ पडिनिक्खमइ जेणेव बाहिरिया उवट्ठाणसाला जेणेव चाउग्घंटे आ- सरहे तेणेव उवागच्छइ चा-उग्घंटं आसरहं दुरुहइ सावत्थिं नगरं मज्झिमज्झेणं जेणेव रायमग्गमोगाढे आवासे तेणेव उवा-गच्छइ तुरए निगिण्हइ रहं ठवेइ रहओ पच्चोरुहइ ण्हाए कयवलिकम्मे कयकोउय-मंगल-पायच्छित्ते सुद्धप्पावेसाइ मंगल्लाइ वत्थाइ पवरपरिहिते अप्पमहग्गधारभणालंकिए जिमियभुत्तुतरागए वि य णं समाणे पुव्वावरण्हकालसमयंसि गंधव्वेहिं य नाडगेहिं य उवनच्चिज्ज- माणे उवगाइज्जमाणे उवलालिज्जमाणे इहे सट्ठ- [फरिस-रस-रूव-गंधे] पंचविहे माणुस्सए कामभोए पच्चणुभवमाणे विहरइ

1५२1-52

(५३) तेणं कालेणं तेणं समएणं पासावच्चिज्जे केसी नाम कुमार-समणे जातिसंपन्ने कुल-संपन्ने ववसंपन्ने रुवसंपन्ने विनयसंपन्ने नाणसंपन्ने दंसणसंपन्ने चरित्तसंपन्ने लज्जासंपन्ने लाघवसंपन्ने ओयंसी तेयंसी वच्चंसी जसंसी जियकोहे जियमाणे जियमाए जियलोहे जियनिहे जित्तिदिए जियपरीसहे जिवियासमरणभयविष्मुक्के तवप्पहाणे गुणप्पहाणे करणप्पहाणे चरणप्पहाणे निग्गहप्पहाणे निच्छयप्पहाणे अज्रवप्पहाणे मद्दवुपहाणे लाघवप्पहाणे खंतिप्पहाणे गुत्तिप्पहाणे मुत्तिप्पहाणे विज्जप्पहाणे मंतप्पहाणे बंभप्पहाणे वेयप्पहाणे नयप्पहाणे नियमप्पहाणे सच्चप्पहाणे सोयप्पहाणे नाणप्पहाणे दंसणप्पहाणे चरित्तप्पहाणे ओराले [धोरे घोरगुणे घोरतवस्सी घोरबंभ-घेरवासी उच्छुद्धसरीरे संखित विपुलतेयत्तेस्से] चउदसपुव्वी चउनाणोयगए पंचहिं अणगारसएहिं सद्धिं संपरिवुडे पुव्वाणुपुव्विं चरमाणे गामाणुगामं दूइज्जमाणे सुहंसुहेणं विहरमाणे जेणेव सावत्थी नयरी जेणेव कोट्टए चेइए तेणेव उवागच्छइ सावत्थीनयरीए बहिया कोट्टए चेइए अहापडिरूवं ओगहं ओगिण्हइ ओगिण्हिता संजमेणं तवसा अप्पाणं भावेमाणे विहरइ। ५३। -53

(५४) तए णं सावत्थीए नयरीए सिंघाडग-[तिय-चउक्क-यच्चर-चउप्पुह]-महापहपहेसु महया जणसहेइ चा जणवूहेइ वा जणबोलेइ वा जणकलकलेइ वा जणउम्मीइ वा जणसण्णिवाएइ वा [वहुजणे अन्नमनस्स एवमाइक्खइ एवं भासइ एवं पत्रवेइ एवं परूवेइ-एयं खलु देवाणुप्पिया पासावच्चिज्जे केसी नाम कुमार-समणे जातिसंपन्ने पुव्वाणुपुव्विं चरमाणे गामाणुगामं दूइज्जमाणे इहमागए इह संपत्ते इह समोसडे इहेव सावत्थीए नगरीए बहिया कोट्टए चेइए अहापडिरूवं ओगहं ओगिण्हिता संजमेणं तवसा अप्पाणं भावेमाणे विहरइ तं महप्फलं खलु भो देवाणुप्पिया तहारूवाणं धेराणं भगवंताणं नामगोयस्स वि सवणयाए किमंग पुण अभिगमण-वंदण-नमंसण-पडिपुच्छण-पज्जुवासणयाए एगस्स वि आरियस्स धम्मियस्स सुवयणस्स सवणयाए किमंग पुण विउलस्स अट्ठस्स गहणयाए तं गच्छामो णं देवाणुप्पिया केसिं कुमार-समणं वंदामो नमंसामो सक्कारेमो सम्माणेमो कल्लणं मंगलं देवयं वेइयं पज्जुवासामो एयं णे पेच्चभवे इहभवे य हियाए सुहाए खमाए निस्सेयसाए आनुगामियताए भविस्सइ ति कट्ठु बहवे उग्गा उग्गपुत्ता भोगा भोगपुत्ता एवं दुपडोयारेणं-राइण्णा खरिचा माहणा भडा जोहा पसत्थारी मत्तई लेच्छई लेच्छईपुत्ता अण्णे य बहवे राईसर तलवर-माईविय-कोडुविय-इब्भ-सेट्ठि-सेणावइ-सत्थवाहप्पमितयो

अप्येगइया वंदणवत्तिया अप्येगइया पूयणवत्तियं अप्येगइया सक्कारवत्तियं अप्येगइया सम्माणवत्तियं अप्येगइया दंसणवत्तियं अप्येगइया कोऊहलवत्तियं अप्येगइया अस्सुयाइं सुणेस्सामो सुयाइं निस्संकियाइं करिस्सामो अप्येगइया मुंडे भयित्ता अगाराओ अणगारियं पव्वइस्सामो अप्येगइया गिहिधम्मं पडिक्खिस्सामो अप्येगइया जीवमेयंति कट्टु ण्हाया कयवलिकम्मा कयको-उय-मंगल-पायच्छित्ता सिरसा कंठेमालकडा आविद्धमणिसुवण्णा कप्पियहारउद्धार-तिसर-पालंब-पलंबमाण-किसुत्त-सुकयसोहाभरणा पवरवत्थ-परिहिया घंदणोलितगायसरीरा अप्येगइया हयगया अप्येगइया गयगया अप्येगइया रहगया अप्येगइया सिदियागया अप्येगइया संदमणि-यागया अप्येगइया पायविहारचारेणं पुरिसवग्गुराप-रिक्खित्ता महया उक्खिद्ध-सीहनाय-बोल-कलकलरवेणं पक्खुभियमहासमुद्धरवभूयं पिव करेमाणा सावत्थीए नयरीए मज्झमज्झेगं निग्गच्छंति निग्गच्छित्ता जेणेव कोट्टए चेइ जेणेव केसी कुमार-समणे तेणेव उवागच्छंति उवागच्छित्ता केसिकुमार-समणस्स अदूस्सामंते जाणवाहणाइं ठवेति ठवेत्ता जाणवाहणेहिंते पच्चोरुहंति पच्चो-रुहित्ता जेणेव केसी कुमार-समणे तेणेव उवागच्छंति उवागच्छित्ता केसि कुमार-समणं तिकवुत्तो आयाहिण-पयाहिणं करंति करेत्ता वंदंति नमंस्संति वंदित्ता नमंस्सित्ता नच्चासण्णे नाइदूरे सुस्सूसमाणे नमंसमाणा अभिमुहा विणएणं पंजलिउडा पज्जुवांसंति

तए णं तस्स सारहहिस्स तं महाजणसद्वं च जणकलकलं च सुणेत्ता य पासत्ता य इमेधारूवे अज्झत्थिए जाव समुप्पज्जित्था-किं णं अज्ज सावत्थीए नयरीए इंदमहे इ वा खंदमहे इ वा रुदमहे इ वा मउंदमहे इ वा सिवमहे इ वा येसमणमहे इ वा नागमहे इ वा जकउमहे इ वा भूयमहे इ वा धूधमहे इ वा वेइयमहे इ वा रुक्खमहे इ वा गिरिमहे इ वा दरिमहे इ वा अगडमहे इ वा नईमहे इ वा सारमहे इ वा सागरमहे इ वा जं णं इमे बहवे उग्गा उग्गपुत्ता भोगा राइण्णा इक्खागा नाया कोरव्वा [खत्तिया महाणा भडा जोहा पसत्थारो मल्लई मल्लइपुत्ता लेच्छई लेच्छइपुत्ता] इम्म इम्म-पुत्ता अण्णे य बहवे राईसर-तलवार-माडंबिय-कोडुंबिय-इब्भ-सेट्ठि-सेणावइ-सत्थवाहणभित्तयो ण्हाया कयवलिकम्मा कयकोउयं-मंगल-पायच्छित्ता सिरसा कंठेमालकडा आविद्धमणिसुवण्णा कप्पियहार-अद्धहार-तिसर-पालंब-पलंबमाण-कडिसुत्तय-कयसोहाहरणा चंदणोलितगाय-सरीरा पुरिसवग्गुरापिक्खित्ता महया उक्खिद्ध-सीहनाय-बोल-कलकलरवेणं [समुद्धरवभूयं पिव करेमाणा अंवरतलं पिव फोडे-माण] एगदिसाए एगाभिमुहा अप्येगत्तिया हयगया अप्येगत्तिया गयगया जाव पायविहारचारेणं महया-महया वंदावंदएहिं निग्गच्छंति एवं संपेहेइ संपेहेत्ता कंचुइ-पुरिसं सद्दावेइं सद्दावेत्ता एवं वयासी-किं णं देवाणुप्पिया अज्ज सावत्थीए नयरीए इंदमहेइ वा जाव सागरमहेइ वा जं णं इमे बहवे उग्गा उग्गपुत्ता भोगा जाव निग्गच्छंति

तए णं से कंचुइ-पुरिसे केसिस्स कुमारसमणस्स आगमण-गहिय-विणिच्छए चित्तं सारहिं करयल परिगहियं जाव यद्धावेत्ता एवं वयासी-नो खलु देवाणुप्पिया अज्ज सावत्थीए नयरीए इंदमहेइ वा जाव सागरमहेइ वा जं णं इमे बहवे उग्गा उग्गपुत्ता जाव वंदावंदएहिं निग्गच्छंति एवं खलु भो देवाणुप्पिया पारावच्चिजे केसी नामं कुमार-समणे जातिसंपन्ने जाव गामाणुगामं दूइजमाणे इहमा-गए [इहसंपत्ते इहसमोसत्ते इहेव सावत्थीए नयरीए बहिया कोट्टए चेइए अहापडिरुवं ओग्गहं ओगिणिहत्ता संजमेणं तवसा अप्पाणं भावेमाणे] विहरइ तेणं अज्ज सावत्थीए नयरीए बहवे उग्गा जाव इब्भा इब्भपुत्ता अप्येगत्तिया [वंदणवत्तियाए जाव अप्येगइया अस्सुयाइं सुणेस्सामो सुयाइं

निसंकिंवाइं करिस्सामो अप्पेगइया मुंडे भविता अगाराओ अणगारियं पव्वइस्सामो अप्पेगइया गिहिधम्मं पडिवज्जिस्सामो अप्पेगइया जीवमेयंति कट्टु ण्हाया कयबलिकम्मा जाव पवरवत्थ-परे-हिया चंदणोत्तितागवसरीरा अप्पेगइयाहयगया अप्पेगइयागयगया अप्पेगइयावरहगया अप्पेगइया सिवियागया अप्पेगइयासंदमाणियागया अप्पेगइयापायविहारचारेणं महया-महया वंदवदंएहिं निग्गच्छंति तए णं से चित्ते सारही कंचुइ-पुरिसस्स अंतिए एयमहं सोच्चा निसम्मं हट्टुतुइ-जाव-हियए कोडुंविपुपुरिसे सदावेइ सदावेत्ता एवं वयासी-खिप्पामेव भो देवाणुप्पिया चाउधंठं आसरहं जुतामेव उवट्टवेह [उवट्टवेत्ता एयमाणत्तिपं पच्चप्पिणहं

तए णं त कोडुंविपुपुरिसा तहेव पडिमुणित्ता खिप्पामेव सच्छत्तं जाव जुद्धसज्जं चाउधंठं आसरहं जुतामेव] उवट्टवेत्ति उवट्टवेत्ता तमाणरियं तमाणत्तिपं पच्चप्पिणंति तए णं से चित्ते सारही ण्हाए कयबलिकम्मे कयकोउय-मंगल-पायच्छित्ते सुद्धप्पावेसाइं मंगलाइं वत्थाइं पवरपरिहिते अप्पमहग्गधभरणालंक्रियसरीरे जेणेव चाउधंठे आसरहे तेणेव उवागच्छइ उवागच्छित्ता चाउधंठं आसरहं दुरुहइ दुरुहेत्ता सकोरेटमल्लदामेणं छत्तेणं धरिज्ज-माणेणं महया भड-चडगार-वंदपरिचित्ते सावत्थीनगरीए मज्झमज्जेणं निग्गच्छइ निग्गच्छित्ता जेणेव कोट्टए चेइए जेणेव केसी कुमार-समणे तेणेव उवागच्छइ केसि-कुमार-समणस्स अदूरसामंते तुरए निणिण्हइ रहं ठवेइ ठवेत्ता रहाओ पघोरुहति पघोरुहिता जेणेव केसी कुमार-समणे तेणेव उवागच्छइ उवागच्छित्ता केसि कुमार-समणं तिक्खुत्तो आयाहिण-पयाहिणं कोइ करेत्ता वंदइ नमंसइ वंदित्ता नमंसित्ता नच्चासण्णे नातिदूरे सुसूसमाणे नमंसमाणे अभिमुहे पंजलिउडे विणएणं पज्जुवासइ तए णं से केसी कुमार-सण्णे चित्तास्स सारहिस्स तीसे महतिमहालियाए महच्चपरिसाए चाउज्जामं धम्मं कहेइ तं जहा-सव्वाओ पाणाइवायाओ वेरमणं [सव्वाओ मुसावायाओ वेरमणं सव्वाओ अदिन्नादाणाओ वेरमणं] सव्वाओ परिण्हातो वेरमणं

तए णं रा महतिमहालिया महच्चपरिसा केसिस्स कुमार-समणस्स अंतिए धम्मं सोच्चा निसम्मं जामेव दिसिं पाउब्भूया तामेव दिसिं पडिगया तए णं से चित्ते सारही केसिस्स कुमार-समणस्स अंतिए धम्मं सोच्चा निसम्मं हट्टु जाव हियए उट्टाए उट्टेइ उट्टेत्ता केसि कुमार-समणं तिक्खुत्तो आयाहिण-पयाहिणं कोइ करेत्ता वंदइ नमंसइ वंदित्ता नमंसित्ता एवं वयासी-सइहामि णं भंते निग्गंथं पावयणं पत्तिवामि णं भंते निग्गंथं पावयणं रोएमि णं भंते निग्गंथं पावयणं अब्भुहेमि णं भंते निग्गंथं पावयणं एवमेयं भंते तहमेयं भंते अवितहमेयं भंते असंदिद्धमेयं भंते इच्छियमेयं भंते पडिच्छियमेयं भंते इच्छि-पडिच्छियमेयं भंते जं णं तुम्मे वदह ति कट्टु वंदइ नमंसइ वंदित्ता नमंसित्ता एवं वयासी-जहा देवाणुप्पियाणं अंतिए बहवे उग्गा उग्गपुत्ता भोगा जाव इब्बा इब्भपुत्ता चिच्चा हिरण्णं एवं-धणं धन्नं बलं वाहणं कोसं कोट्टागारं पुरं अंतेउरं चिच्चा विउलं धण-कणग-रवण-मणि-पोत्ति-संख-सिल-प्पवाल-संतसारसावएज्जं विच्छडित्ता विगोवइत्ता दाणं दाइयाणं परिभाइत्ता मुंडा भविता णं अगाराओ अणगारियं पव्वयंति नो खलु अहं तहा संचाएमि चिच्चा हिरण्णं तं चेव जाव अणगारियं पव्वइत्तए अहं णं देवाणुप्पियाणं अंतिए चाउ-ज्जामियं गिहिधम्मं पडिवज्जिस्सामि अहासुहं देवाणुप्पियाणं मा पडिबंधं करीह तए णं से चित्ते सारही केसिस्स कुमार-समणस्स अंतिए चाउज्जामियं गिहिधम्मे उवसंपज्जित्ताणं विहरति तए णं से चित्ते सारही केसि कुमार-समणं वंदइ नमंसइ वंदित्ता नमंसित्ता जेणेव चाउधंठे आसरहे तेणेव पहारेत्थ गमणाए चाउधंठं आसरहं

दुरुहइ दुरुहिता जामेव दिसिं पाउव्यूए तामेव दिसिं पडिगए।५४।-५४

(५५) तए णं से चित्ते सारही समणोवासए जाए-अहिगयजीवाजीवे उवलन्दुपुत्रपावे आसव-संवर-निज्जर-किरियाहिरणवंधप्पमोक्खकुसले असहिजे देवायुर-नाग-गुवन-जक्ख-रक्खस-किन्ना-किपुरिस-गरुल-गंधव्व-महोरगाइएहिं देवगणेहिं निग्गंथाओ पाववणाओ अणइ-क्कमणिजे निग्गंथे पाववणे निस्सकिए निक्कंखिए निव्वित्तिगिच्छे लद्धे गहियद्धे अभियद्धे पुच्छियद्धे विणिच्छियद्धे अद्धिमिजपेमाणुरागरत्ते अयमाउसो निग्गंथे पाववणे अहे परमद्धे सेसे अणद्धे ऊसियफल्लिह अवंगुवदुवारे चियत्तंतेउरधरप्पवेसे चाउइसद्धुमिद्धुपुत्रमासिणीसु पडिपुत्रं पोसहं सम्मं अनुपालेमाणे समणे निग्गंथे फायुएसणिज्जेणं असनपानखाइमसाइमेणं पीढ-फल्लग-सेट्ठा-संथारेणं वत्थपडिगह-कंवल-पायपुंछणेणं ओसह-भेसज्जेणं य पडिलामेमाणे-पडिलामेमाणे वहुहिं सीलव्वय-गुण-वेरमण-पच्चक्खाणं-पोसहोववासेहिं अप्पाणं भावेमाणे जाइं तत्थ रायकज्जाणि य [रायकिच्चाणि य रायणीइओ य] रायववहाराणि य ताइं जियसत्तुणा रण्णा सद्धिं सयमेव पच्चवेक्खमाणे-पच्चवेक्खमाणे विहरइ।५५।-५५

(५६) तए णं से जियसत्तुराया अण्णया कयाइ महत्थं [महग्गं महरिहं वित्तं रायारिहं] पाहुडं सज्जेइ सज्जेत्ता चित्तं सारहिं सद्दावेइ सद्दावेत्ता एयं वयासी-गच्छाहि णं तुमं चित्ता सेयवियं नगरिं पएसिस्सरण्णो इमं महत्थं जाव पाहुडं उवणेहिं मम पाउणं च णं जहामणिचं अविताहमसंदिद्धं ववणं विण्णवेहिं सि कट्ठु विसज्जिए तए णं से चित्ते सारही जियसत्तुणा रण्णा विसज्जिए समाणे तं महत्थं जाव पाहुडं गिण्हइ गिण्हित्ता जियसत्तुस्स रण्णो अंतियाओ पडिनिक्खमइ पडिनिक्खमिप्पत्ता सावत्थीनचरीए मज्झमज्झेणं निग्गच्छइ जेणेव रायमग्गमोगाढे आवासे तेणेव उवागच्छइ तं महत्थं जाव पाहुडं ठवेइ ण्हाए जाव सक्कोरेंटमद्दामेणं छत्तेणं धरिज्जमाणेणं महुया पावविहारचारेणं महुया पुरिसवगुरापारिक्खित्ते रायमग्गमोगाढाओ आवासाओ निग्गच्छइ सावत्थीणगरीए मज्झमज्झेणं निग्गच्छति जेणेव कोइए वेइए जेणेव केसी कुमार-समणे तेणेव उवागच्छति केसिस्स कुमार-समणस्स अंतिए धम्मं सोच्चा [निसम्म हइतुद्ध-चित्तमाणंदिए पीइमणे परमसोनणस्सिए हरिसवसवि-सप्पमाणहियए उट्ठाए उट्ठेइ उट्ठेत्ता केसिं कुमार-समणं तिक्खुत्तो आयाहिण-पयाहिणं कोइ करेत्ता वंदइ नमंसइ वंदित्ता नमंसित्ता] एवं वयासी एवं खलु अहं भंते जियसत्तुणा रण्णा पएसिस्स रण्णो इमं महत्थं जाव पाहुडं उवणेहिं सि कट्ठु विसज्जिए तं गच्छामि णं अहं भंते सेयवियं नगरिं पासादीया णं भंते सेयविया नगरी दरिसणिज्जा णं भंते सेयविया नगरी अभिरूवा णं भंते सेयविया नगरी पडिरूवा णं भंते सेयविया नगरी समोसरह णं भंते तुब्बे सेयवियं नगरिं

तए णं से केसी कुमार-समणे चित्तेणं सारहिणा एवं वुत्ते समाणे चित्तस्स सारहिस्स एयमद्धं नो आढाइ नो परिजाणइ तुसिणीए संचिद्धइ तए णं चित्ते सारही केसिं कुमार-समणं दोच्चं पि तच्चं पि एवं वयासी- एवं खलु अहं भंते जियसत्तुणा रण्णा पएसिस्स रण्णो इमं महत्थं णं भंते सेयविया नगरी दरिसणिज्जा णं भंते सेयविया नगरी अभिरूवा णं भंते सेयविया नगरी पडिरूवा णं भंते सेयविया नगरी समोसरह णं भंते तुब्बे सेयवियं नगरिं तए णं केसी कुमार-समणे चित्तेणं सारहिणं दोच्चं पि तच्चं पि एवं वुत्ते समाणे चित्तं सारहिं एवं वयासी-चित्ता से जहानामए वनसंडे सिया-किण्हे किण्होभासे [नीले नीलोभासे हरिए हरिओभासे सीए सीओभासे निद्धे निद्धोभासे तिव्वे तिव्वोभासे किण्हे किण्हच्छाए नीले नीलच्छाए हरिए हरियच्छाए सीए सीअच्छाए निद्धे निद्धच्छाए तिव्वे तिव्वच्छाए

घणकडिकडच्छाए रम्मे महामेहिकुरंभूए] जाव पडिख्वे से नूनं चित्ता से वनसंडे बहूणं दुपय-चउप्पय-मिय-पसु-पक्खी-सिरिसिवाणं अभिगमणिजे हंता अभिगणिजे तंसि व णं चित्तावनसंडंसि बहवे भिलुंगा नाम पावसउणा परिवसंति जे णं तेसिं बहूणं दुपय-चउप्पय-मिय-पसु-पक्खी-सिरिसिवाणं ठियाणं वेव मंससोणियं आहारेंति से नूनं चित्ता से वनसंडे तेसि णं बहूणं दुपय-चउप्पय-मिय-पसु-पक्खी]-सिरिसिवाणं अभिगमणिजे नो ति कम्हा णं भंते सोवसण्णे एवमेव चित्ता तुळमं पि सेयवियाए नगरीए पएसी नामं राया परिवसइ-अहम्मए जाव नो सम्मं करभरवित्ति पवत्तेइ तं कहं णं अहं चित्ता सेयवियाए नगरीए समोसरिस्सामि ।५६।-५६

(५७) तए णं से चित्ते सारही केसिं कुमार-समणं एवं वयासी-किं णं भंते तुळमं पएसिणा रण्णा कायव्वं अत्थि णं भंते सेयवियाए नगरीए अण्णे बहवे ईसर-तलवर-जाव सत्थवाहपभित्तयो जे णं देवाणुप्पियं वंदिस्संति नमंसिस्संति जाव पञ्जुवासिस्संति विउत्तेणं असणपाणञ्चाइमसाइमेणं पडित्ताभिस्संति पाडिहारिएणं पीढ-फलग-सेज्जा-संधारेणं उवनिमंतिस्संति तए णं से केसि कुमार-समणे चित्तं सारहिं एवं वयासी-अवि याइं चित्ता समोसरिस्सामो तए णं से चित्ते सारही केसिं कुमार-समणं वंदइ नमंसइ केसिस्स कुमारसमणस्स अंतियाओ कोट्टयाओ चेइयाओ पडिनिक्खमइ जेणेव सावत्थी नगरी जेणेव रायमगमोगाढे आवासे तेणेव उवागच्छइ उवागच्छित्ता कोट्टुबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया चाउघंटं आसरहं जुत्तामेव उवट्टवेह जहा सेयवियाए नगरीए निग्गच्छइ तहेव जाव अंतरा वासेहिं वसमाणे-वसमाणे कुणाला-जणववस्स मज्झमज्जेणं जेणेव केकय-अट्ठे जणवए जेणेव सेयविया नगरी जेणेव मियवणे उज्जाणे तेणेव उवागच्छइ उवागच्छित्ता उज्जाणपालए सद्दावेइ सद्दावेत्ता एवं वयासी-जया णं देवाणुप्पिया पासा-वच्चिजे केसी नाम कुमार-समणे पुव्वाणुप्पिव्वि वरमाणे गामाणुगामं दूइजमाणे इहमागच्छिज्जा तया णं तुळमे देवाणुप्पिया केसिं कुमार-समणं वंदिज्जाह नमंसिज्जाह वंदित्ता नमंसित्ता अहापडिख्वं ओगहं अनुजाणेज्जाह पाडिहारिएणं पीढ-फलग [सेज्जा-संधारेणं] उवनिमंतिज्जाए एयमाणत्तियं खिप्पामेव पच्चिणेज्जाह तए णं ते उज्जाणपालगा चित्तेणं सारहिणा एवं बुत्ता समाणा हट्टतुड जाव वट्ठावेत्ता एवं सामी तहत्ति आणाए विणएणं वयणं पडिसुणेंति ।५७।-५७

(५८) तए णं चित्ते सारही जेणेव सेयविया नगरी तेणेव उवागच्छइ उवागच्छित्ता सेयवियं नगारिं मज्झमज्जेणं अनुपविसइ अनुपविसित्ता जेणेव पएसिस्स रण्णो गिहे जेणेव बाहिरिया उवट्ठाणसाला तेणेव उवागच्छइ तुरए निगिण्हइ रहं ठवेइ रहाओ पच्चोरुहइ तं महत्थं जाव पाहुडं गेण्हइ जेणेव पएसी राया तेणेव उवागच्छइ पएसि रायं करवल जाव वट्ठावेत्ता तं महत्थं जाव पाहुडं उवणेइ तए णं से पएसी राया चित्तस्स सारहिस्स तं जाव पाहुडं पडिच्छइ चित्तं सारहिं सक्कारेइ सम्माणेइ पडिविसज्जेइ तए णं से चित्ते सारही पएसिणा रण्णा विसज्जिए समाणे हट्ट जाव हियए पएसिस्स रण्णो अंतियाओ पडिनिक्खमइ जेणेव चाउघंटं आसरहे तेणेव उवागच्छइ चाउघंटं आसरहं दुरुहइ सेयवियं नगारिं मज्झमज्जेणं जेणेव सए गिहे तेणेव उवागच्छइ तुरए निगिण्हइ रहं ठवेइ रहाओ पच्चोरुहइ ण्हाए [कयवलिकम्मे] उप्पिं पासायवरगाए फुट्टमाणेहिं मुइंगमत्थएहिं बत्तीस-इयद्धएहिं नाडएहिं वरतरुणी-संपउत्तेहिं उवणच्चिज्जमाणे उवणाइज्जमाणे उवताल्लिज्जमाणे इडे सद्-फरिस-पच्चणुभवमाणे विहरइ ।५८।-५८

(५९) तए णं से केसी कुमार-समणे अनया कयाइ पाडिहारियं पीढ-फलग-सेज्जा-संधारणं

पद्मपिण्ड सावत्थीओ नगरीओ चेइयाओ पडिनिक्खमणइ पंचहिं अणगारसएहिं [सिद्धिं संपरिवुडे पुब्बाणुपुब्बि चरमाणे गामाणुगामं दूइजमाणे सुहंसुहेणं] विहरमाणे जेणेव केचइ-अद्धे जणवए जेणेव सेयविया नगरी जेणेव मियवणे उज्जाणे तेणेव उवागच्छइ अहापडिरूवं ओगहं ओगिण्हिता संजमेणं तवसा अप्पाणं भावेमाणे विहरति तए णं सेयवियाए नगरीए सिंघडग-तिथि-चउक्क-चच्चर-चउम्मुह-महापहपहेसु महया जणसद्धे इ वा जणवूहे इ वा जणबोले इ वा जणकलकले इ वा जणउम्मी इ वा जणसण्णिवाए इ वा जाव] परिसा निगच्छइ तए णं ते उज्जाणपालगा इमीसे कहाए लद्धा समागा हट्टतुट्ट-जाव हियया जेणेव केसी कुमार-समणे तेणेव उवागच्छंति केसिं कुमार-समणं वंदंति नमंसंति अहापडिरूवं ओगहं अनुजाणंति पाडिहारिएणं पीढ-फलग-सेज्जा संधारएणं उवनिमंतंति नामं गोयं पुच्छंति ओधारंति एगंतं अवक्कमंति अवक्कमिता अन्नमन्नं एवं वयासी-जस्स णं देवाणुप्पिया चित्ते सारही दंसणंकंखइ दंसणंपत्थेइ दंसणंपीहेइ दंसणंअभिलसइ जस्स णं नामगोयस्स वि सवणयाए हट्टतुट्ट-जाव हियए भवति से णं एस केसी कुमार-समणे पुब्बाणुपुब्बि चरमाणे गामाणुगामं दूइजमाणे इहमागए इह संपत्ते इह समोसद्धे इहेव सेयवियाए नगरीए वहिया मियवणे उज्जाणे अहापडिरूवं [ओगहं ओगिण्हिता संजमेणं तवसा अप्पाणं भावेमाणे विहरइ तं गच्छामो णं देवाणुप्पिया चित्तस्स सारहिस्स एयमद्धं पियं निवेएमो पियं से भवउ अन्नमन्नस्स अंतिए एयमद्धं पडिसुणंति जेणेव सेयविया नगरी जेणेव चित्तस्स सारहिस्स गिहे जेणेव चित्ते सारही तेणेव उवागच्छंति चित्तं सारहिं करयल जाव वद्धावेत्ता एवं वयासी-जस्स णं देवाणुप्पिया दंसणं कंखंति [दंसणं पत्थेति दंसणं पीहेति दंसणं] अभिलसंति जस्स णं नामगोयस्स वि सवणवाए हट्ट [तुट्ट-चित्तमाणंदिया पीडमणा परमसोमणस्सिया हरिसवस-विसप्पमाणहियया] भवह से णं अयं पासा-वधिअे केसी नामं कुमार-समणे पुब्बाणुपुब्बि चरमाणे जाव विहरइ

तए णं से चित्ते सारही तेसिं उज्जाणपालगाणं अंतिए एयमद्धं सोच्चा निसम्म हट्टतुट्ट-जाव हियए विगसियवरकमलनयणे पयलिय-वरकडग-तुडिय-केऊर-मउड-कुंडल-हार-विरावंतरइय-वच्छे पालव-पलंबमाण-घोलंत-भूषणधरे ससंभमं तुरियं चवलं सारही आसणाओ अब्भुडे पाव-पीढाओ पच्चोरुहइ पाउयाओ ओमुयइ एगसाडियं उत्तरासंगं करेइ अंजलि-मउलियगहत्थे केसि-कुमार-समणाभिमुहे सत्तइ पवाइ अनुगच्छइ करयलपरिगगहिचं दसनहं सिरसावत्तं मत्थए अंजलिं कइ एवं वयासी-नमोत्थु णं अरहंताणं जाव सिद्धिगइनाधेयं ठाणं संपत्ताणं नमोत्थु णं केसिस्स कुमार-समणस्स मम धम्मयरियस्स धम्मोवदेसणस्स वंदामि णं भगवंतं तत्थगयं इहगए पासइ मे भगवं तत्थगए इहगयं ति कइ वंदइ नमंसइ ते उज्जाणपालए विउलेणं बत्थगंधमल्लालंकारेणं सकूकरोइ सम्माणेइ विउलं जीवियारिहं पीइदाणं दलयइ दलइत्ता पडिविसज्जेइ कोडुवियपुरिसे सदावेइ सदावेत्ता एवं वयासी-खिप्पामेव भो देवाणुप्पिया चाउगंधंटा आसरहं जुतामेव उवट्टवेह [उवट्टवेत्ता एयमाणत्तिव] पद्मपिण्ह

तए णं ते कोडुवियपुरिसा [तहेव पडिसुणिता] खिप्पामेव सच्छउतं सज्झयं जाव उवट्टवेत्ता तमाणत्तिवं पद्मपिणंति तए णं से चित्ते सारही कोडुवियपुरिसाणं अंतिए एयमद्धं सोच्चा निसम्म हट्टतुट्ट-[चित्तमाणंदिए पीडमणे परमसोमणस्सिए हरिसवस-विसप्पमाण-]हियए प्हाए कयवलि-क्रमे [कयकोउयमंगलपायच्छित्ते सुद्धप्पावेसाइ मंगळाइ बत्थाइ पवरपरिहिते अप्पमहग्घाभरणा-लंकियसरीरे] जेणेव चाउगंधंटे जाव सकोरेंटमद्धदामेणं [छत्तेणं धरिज्जमाणेणं] महया भडचडगर-

वंदपरिखिते सेयवियानगरीहए मज्झमज्झेणं निग्गच्छइ निग्गच्छिता जेणेव मियवणे उज्जाणे जेणेव  
केसी कुमार-समणे तेणेव उवागच्छइ उवागच्छिता केसिकुमार-समणस्स अदूरसामंते तुरए  
निगिण्हइ रहं ठवेइ ठवेता रहओ पच्चोरुहति पच्चोरुहिता जेणेव केसी कुमार-समणे तेणेव उवा-  
गच्छइ उवागच्छिता केसि कुमार-समणं तिक्खुत्तो आयाहिण-पयाहिणं करेइ करेता वंदइ नमंसइ  
वंदिता नमंसिता नच्चासण्णे नातिदूरे सुस्सूसमाणे नमंसमाणे अभिमुहे पंजलिउडे विणएणं पज्जुवा-  
सइ तए णं से केसी कुमार-समणे चित्तस्स सारहिस्स तीसे महतिमहालियाए महच्चपरिसाए चाउज्जामं  
धम्मं कहेइ तं जहा-सब्बाओ पाणाइवायाओ वेरमणं सब्बाओ मुसावायाओ वेरमणं [सब्बाओ  
अदिन्नादाणाओ वेरमणं] सब्बाओ परिग्गहाओ वेरमणं तए णं सा महतिमहालिया महच्चपरिसा  
केसिस्स कुमार-समणस्स अंतिए धम्मं सोच्चा निसम्मं जामेव दिसि पाउब्भूया तामेव दिसि पडिगया

१५९।-५९

(६०) तए णं से चित्ते सारही केसिस्स कुमार-समणस्स अंतिए धम्मं सोच्चा निसम्म हट्ठतुट्ठ-  
जाव एवं वयासी-एवं खलु भंते अहं पएसी राया अघम्मिण जाव सयस्स वि जयणवस्स नो सम्मं  
करभरवित्तिं पवत्तेइ तं जइ णं देवाणुप्पिया पएसिस्स रण्णे धम्ममाइक्खेज्जा बहुगुणतरं खलु होज्जा  
पएसिस्स रण्णे तेसिं च बहूणं दुपय-चउप्पय-मिय-पसु-पक्खी-सिरीसवाणं तेसिं च बहूणं समण-  
माहण-भिक्षुवाणं तं जइ णं देवाणुप्पिया पएसिस्स रण्णे धम्ममाइक्खेज्जा बहुगुणतरं होज्जा सयस्स  
वि य णं जणवयस्स १६०।-६०

(६१) तए णं केसी कुमार-समणे चित्तं सारहिं एवं वयासी-एवं खलु चउहिं ठाणेहिं चित्ता  
जीवे केवलपन्नत्तं धम्मं नो लभेइ सवणयाए तं जहा-आरामगयं वा उज्जामगयं वा समणं वा माहणं  
वा नो अभिगच्छइ नो वंदइ नो नमंसइ नो सक्कारेइ नो सम्माणेइ नो कल्लाणं मंगलं देवयं वेइयं  
पज्जुवासेइ नो अट्ठाइं हेऊइं पसिणाइं कारणाइं वागरणाइं पुच्छइ एएण वि ठाणेणं चित्ता जीवे केवल  
पन्नत्तं धम्मं नो लभइ सवणयाए उवस्सयगयं समणं वा [माहणं वा नो अभिगच्छइ नो वंदइ नो नमंसइ  
नो सक्कारेइ नो सम्माणेइ नो कल्लाणं मंगल देवयं वेइयं पज्जुवासेइ नो अट्ठाइं हेऊइं पसिणाइं  
कारणाइं वागरणाइं पुच्छइ] एएण वि ठाणेणं चित्ता जीवे केवलपन्नत्तं धम्मं नो लभइ सवणयाए  
गोयरग्गयं समणं वा माहणं वा जाव पज्जुवासेइ नो विउत्तेणं असण-पाणखाइमसाइमेणं पडिलाभेइ  
नो अट्ठाइं [हेऊइं पसिणाइं कारणाइं वागरणाइं] पुच्छइ एएण वि ठाणेणं चित्ता जीवे केवलपन्नत्तं  
धम्मं नो लभइ सवणयाए जत्थ वि य णं समणेणं वा माहणेणं वा सद्धिं अभिरमागच्छइ तत्थ वि य णं  
हत्थेणं वा वत्थेण वा छत्तेणं वा अप्पाणं आवरित्ता चिट्ठइ नो अट्ठाइं जाव पुच्छइ एएण वि ठाणेणं  
चित्ता जीवे केवलपन्नत्तं धम्मं नो लभइ सवणयाए

एएहिं च णं चित्ता चउहिं ठाणेहिं जीवे केवलपन्नत्तं धम्मं लभइ सवणयाए तं जहा-  
आरामगयं वा उज्जामगयं वा समणं वा माहणं वा अभिगच्छइ वंदइ नमंसइ जाव पज्जुवासेइ अट्ठाइं  
[हेऊइं पसिणाइं कारणाइं वागरणाइं] पुच्छइ एएण वि [ठाणेणं चित्ता जीवे केवलपन्नत्तं धम्मं] लभइ  
सवणयाए उवस्सयगयं [समणं वा माहणं वा अभिगच्छइ वंदइ नमंसइ सक्कारेइ सम्माणेइ कल्लाणं  
मंगलं देवयं वेइयं पज्जुवासेइ अट्ठाइं हेऊइं पसिणाइं कारणाइं वागरणाइं पुच्छइ एएण वि ठाणेणं  
चित्ता जीवे केवलपन्नत्तं धम्मं लभइ सवणयाए] गोयरग्गयं समणं वा माहणं वा जाव पज्जुवासेइ  
विउत्तेणं [असणपाणखाइमसाइमेणं] पडिलाभेइ अट्ठाइं [हेऊइं पसिणाइं कारणाइं वागरणाइं] पुच्छइ

एएण वि ठाणेणं चित्ता जीवे केवलपन्नं धम्मं लभइ सवणयाए जत्थ वि य णं समणेणं वा माहणेण वा सद्धिं अभिसमागच्छइ तत्थ वि य णं नो हत्थेण वा [वत्थेण वा छतेणं वा अप्पाणं] आवरेत्ताणं चिट्ठइ

एएण वि ठाणेणं चित्ता जीवे केवलपन्नं धम्मं लभइ सवणयाए तुज्झं च णं चित्ता पएसी राया-आरामगयं वा [उज्जाणगयं वा समणं वा माहणं वा नो अभिगच्छइ नो बंदइ नो नमंसइ नो सकृकारेइ नो सम्माणे इनो कल्लणं मंगलं देवयं चेइयं पज्जुवासेइ नो अट्ठाइ हेऊइ पसिणाइ कारणाइ वागरणाइ पुच्छइ तं कहं णं चित्ता पएसिस्स रण्णो धम्ममाइक्खिस्सामो उवस्सयगयं समणं वा माहणं वा जाव नो पज्जुवासेइ नो अट्ठाइ जाव पुच्छइ तं कहं णं चित्ता पएसिस्स रण्णो धम्ममाइक्खिस्सामो गोयरगगयं समणं वा माहणं वा नो अभिगच्छइ नो जाव नो पज्जुवासेइ नो विउलेणं असणपाणखाइ-मसाइमेणं पडिलाभेइ नो अट्ठाइ जाव नो पुच्छइ तं कहं णं चित्ता पएसिस्स रण्णो धम्ममाइक्खिस्सामो जत्थ वि य णं समणेणं वा माहणेणं वा सद्धिं अभिसमागच्छइ तत्थ वि य णं हत्थेण वा वत्थेण वा छतेणं वा] अप्पाणं आवरेत्ता चिट्ठइ तं कहं णं चित्ता पएसिस्स रण्णो धम्ममाइक्खिस्सामो तए णं से चित्ते सारही केसिं कुमार-समणं एवं वयासी-एवं खलु भंते अण्णया कयाइ कंबोएहिं चत्तारि आसा उवायणं उवणीया ते मए पएसिस्स रण्णो अण्णया चेव उवणेया तं एएणं खलु भंते कारणेणं अहं पएसिं रायं देवाणुप्पियाणं अंतिए हव्वमाणेस्सामि तं मा णं देवाणुप्पिया तुय्मे पएसिस्स रण्णो धम्म-माइक्खमाणा गिलाएज्जाह अगिलाए णं भंते तुय्मे पएसिस्स रण्णो धम्ममाइक्खेज्जाए छंदेणं भंते तुय्मे पएसिस्स रण्णो धम्ममाइक्खेज्जाह तए णं से केसी कुमार-समणे चित्तं सारहिं एवं वयासी-अवि याइं चित्ता जाणिस्सामो तए णं से चित्ते सारही केसिं कुमार-समणं बंदइ नमंसइ जेणेव चाउण्णंटे आसरहे तेणेव उवागच्छइ चाउण्णंटे आसरहं दुरुहइ जामेव दिसिं पाउठ्ठमूए तामेव दिसिं पडिणए। ६१।६१।

(६२) तए णं से चित्ते सारही कल्लं पाउप्पभाए रवणीए फुल्लप्पल-कमल-कोमलुम्मिलियम्मि अहापंडुरे पभाए कयनियमावस्सए सहस्सरस्सिम्मि दिणयरे तेथसा जलंते साओ गिहाओ निगच्छइ जेणेव पएसिस्स रण्णो गिहे जेणेव पएसी राया तेणेव उवागच्छइ पएसिं रायं करयल [परिग्हियं दसनहं सिरसावत्तं मत्थए अंजलि] कट्ठु जाएणं विजएणं बद्धावेइ बद्धावेत्ता एवं वयासी-एवं खलु देवाणुप्पियाणं कंबोएहिं चत्तारि आसा उवायणं उवणीया ते य मए देवाणुप्पियाणं अण्णया चेव बिगइया तं एह णं सारी ते आसे चिट्ठं पासह तए णं से पएसी राया चित्तं सारहिं एवं वयासी-गच्छाहिं णं तुमं चित्ता तेहिं चेव चउहिं आसेहिं चाउण्णंटे आसरहं जुत्तानेव उवट्ठवेह [एयमाणत्तियं] पच्च-प्पिणाहि तए मं से चित्ते सारही पएसिणा रण्णा एवं वुत्ते समाणे हट्ठतुट्ठ-जाव हियए उवट्ठवेइ एयमाणत्तियं पच्चप्पिणइ

तए णं से पएसी राया चित्तस्स सारहिस्स अंतिए एयपट्ठं सोच्चा निसम्म हट्ठतुट्ठ-[चित्तमाणं-दियए पीइमणे परमसोमणस्सिए हरिसवस-विसप्पमाणहियए प्णहाए कय-वलि-कम्मे कयकोउय-मंगलपायच्छित्ते सुट्ठप्पावेसाइ मंगलाइ वत्थाइ पवर परिहिते] अप्पमहग्धाभरणालंक्रियसरीं साओ गिहाओ निगच्छइ जेणामेव चाउण्णंटे आसरहे तेणेव उवागच्छइ चाउण्णंटे आसरहं दुरुहइ सेयवियाए नगरीए मज्झंमज्जेणं निग्यच्छइ तए णं से चित्ते सारही तं रहं नेगाइ जीवणाइ उठ्ठामेइ तए णं से पएसी राया उण्ठेण य तण्हाए य रहयाएण य परिकिलंते समाणे चित्तं सारहिं एवं वयासी-चित्ता परिकिलंते मे सरीरे परावत्तेहिं रहं तए णं से चित्ते सारही रहं परावत्तेइ जेणेव मियवणे उज्जाणे

तेणेव उवागच्छइ पएसिं रायं एवं वयासी-एस णं सामी मियवणे उज्जाणे एत्थ णं आसाणं समं किलामं सम्मं अवणेमो तए णं से पएसी राया चित्तं सारहिं एवं वयासी-एवं होउ चित्ता तए णं से चित्ते सारही जेणेव केसिस्स कुमार-समणस्स अदूरसामंते तेणेव उवागच्छइ तुरए निगिण्हेइ र्हं ठवेइ रहओ पच्चोरुहइ तुरए मोएति पएसिं रायं एवं वयासी-एह णं सामी आसाणं समं किलामं सम्मं अवणेमो

तए णं से पएसी राया रहाओ पच्चोरुहइ चित्तेणं सारहिणा सद्धिं आसाणं समं किलामं सम्मं अवणेमाणे जत्थ केसिं कुमार-समणं महइमहालियाए महच्चपरिसाए मज्झगए महया-महया सदेणं धम्मपाइक्खमाणं पासइ पासित्ता इमेयारूवे अज्झत्थिए जाव समुप्पज्जित्था- जड्डा खलु भो जड्डं पज्जुवासंति मुंडा खलु भो मुंडं पज्जुवासंति मूढा खलु भो मूढं पज्जुवासंति अपंडिया खलु भो अपंडियं पज्जुवासंति निव्विण्णाणा खलु भो निव्विण्णाणं पज्जुवासंति से केस णं एस पुरिसे जड्डे मुंडे मूढे अपंडिए निव्विण्णाणे सिरीए हिरीए उवगए उत्तप्पसरीरे एस णं पुरिसे किमाहारमाहारेइ किं परिणामेइ किं खाइ किं पियइ किं दलयइ किं पयच्छइ जेणं एमहालियाए मणुस्सपरिसाए महया-महया सदेणं दूया एवं संपेहेइ संपेहिता चित्तं सारहिं एवं वयासी-चित्ता जड्डा खलु भो जड्डं पज्जुवासंति जाव दूया साए वि णं उज्जाणभूमीए नो संचाएमि सम्मं पकामं पवियरित्तए तए णं से चित्ते सारही पएसिं रायं एवं वयासी-एस णं सामी पासवच्चिजे केसी नामं कुमार-समणे जातिसंपत्ते जाव चउनाणोवगए अहोऽवहिए अण्णजीविए तए णं से पएसी राया चित्तं सारहिं एवं वयासी-अहोऽवहियं णं वयासी चित्ता अण्णजीवियं णं वयासि चित्ता हंता सामी अहोऽवहियं णं वयामि अण्णजिवियं णं वयामि अभिगमणिजे णं चित्ता एस पुरिसे हंता सामी अभिगमणिजे अभिगच्छामो णं चित्ता अम्हे एयं पुरिसं हंता सामी अभिगच्छामो। ६२।-६२

(६३) तए णं से पएसी राया चित्तेणं सारहिणा सद्धिं जेणेव केसी कुमार-समणे तेणेव उवागच्छइ केसिस्स कुमार-समणस्स अदूरसामंते टिच्चा एवं वयासी-तुब्बे णं मंते अहोऽवहिया अण्णजीविया तए णं केसी कुमार-समणे पएसिं रायं एवं वयासी-पएसी से जहानामए अंकवाणिद्या इ वा संखवाणिद्या इ वा सुकं भंसेउकामा नो सम्मं पयं पुच्छंति एवमेव पएसी तुमं वि विणवं भंसेउकामो नो सम्मं पुच्छसि से नूणं तव पएसी ममं पासित्ता अयमेयारूवे अज्झत्थिए [चित्तिए पत्थिए मणोगए संकप्पे] समुप्पज्जित्था-जड्डा खलु भो जड्डं पज्जुवासंति [मुंडा खलु भो मुंडं पज्जुवासंति मूढा खलु भो मूढं पज्जुवासंति अपंडिया खलु भो अपंडियं पज्जुवासंति निव्विण्णाणा खलु भो निव्विण्णाणं पज्जुवासंति से केस णं एस पुरिसे जड्डे मुंडे मूढे अपंडिए निव्विण्णाणे सिरीए हिरीए उवगए उत्तप्पसरीरे एस णं पुरिसे किमाहारमाहारेइ किं परिणामेइ किं खाइ किं पियइ किं दलयइ किं पयच्छइ जे णं एमहालियाए मणुस्सपरिसाए महया-महया सदेणं दूया साए वि णं उज्जाणभूमीए नो संचाएमि सम्मं पकामं] पवियरित्तए से नूणं पएसी अत्थे समत्थे हंता अत्थि। ६३।-६३

(६४) तए णं से पएसी राया केसिं कुमार-समणं एव वयासी-से केण्डुणं मंते तुज्झं नाणे वा दंसणे वा जेणं तुब्बं एयारूवं अज्झत्थियं [चित्तियं पत्थियं मणोगयं] संकप्पं समुप्पणं जाणह पासह तए णं केसी कुमारसमणे पएसिं रायं एवं वयासी-एवं खलु पएसी अम्हं समणाणं निग्गंथाणं पंचविहे न्नाणे पत्तत्ते तं जहा-आभिणिबोहियनाणे सुवनाने ओहिनाणे मणपज्जवनाणे केवलनाणे से किं तं आभिणिबोहियनाणे आभिणिबोहियनाणे चउब्बिहे पत्तत्ते तं जहा-उगगहो ईहा अवाए धारणा से किं

तं उग्गहे उग्गहे दुविहे पत्रते जहा नंदीए जाव से तं धारणा से तं आभिणिवोहियानाणे से किं तं सुयनाणं सुयनाणं दुविहं पत्रत्तं तं जहा-अंगपविट्ठं च अंगवाहिरणं च सव्वं भाणियव्वं जाव दिट्ठिवाओ से किं तं ओहिनाणं ओहिनाणं दुविहं पत्रत्तं तं जहा-भवपच्चइयं च खओवसमियं च जहा नंदीए से किं तं मणपज्जवनाणे मणपज्जवनाणे दुविहे पत्रते तं जहा-उज्जुमई य विउलमई य से किं तं केवलनाणं केवलनाणं दुविहं पत्रत्तं तं जहा-भवत्थकेवलनाणं च सिद्धकेवलनाणं च तत्थ णं जेसे आभिणिवोहियानाणे से णं ममं अत्थि तत्थ णं जेसे सुयनाणे से वि य ममं अत्थि तत्थ णं जेसे ओहिनाणे से विय ममं अत्थि तत्थ णं जेसे मणपज्जवनाणे से वि य ममं अत्थि तत्थ णं जेसे केवलनाणे से णं ममं नत्थि से णं अरहंताणं भगवंताणं इच्चेएणं पएसी अहं तव चउव्विहेणं छाउमत्थिएणं नाणेणं इमेयारूवं अज्झत्थियं जाव समुप्पन्नं जाणामि पासामि । ६४-६५

(६५) तए णं से पएसी राया केसिं कुमार-समणं एवं वयासी-अहं णं भंते इहं उवविसामि पएसी साए उज्जाणभूमीए तुमसिं चेव जाणए तए णं से पएसी राया चित्तेणं सारहिणा सद्धिं केसिस्स कुमार-समणस्स अदूरसामते उवविसइ केसिं कुमार-समणं एवं वयासी-तुब्भं णं भंते समणाणं निगंथाणं एस सण्णा एस पइण्णा एस दिट्ठी एस रुई एस हेऊ एस उवएसे एस संकपे एस तुला एस माणे एस पमाणे एस समोसरणे जहा-अण्णो जीवो अण्णं सरीरं नो तं जीवो तं सरीरं, तए णं केसी कुमार-समणे पएसिं रावं एवं वयासी-पएसी अहं समणाणं निगंथाणं एस सण्णा जाव एस समोसरणे जहा-अण्णो जीवो अण्णं सरीरं, नो तं जीवो तं सरीरं तए णं से पएसी राया केसिं कुमार-समणं एवं वयासी-जति णं भंते तुब्भं समणाणं निगंथाणं एस सण्णा जाव एस पमाणे एस समोसरणे जहा-अण्णो जीवो अण्णं सरीरं नो तं जीवो तं सरीरं-एवं खलु ममं अज्जए होत्था इहेव सेयविवाए नगरीए अधम्मिए जाव सयस्स वि य णं जणवयस्स नो सम्मं करभरवित्तिं पवतेति से णं तुब्भं वत्तव्वयाए सुवहुं पावकम्मं कलिकलुसं समज्जिणित्ता कालमासे कालं किच्चा अण्णदरेसु नएएसु नेरइयत्ताए उववण्णे तस्स णं अज्जगस्स अहं नत्तुए रयणकरंडगसमाणे जिवउत्साविए हिययनदि-जणणे उंबरपुष्पं पिव दुल्लभे सवणयाए किमंग पुण पासणयाए तं जति णं से अज्जए ममं आगंतुं वएज्जा-एवं खलु नत्तुया अहं तव अज्जए होत्था इहेव सेयविवाए नगरीए अधम्मिए जाव नो सम्मं करभरवित्तिं पवतेमि तए णं अहं सुवहुं पावकम्मं कलिकलुसं समज्जिणित्ता नएएसु उववण्णे तं मा णं नत्तुया तुमं पि भवाहिं अधम्मिए जाव नो सम्मं करभरवित्तिं पवतेहि मा णं तुमं पि एवं चेव सुवहुं पावकम्मं जाव उववज्जिहिसि तं जइ णं से अज्जए ममं आगंतुं ळएज्जा तो णं अहं सदहेज्जा पतिएज्जा रोएज्जा जहा अण्णो जीवो अण्णं सरीरं नो तं जीवो तं सरीरं जन्हा णं से अज्जए ममं आगंतुं नो एवं वयासी तन्हा सुपइट्ठिया मम पइण्णा समणाउसो जहा तज्जीवो तं सरीरं

तए णं से केसी कुमार-समणे पएसिं रावं एवं वयासी-अत्थि णं पएसी तव सूरियकंता नायं देवी हंता अत्थि जइ णं तुमं पएसी तं सूरियकंतं देविं ण्हायं कयवलिकम्मं कयकोउयमंगलपायच्छित्तं सव्वालंकारभूसियं केणइ पुरिसेणं ण्हाएणं [कयवलिकम्मेणं कयकोउयमंगलपायच्छित्तेणं] सव्वालं-कारभूसिएणं सद्धिं इहे सद-फरिस-रस-रूव-गंधे पंचविहे माणुस्सते कामभोगे पच्चणुआवमाणिं पासिजज्जासि तस्स णं तुमं पएसी पुरिस्स कं डंडं निव्वत्तेज्जासि अहं णं भंते तं पुरिसे हत्थच्छिण्णं वा पायच्छिण्णं वा सूलाइं वा मूलभिण्णं वा एणाहच्चं कूडाहच्चं जीवियाओ ववरोवएज्जा अहं णं पएसी से पुरिसे तुमं एवं वदेज्जा-मा ताव मे सामी मुहुत्तागं हत्थच्छिण्णं वा [पायच्छिण्णं वा सूलाइं

वा मूलभिण्णं वा एगाहच्चं कूडाहच्चं जीवियाओ वयोरोदेहि जाव ताव अहं भित्त-नाइ-नियग-सयण-संवंधि-परिजणं एवं वयामि-एवं खलु देवाणुप्पिया पावाइं कम्माइं समायेरत्ता इमेयारूवं आयइं पाविज्जामि तं मा णं देवाणुप्पिया तुहमे वि केइ पावाइं कम्माइं समायेरत्ता मा णं से वि एवं चेव आवइं पाविज्जिहिह जहा णं अहं तस्स णं तुमं पएसी पुरिसस्स खणमवि एयमद्वं पडिसुणेज्जासि नो तिण्ण्डे समद्वे कम्हा णं जम्हा णं भंते अयराही णं से पुरिसे एवामेव पएसी तव वि अज्जाए हात्या इहेव सेयवियाए नयरीए अधम्मिए जाव नो सम्मं करभरवित्तिं पवतेइ से णं अहं वत्तव्वयाए सुबहुं जाव उववण्णे तस्स णं अज्जगस्स तुमं नत्तुए होत्या-इद्वे कंते जाव पासण्याए से णं इच्छइ माणुसं लोगं हव्वमागच्छित्तए नो चेव णं संचाएइ हव्वमागच्छित्तए चउहिं च णं ठाणेहिं पएसी अहुणोववण्णए नरएसु नेरइए इच्छेज्ज माणुसं लोगं हव्वमागच्छित्तए नो चेव णं संचाएइ

अहुणोववण्णए नरएसु नेरइए से णं तत्थ महब्भूयं वेवणं वेदेमाणे इच्छेज्जा माणुसं लोगं हव्वमागच्छित्तए नो चेव णं संचाएइ हव्वमागच्छित्तए अहुणोववण्णए नरएसु नेरइए नरयपलेहिं भुज्जो-भुज्जो सनहिद्विज्जामाणे इच्छइ माणुसं लोगं हव्वमागच्छित्तए नो चेव णं संचाएइ अहुणोव-वण्णए नरएसु नेरइए निरववेयणिज्जसि कम्मसि अक्खीणंसि अवेइयंसि अणिज्जिणंसि इच्छइ माणुसं लोगं हव्वमागच्छित्तए नो चेव णं संचाएइ अहुणोववण्णए नरएसु नेरइए निरयाउयंसि कम्मसि अक्खीणंसि अवेइयंसि अनिज्जिणंसि इच्छइ माणुसं लोगं हव्वमागच्छित्तए नो चेव णं संच-एइ हव्वमागच्छित्तए इच्छेहिं चउहिं ठाणेहिं पएसी अहुणोववण्णे नरएसु नेरइए इच्छइ माणुसं लोगं हव्वमागच्छित्तए नो चेव णं संचाएइ हव्वमागच्छित्तए तं सद्वहाहिं णं पएसी जहाअन्नो जीवो अन्नं सरिरं नो तं जीवो तं सरिरं । ६५।-65

(६६) तएणं से पएसी राया केसिं कुमार-समणं एवं वयासी-अत्थि णं भंते एस पन्नओ उवमा इमेण पुण कारणेणं नो उवागच्छइ-एवं खलु भंते मम अज्जियाहोत्या इहेव सेयवियाए नयरीए धम्मिया [धम्मिइा धम्मकखाइं धम्माणुवा धम्मपलोइं धम्मपलज्जणी धम्मसीलसमुयाचारा धम्मेण चेव] वित्तिं कप्पेमाणी समणोवासिया अभिगयजीवा जीवा [उवलद्धपुत्रपावा आसव-संवर-निज्ज-किरियाहिगरण-बंधम्मोक्ख-कुसला असहिज्जा देवासुर-नाग-सुवण्ण-जक्ख-रक्खस्स-किण्णार-किंपु-रिस-गरुल-गंधव्व-महोरगाइएहिं देवगणेहिं निगंथाओ पावयणाओ अणइक्कमणिज्जा निगंथे पावयणे निस्संक्रिया निक्खंखिया निव्वित्तिगिच्छा लद्धइ गहियइा अभिदगवइा पुच्छियइा विणिच्छियइा अड्ढिमिंजपेमाणुरागरत्ता अवमाउतो निगंथे पावयणे अट्ठे परमद्वे सेसे अण्णद्वे ऊसिय-फलहा अवंगुयदुवारा चियत्तंतेउरघरप्पवेसा चाउदसद्वमुदिद्वपुत्रमासिणीसु पडिपुत्रं पोसहं सम्मं अनुपात्तेमाणी समणे निगंथे फासुएणिज्जेणं असणपाणखाइम-साइपेणं पीढ-फलग-सेज्जा-संधारेणं वत्थ-पडिग्गह-कंदल-पायपुंउणेणं ओसह-भेसज्जेणं य पडिलाभेमाणी-पडिलाभेमाणी बहूहिं सील-व्वय-गुण-वेरमणं-पच्चक्खण-पोसहोववासिंहिं] अप्पाणं भावेमाणी विहरइ सा णं तुज्जं वत्तव्वयाए सुबहुं पुज्जोवचयं समज्जिणिता कालमासे कालं किच्चा अण्णयेरसु देवलोएसु देवताए उववण्णा तीसे णं अज्जियाए अहं नत्तुए होत्या-इद्वे कंते जाव पासण्याए तं जइ णं सा अज्जिया मम आगंतुं एवं वएज्जा-एवं खलु नत्तुया अहं तव अज्जिया होत्या इहेव सेयवियाए नयरीए धम्मिया [धम्मिइा धम्मकखाइं धम्माणुवा धम्मपलोइं धम्मपलज्जणी धम्मसीलसमुयाचारा धम्मेण चेव] वित्तिं कप्पेमाणी समणोवासिया जाव अप्पाणं भावेमाणी विहरामि

तए णं अहं सुबहुं पुत्रोवचयं समज्जिणिता [कालमासे कालं किञ्चा अन्नयरोसु] देवलोएसु देवताए उववण्णा तं तुमं पि नत्तुया भवाहि धम्मिए जाव विहरहि तए णं तुमं पि एयं चेव सुबहुं पुत्रोवचयं [समज्जिणिता कालमासे कालं किञ्चा अण्णयरोसु देवलोएसु देवताए] उववज्जिहिसि तं जइ णं अज्जिया मम आगंतुं एवं वएज्जा तो णं अहं सहहेज्जा पत्तिएज्जा सेएज्जा जहा-अण्णो जीवो अन्नं सरीरं नो तज्जीवो तं सरीरं जम्हा सा अज्जिया मम आगंतुं नो एवं वयासी तम्हा सुपइड्डिया मे पइण्णा जहा-तज्जीवो तं सरीरं नो अन्नो जीवो अन्नं सरीरं तए णं केसी कुमार-समणे पएसि रायं एवं वयासी-जति णं तुमं पएसी ण्हायं कयबलिकम्मं कयकोउयमंगलपायच्छित्तं उल्लापडगं भिंगार-कडच्छुय-हत्थगयं देवकुलमणुपविसमाणं केइ पुरिसे वच्चघरंसि ठिछा एवं वदेज्जा-एह ताव सामी इह मुहुत्ताए आसयह वा चिद्धह वा निसीयह वा तुयद्धह वा तस्स णं तुमं पएसी पुरिसस्स खणमवि एयमहुं पडिमुणिज्जासि नो तिण्ढे समदे कम्हा णं जम्हाणं भंते असुइ असुइ-सामंतो एवामेव पएसी तव वि अज्जिया होत्था इहेव सेयविया नयरोए धम्मिया जाव अप्पाणं भावेमाणी विहरति सा णं अहं वत्तव्वयाए सुबहुं [पुत्रोवचयं समज्जिणिता कालमासे कालं किञ्चा अण्णयरोसु देवलोएसु देवताए] उववण्णा तीसे णं अज्जियाए तुमं नत्तुए होत्था-इहे किमंग पुण पासणयाए सा णं इच्छइ माणुसं लोग-हव्वमागच्छित्तए नो चेव णं संचाएइ हव्वमागच्छित्तए घउहिं ठाणेहिं पएसी अहुणोववण्णे देवे देवलोएसु इच्छेज्जा माणुसं लोगं हव्वमागच्छित्तए नो चेव णं संचाएइ हव्वमागच्छित्तए-अहुणो-ववण्णे देवे देवलोएसु दिव्वेहिं कामभोगेहिं मुच्छिए गिद्धे गट्ठिए अज्झोववण्णे से णं माणुसे भोगे नो आटाति नो परिजागति से णं इच्छेज्ज माणुसं लोगं हव्वमागच्छित्तए नो चेव णं संचाएति हव्वमागच्छित्तए

अहुणोववण्णे देवे देवलोएसु दिव्वेहिं कामभोगेहिं मुच्छिए [गिद्धे गट्ठिए] अज्झोववण्णे तस्स णं माणुसे पेम्मे वोच्छिण्णए भवति दिव्वे पेम्मे सकंते भवति से णं इच्छेज्जा माणुसं लोगं हव्वमागच्छित्तए नो चेव णं संचाएइ हव्वमागच्छित्तए अहुणोववण्णे देवे देवलोएसु दिव्वेहिं कामभोगेहिं मुच्छिए [गिद्धे गट्ठिए] अज्झोववण्णे तस्स णं एवं भवइ-इयाणि गच्छं मुहुते गच्छं जाव इह अप्पाउया नरा कालधम्मणा संजुत्ता भवति से णं इच्छेज्जा माणुस्स लोगं हव्वमागच्छित्तए नो चेव णं संचाएइ हव्व मागच्छित्तए अहुणोववण्णे देवे देवलोएसु दिव्वेहिं [कामभोगेहिं मुच्छिए गिद्धे गट्ठिए] अज्झोववण्णे तस्स माणुस्सए उराले दुग्गंधे पडिक्कूले पडिलोमे भवइ उड्ढं पि य णं चत्तारि पंचजोअणस्सए असुमे माणुस्सए गंधे अभिसमागच्छति से णं इच्छेज्जा माणुस्सं लोगं हव्वमागच्छित्तए नो चेव णं संचाएइ हव्वमागच्छित्तए इच्चेएहिं घउहिं ठाणेहिं पएसी अहुणोववण्णे देवे देवलोएसु इच्छेज्ज माणुसं लोगं हव्वमागच्छित्तए नो चेव णं संचाएइ हव्वमागच्छित्तए तं सहहाहि णं तुमं पएसी जह-अन्नो जीवो अन्नं सरीरं नो तज्जीवो तं सरीरं। ६६। ६६

(६७) तए णं से पएसी राया केसिं कुमार-समणं एवं वयासी-अत्थि णं भंते एस पन्नओ उवमा इमेणं पुण कारणेणं नो उवागच्छति-एवं खलु भंते अहं अन्नया कयाइ बाहिरियाए उवद्वान्णसालाए अपेगगणनायक-दंडनायग राईसर-तलवर-माडंबिय-कोडुंविय-इय्थ-सेट्ठि-सेणावइ-सत्थवाह-पंति - महामंति-गणग-दोयारिय-अमच्च-चड-पीढमह-नगर-निगम-दूय-संधिवालेहिं सट्ठि संपरि-वुडे विहरामि तए णं मम नगरगुत्तिया ससक्यं सहोदं सलोदं सगेवेजं अवउडगबंधणवद्धं चोरं उवणेति तए णं अहं तं पुरिसं जीवंतं चेव अओकुंभीए पक्खिवावेमि ओमएणं पिहाणएणं पिहवेमि

अएणं य तउएणं य कायावेमि आयपच्चइएहिं पुरिसेहिं रक्खावेमि तए णं अहं अन्नया कयाइं जेणा-  
मेव सा अओकुंभी तेणामेव उवागच्छामि उवागच्छिता तं अओकुंभि उगलच्छावेमि उगलच्छा-  
विता तं पुरिसं सयमेव पासामि नो चेव णं तीसे अओकुंभीए केइ छिडे इ वा विवरे इ वा अंतरे इ वा  
राई वा जओ णं से जीवे अंतोहिंतो बहिया निग्गए जइ णं भंते तीसे अओकुंभीए होज केइ छिडे इ वा  
[विवरे इ वा अंतरे इ वा] राई वा जओ णं से जीवे अंतोहिंतो बहिया निग्गए तो णं अहं सहहेज्जा  
पत्तिएज्जा रोएज्जा जहा-अन्नो जीवो अन्नं सरीरं नो तज्जीवो तं सरीरं जम्हा णं भंते तीसे अओकुंभीए  
नत्थिए केइ छिडे इ वा जाव निग्गए तम्हा सुपतिट्ठिया मे पइण्णा जहा-तज्जीवो तं सरीरं नो अण्णो  
जीवो अण्णं सरीरं

तए णं केसी कुमार-समणे पएसिं रायं एवं वयासी पएसी से जहानामए कूडागारसाला  
सिधा-दुहओ लिता गुता गुतदुवारा निवाया निवायगंभीरा अहं णं केइ पुरिसे भेरि च दंडं च गहाय  
कूडागारसालाए अंतो-अंतो अनुप्पविसति अनुप्पविसिता तीसे कूडागारसालाए सब्बतो समंता  
पण-निचिय निरंतर-निच्छिहाइं दुवारवयणाइं पिहेइ तीसे कूडागारसालाए बहुमज्झदेसभाए ठिच्चा  
तं भेरिं दंडएणं महरा-महरा सद्धेणं तालेज्जा से नूणं पएसी से सद्धेणं अंतोहिंतो बहिया निग्गच्छइ हंता  
निग्गच्छइ अत्थि णं पएसी तीसे कूडागारसालाए केइ छिडे इ वा [विवरे इ वा अंतरे इ वा] राई वा जओ  
णं से सद्धे अंतोहिंतो बहिया निग्गए नो तिणट्ठे समट्ठे एवामेव पएसी जीवे वि अण्णडिहयगई पुढविं  
भिच्चा सिलं भिच्चा पव्वयं भिच्चा अंतोहिंतो बहिया निग्गच्छइ तं सहहाहिं णं तुमं पएसी अन्नो जीवो तं  
चेव तए णं पएसी राया केसिं कुमार-समणं एवं वयासी-

अत्थि णं भंते एस पण्णओ उवमा इमेणं पुण कारणेणं नो उवागच्छइ-एवं खलु भंते अहं  
अन्नया कयाइ वाहिरियाए उवड्ढाणसालाए जाव विहरामि तए णं ममं नगरगुतिया ससक्खं [सहोदं  
सलोदं सगेवेज्जं अवउडगबंधणदद्धं चोरं] उवणेति तए णं अहं तं पुरिसं जीवियाओ ववरोवेमि  
ववरोवेत्ता अओकुंभीए पक्खिवावेमि अओमएणं पिहाणएणं पिहावेमि [अएण य तउएण य  
कायावेमि आय] पच्चइएहिं पुरिसेहिं रक्खावेमि तए णं अहं अन्नया कयाइ जेणेव सा कुंभी तेणेव  
उवागच्छामि उवागच्छिता तं अओकुंभि उगलच्छावेमि तं अओकुंभि किमिक्कुंभि पिव पासामि नो  
चेव णं तीसे अओकुंभीए केइ छिडे इ वा [विवरे इ वा अंतरे इ वा] राई वा जओ णं ते जीवा बहियाहिंतो  
अनुपविट्ठा जति णं तीसे अओकुंभीए होज केइ छिडे इ वा जाव अनुपविट्ठा तम्हा सुपतिट्ठिया मे  
पइण्णा जहा-तज्जीवो तं सरीरं नो [अन्नो जीवो अन्नं सरीरं] तए णं केसी कुमार-समणे पएसिं रायं एवं  
वयासी-अत्थि तुमे पएसी कयाइ य अए धंतपुव्वे वा धमावियपुव्वे वा हंता अत्थि से नूणं पएसी अहं  
धंते इ वा विवरे इ वा अंतरे वा राई वा जेणं से जोई बहियाहिंतो अंतो अनुपविट्ठे नो तिणट्ठे समट्ठे  
एवामेव पएसी जीवो वि अण्णडिहयगई पुढविं भिच्चा सिलं भिच्चा पव्वयं भिच्चा बहियाहिंतो अंतो  
अनुपविसइ तं सहहाहिं णं तुमं पएसी [जहा अन्नो जीवो अन्नं सरीरं नो तज्जीवो तं सरीरं] ६७।-६७

(६८) तए णं पएसी राया केसिं कुमार-समणं एवं वयासी-अत्थि णं भंते [एस पज्जओ उवमा  
इमेणं पुणं कारणेणं] नो उवागच्छइ-भंते से जहानामए-केइ पुरिसे तरुणे [बलवं जुगवं जुवाणे  
अप्यायंके थिरग्गहत्थे दद्धपाणि-पाय-पिडुंतरोरुपरिणए धणनिचिय-वट्ठ-बलियखंथे चम्मेट्ठग-  
दुघण-मुट्ठिय-समाहय-निचियगते उरस्सबलसमण्णागए तलजमलजुयलबाहु लंघण-पवण-जइण-

पमद्दणसत्थे छेए दक्खे पत्तद्वे कुसले मेधावी निउण] सिण्णोवगए पभू पंचकंडगं निसिरित्तए हंता पभू जति णं भंते सद्येव पुरिसे वाले [अदक्खे अपत्तद्वे अकुसले अपेहावी] मंदविण्णाणे पभू होआ पंचकंडगं निसिरित्तए हंता पभू जति णं भंते सद्येव पुरिसे वाले जाव मंदविण्णाणे पभू होआ पंचकंडगं निसिरित्तए तो णं अहं सद्वहेआ [पत्तिएआ रोएआ] जहा-अन्नो जीवो अन्नं सरिरं नो तज्जीवो तं सरिरं जम्हा णं भंते सद्येव पुरिसे जाव मंदविण्णाणे नो पभू पंचकंडयं निसिरित्तए तम्हा सुपइद्धिया मे पइण्णा जहा-तज्जीवो तं सरिरं नो अन्नो जीवो जन्नं सरिरं

तए णं केसी कुमार-समणे पएसिं रायं एवं वयासी-से जहानामए-केइ पुरिसे तरुणे [वलवं जुगवं जुवाणे अप्पावेंके धिरग्गहत्थे दढपाणि-पाय-पिद्धंतोरुपरिणए धण-निचिय-वट्ट-वलिपखंधे चम्पेद्वग-दुघण-मुद्धिय-समाहय-निचियगते उरस्सवलसमण्णागए तल-जमल-जुवलवाहु लंघण-पवण-जइण-पमद्दणसमत्थे छेए दक्खे पत्तद्वे कुसले मेधावी निउण] सिण्णोवगए नवएणं धणुणा नविचाए जीवाए नवएणं उमुणा पभू पंचकंडगं निसिरित्तए हंता पभू सो चेव णं पुरिसे तरुणे जाव निउणसिण्णोवगए कोरिल्लएणं धणुणा कोरिल्लयाए जीवाए कोरिल्लएणं उमुणा पभू पंचकंडगं निसिरित्तए नो तिण्ढे समद्वे कम्हा णं भंते तस्स पुरिसस्स अपजत्ताइ उवगरणाइं हवति एवामेव पएसी सो चेव पुरिसे वाले जाव मंदविण्णाणे अपजत्तोवगरणे नो पभू पंचकंडयं निसिरित्तए तं सद्वहाहि णं तुमं पएसी जहा-अन्नो जीवो अन्नं सरिरं नो तज्जीवो तं सरिरं १६८-६८८

(६९) तए णं पएसी राया केसिं कुमार-समणं एवं वयासी-अत्थि णं भंते [एस पन्नओ उवमा इमेणं पुण कारणेणं] नो उवागच्छ-भंते से जहानामए-केइ पुरिसे तरुणे जाव निउणसिण्णोवगते पभू एगं महं अयभारगं वा तउयभारगं वा सीसगभारगं वा परिवहित्तए हंता पभू सो चेव णं भंते पुरिसे जुण्णे जराजजरियदेहे सिढिलवलियावणद्धगते दंडपरिग्गहियग्गहत्थे पविरलपरिसडियदंतसेढी आउरे किसिए पिवासिए दुब्बले परिकिलंतं नो पभू एगं महं अयभारगं वा [तउयभारगं वा सीस-भारगं वा] परिवहित्तए जति णं भंते सद्येव पुरिस जुण्णे जराजजरियदेहे जाव परिकिलंतं पभू एगं महं अयभारगं वा जाव परिवहित्तए तो णं अहं सद्वहेआ [पत्तिएआ रोएआ जहा-अन्नो जीवो अन्नं सरिरं नो तज्जीवो तं सरिरं जम्हा णं भंते सद्येव पुरिसे जुण्णे [जराजजरियदेहे सिढिलवलियावणद्धगते दंडपरिग्गहियग्गहत्थे पविरलपरिसडियदंतसेढी आउरे किसिए पिवासिए दुब्बले] परिकिलंतं नो पभू एगं महं अयभारगं जाव परिवहित्तए तम्हा सुपतिद्धित्ता मे पइण्णा [जहा-तज्जीवो तं सरिरं नो अन्नो जीवो अन्नं सरिरं]

तए णं केसी कुमार-समणे पएसिं रायं एवं वयासी-से जहानामए-केइ पुरिसे तरुणे जाव निउणसिण्णोवगए नविचाए विहंगियाए नवएहिं सिक्कएहिं नवएहिं पच्छियापिडएहिं पभू एगं महं अयभारगं वा [तउयभारगं वा सीसगभारगं वा] परिवहित्तए हंता पभू पएसी से चेव णं पुरिसे तरुणे जाव निउण-सिण्णोवगए जुण्णियाए दुब्बलियाए धुणम्बइयाए विहंगियाए जुण्णएहिं दुब्बलएहिं धुणम्बइएहिं सिढिल-त्तापिणद्धएहिं सिक्कएहिं जुण्णएहिं दुब्बलएहिं धुणम्बइएहिं पच्छिया-पिडएहिं पभू एगं महं अयभारगं वा [तउयभारगं वा सीसगभारगं वा] परिवहित्तए नो तिण्ढे समद्वे कम्हा णं भंते तस्स पुरिसस्स जुण्णाइं उवगरणाइं भवति एवामेव पएसी से चेव पुरिसे जुण्णे जाव किलंतं जुण्णोवगरणे नो पभू एगं महं अयभारगं वा [तउयभारगं वा सीसगभारगं वा] परिवहित्तए तं

सद्गहाहि णं तुमं पएसी जहा-अन्नो जीवो अन्नं सरीरं नो तज्जीवो तं सरीरं । ६९।-६९

(७०) तए णं पएसी राय केसिं कुमार-समणं एव वयासी-अत्थि णं भंते [एस पत्रओ उवमा इमेणं पुण कारणेणं] नो उवागच्छइ-एवं खलु भंते [अहं अण्णा कयाइ वाहिरियाए उवड्डाणसालाए अणेग-गणनायक-दंडनायग-राईसर-तलवर-माडंबिय-कोडुंबिय-इब्ब-सेट्ठि-सेणावइ-सत्थवाह-मंति-महामंति गणग-दोवारिय-अमच्च-चेड-पीढमद-नगर-निगम-दूय-संधिवालेहिं सद्धि संपरि-बुडे] विहरामि तएणं मम नगरगुतिया चोरं उवणेति तएणं अहं तं पुरिसं जीवंतगं चेव तुलेमि तुलेत्ता छविच्छेयं अकुब्बमाणे जीवियाओ ववरोवेमि मयं तुलेमि नो चेव णं तस्स पुरिसस्स जीवंतस्स वा तुलियस्स मुयस्स वा तुलियस्स केइ अण्णत्ते वा नाणत्ते वा ओमत्ते वा तुच्छत्ते वा गरुयत्ते वा लहुयत्ते वा जति णं भंते तस्स पुरिसस्स जीवंतस्स वा तुलियस्स मुयस्स वा तुलियस्स केइ अण्णत्ते वा जाव लहुयत्ते वा तो णं अहं सद्देहज्जा [पतिहेज्जा रोएज्जा जहा-अन्नो जीवो अन्नं सरीरं नो तज्जीवो तं सरीरं] जम्हा णं भंते तस्स पुरिसस्स जीवंतस्स वा तुलियस्स मयुस्स वा तुलियस्स नत्थि केइ अण्णत्ते वा जाव गरुयत्ते वा लहुयत्ते वा तम्हा सुपतिट्ठिया मे पइण्णा जहा-तज्जीवो [तं सरीरं नो अण्णो जीवो अण्णं सरीरं] तए णं केसी कुमार-समणे पएसिं रायं एवं वयासी-अत्थि णं पएसी तुमे कयाइ वत्थी धंतपुब्बे वा धमाविज्जपुब्बे वा हंता अत्थि णं पएसी तस्स वत्थिस्स पुण्णस्स वा तुलियस्स अपुत्रस्स वा तुलियस्स केइ अण्णत्ते वा [नाणत्तेवा ओमत्ते वा तुच्छत्ते वा गरुयत्ते वा] लहुयत्ते वा नो तिणट्ठे समट्ठे एवामेव पएसी जीवस्स अगुरुलघुयत्तं पडुच्च जीवंतस्स वा तुलियस्स मुयस्स वा तुलियस्स नत्थि केइ अण्णत्ते जाव लहुयत्ते वा तं सद्गहाहि णं तुमं पएसी [जहा-अन्नो जीवो अन्नं सरीरं नो तज्जीवो तं सरीरं] ७०।-७०

(७१) तए णं पएसी राया केसिं कुमार-समणं एवं वयासी-अत्थि णं भंते एस [पत्रओ उवमा इमेणं पुण कारणेणं] नो उवागच्छइ-एवं खलु भंते अहं अण्णया [कयाइ वाहिरियाए उवड्डाणसालाए अणेग-गणनायक-दंडनायग-राईसर-तलवर-माडंबिय-कोडुंबिय-इब्ब-सेट्ठि-सेणावइ-सत्थवाह-मंति-महामंति-गणग-दोवारिय-अमच्च-चेड-पीढमद-नगर-निगम-दूय-संधिवालेहिं सद्धि संपरिबुडे] विहरामि तए णं मम नगरगुतिया ससक्खं सहोदं सलोहं सगेवेज्जं अवउडगबंधणबद्धं] चोरं उवणेति तए णं अहं तं पुरिसं सव्वतो समंता समभिलोएमि नो चेव णं तत्थ जीवं पासामि तए णं अहं तं पुरिसं दुहा फालियं करेमि नो चेव णं तत्थ जीवं पासामि एवं तिहा चउहा संखेज्जहा फालियं करेमि करेत्ता सव्वतो समंता समभिलोएमि नो चेव णं तत्थ जीवं पासामि जइ णं भंते अहं तंसि पुरिसंसि दुहा वा तिहा वा चउहा वा संखेज्जहा वा फालियंमि जीवं पासंतो तो णं अहं सद्देहज्जा [पतिहेज्जा-रोएज्जा जहा-अन्नो जीवो अन्नं सरीरं नो तज्जीवो तं सरीरं] जम्हा णं भंते अहं तंसि दुहा वा तिहा वा चउहा वा संखेज्जहा वा फालियंमि जीवं न पासामि तम्हा सुपतिट्ठिया मे पइण्णा जहा-तज्जीवो तं सरीरं [नो अन्नो जीवो अन्नं सरीरं] तए णं केसी कुमार-समणे पएसिं रायं एवं वयासी-मूढतराए णं तुमं पएसी ताओ तुच्छतराओ के णं भंते तुच्छतराए पएसी से जहानामए-केइ पुरिसा वणत्थी वणोवजीवी वणगवेसणवाए जोई च जोईभायणं च गहाय कट्ठाणं अडवि अनुपविट्ठा तए णं ते पुरिसा तीसे अगामियाए [छिण्णावायाए दीहमट्ठाए अडवीए] कंथिं देसं अनुपत्ता समाणा एणं पुरिसं एवं वयासी अन्हं णं देवाणुप्पिया कट्ठाणं अडविं पविसामो एत्तो णं तुमं जोईभायणाओ जोई गहायं अन्हं असणं साहेज्जसि अहं तं जोईभायणे जोई विज्जवेज्जा तो णं तुमं कट्ठाओ जोई गहायं अन्हं असणं

साहेजासि त्ति कट्टु कट्टाणं अडविं अनुपविट्ठा तए णं से पुरिसे तओ मुहुत्तंतरस्स तेसिं पुरिसाणं असणं साहेमि त्ति कट्टु जेणेव जोतिभायणे तेणेव उवागच्छइ जोइभायणे जोइं विज्झायमेव पासति

तए णं से पुरिसे जेणेव से कट्टे तेणेव उवागच्छइ उवागच्छित्ता तं कट्टं सव्वओ समंता समभिलोएति नो चेव णं तत्थ जोइं पासति तए णं से पुरिसे परियरं वंधइ फरसु गेण्हइ तं कट्टं दुहा फालियं करेइ सव्वतो समंता समभिलोएइ नो चेव णं तत्थ जोइं पासइ एवं [तिहा चउहा] संखेज्झा वा फालियं करेइ सव्वतो समंता समभिलोएइ नो चेव णं तत्थ जोइं पासइ तए णं से पुरिसे तंसि कट्टंसि दुहाफालिए वा [तिहाफालिए वा चउहाफालिए वा] संखेज्झाफालिए वा जोइं अपासमाणे संते तंतं परिसंते निव्विण्णे समाणे परसुं एगंते पडेइ परियरं मुयइ मुइत्ता एवं वयासी-अहो मए तेसिं पुरिसाणं असणे नो साहेए त्ति कट्टु ओहयमणसंकप्पे चिंतासोगसागरसंपविट्ठे करयलपल्लवमुहे अट्टज्झाणोवगए भूमिगयदिट्ठिए झियाइ तए णं ते पुरिसा कट्टाई छिंदंति जेणेव से पुरिसे तेणेव उवागच्छंति तं पुरिसं ओहयमणसंकप्पं जाव झियायमाणं पासंति पासित्ता एवं वयासी-किं णं तुमं देवाणुप्पिया ओहयमणसंकप्पे जाव झियायसि तए णं से पुरिसे एवं वयासी-तुब्भे णं देवाणुप्पिया कट्टाणं अडविं अनुपविसमाणा ममं एवं वयासी अहं णं देवाणुप्पिया कट्टाणं अडविं [पविसामो एतो णं तुमं जोइभाइणाओ जोइं गहाय अहं असणं साहेजासि अहं तं जोइभायणे जोइं विज्झवेज्जा तो णं तुमं कट्टाओ जोइं गहाय अहं असणं साहेजासि त्ति कट्टु कट्टाणं अडविं अनु]पविट्ठा तए णं अहं तओ मुहुत्तंतरस्स तुब्भं असणं साहेमि त्ति कट्टु जेणेव जोइभायण तेणेव उवागच्छामि जाव झियामि

तए णं तेसिं पुरिसाणं एगे पुरिसे छेए दक्खे पत्तट्ठे [कुसले महामई विणीए विण्णाणपत्ते] उवएसलद्धे ते पुरिसे एवं वयासी-गच्छह णं तुब्भे देवाणुप्पिया ण्हाया कयबलिकम्मा [कयकोउय-मंगलपायच्छित्ता] हव्वमागच्छेह जा णं अहं असणं साहेमि त्ति कट्टु परियरं वंधइ परसुं गिण्हइ सरं करेइ सरेण अरणिं महेइ जोइं पाडेइ जोइं संधुक्खेइ तेसिं पुरिसाणं असणं साहेइ तए णं ते पुरिसा ण्हाया कयबलिकम्मा [कयकोउयमंगलं]- पायच्छित्ता जेणेव से पुरिसे तेणेव उवागच्छंति तए णं से पुरिसे तेसिं पुरिसाणं सुहासणवरगयाणं तं विउलं असणं पाणं खाइमं साइमं उवगेइ तए णं ते पुरिसा तं विउलं असणं पाणं खाइमं साइमं आसाएमाणा वीसाएमाणा [परिभुंजेमाणा परिभाएमाणा एवं च णं] विहरंति जिमियभुत्तुत्तरागया वि य णं समाणा आवंता चोक्खा परमसुईभूया तं पुरिसं एवं वयासी-अहो णं तुमं देवाणुप्पिया जइ मूढे अपंडिए निव्विण्णाणे अनुवएसलद्धे जे णं तुमं इच्छसि कट्टंसि दुहा फालियंसि वा जाव जोतिं पासित्ता से एएणट्ठेणं पएसी एवं वुच्चइ मूढतराए णं तुमं पएसी ताओ तुच्छतराओ ७१-१-७१

(७२) तए णं पएसी राया केसिं कुमार-समणं एवं वयासी-जुत्ताए णं भंते तुब्भं इय छेयाणं दक्खणं पत्तट्ठाणं कुसलाणं महामईणं विणीयाणं विण्णाणपत्ताणं उवएसलद्धाणं अहं इमीसे महा-लियाए महच्चपरिसाए मज्जे उच्चावएहिं आओसेहिं आओसित्ताए उच्चावयाहिं उद्धंसणाहिं उद्धं-सित्ताए उच्चावयाहिं निब्भंछणाहिं निब्भंछित्ताए उच्चावयाहिं निच्छोडणाहिं निच्छोडित्ताए तए णं केसी कुमार-समणे पएसिं रायं एवं वयासी-जाणासि णं तुमं पएसि कति परिसाओ पत्रत्ताओ भंते जा-णामि चत्तारि परिसाओ पत्रत्ताओ तं जहा-खत्तियपरिसा गाहावइपरिसा माहणपरिसा इसिपरिसा जाणासि णं तुमं पएसी एयासिं चउण्हं परिसाणं कस्स का दंड-नीई पत्रत्ता वा हंता जाणामि जे णं

सखत्तियं-परिसाए अवरज्झइ से णं हत्थच्छिण्णए वा पायच्छिण्णए वा सीसच्छिण्णए वा सूलाइए वा एगाहघे कूडाहघे जीवियाओ ववरोविज्झइ जे णं गाहावइपरिसाए अवरज्झइ से णं तणेणं वा वेढेण वा पललेण वा वेढिता अगणिकाएणं झामिज्झइ जे णं माहणपरिसाए अवरज्झइ से णं अणिद्धाहिं [अकंताहिं अप्पियाहिं अमणुण्णाहिं अमणाभाहिं] वणूहिं उवालिभत्ता कुडियालच्छंणए वा सूणा-लंछणए वा कीरइ निव्विसए वा आणविज्झइ जे णं इसिपरिसाए अवरज्झइ से णं नाइ- जाव उवालब्भइ एवं च ताव पएसी तुमं जाणासि तहावि णं तुमं ममं वामं वामेणं दडं दंडेणं पडिकूलं पडिकूलेणं पडिलोमं पडिलोमेणं विवच्चासं विवच्चासेमं वट्ठसि

तए णं पएसी रावा केसिं कुमार-समणं एवं वयासी-एवं खलु अहं देवाणुप्पिएहिं पढमिज्झएणं चेव वागरणेणं संलद्धे तए णं ममं इमेयारूवे अज्झट्ठिए [चित्तिए पत्थिए मणोगए] संकप्पे समुपज्झिया-जहा-जहा णं एयस्स पुरिसस्स वामं वामेणं जाव विवच्चासं विवच्चासेणं वट्ठिस्सामि तहा-तहा णं अहं नाणं च नाणोवल्लभं च दंसणं च दंसणोवल्लभं च जीवं च जीवोवल्लभं च उवल्लभिस्सामि तं एएणं कारणेणं अहं देवाणुप्पियाणं वामं वामेणं जाव विवच्चासं विवच्चासेणं वट्ठिए तए णं केसी कुमार-समणे पएसिं रायं एवं वयासी-जाणासि णं तुमं पएसी कइ व्यवहारगा पत्तत्ता हंता जाणामि चत्तारि व्यवहारगा पत्तत्ता-देइ नामेगे नो सण्णवेइ सण्णवेइ नामेगे नो देइ एगे देइ वि सण्णवेइ वि एगे नो देइ नो सण्णवेइ जाणासि णं तुमं पएसी एएसिं चउण्हं पुरिसाणं के व्यवहारी के अव्ववहारी हंता जाणामि-तत्थ णं जेसे पुरिसे देइ नो सण्णवेइ से णं पुरिसे व्यवहारी तत्थ णं जेसे पुरिसे नो देइ सण्णवेइ से णं पुरिसे व्यवहारी तत्थ णं जेसे पुरिसे देइ वि सण्णवेइ वि से पुरिसे व्यवहारी तत्थ णं जेसे पुरिसे नो देइ नो सण्णवेइ से णं अववाहारी एवामेव तुमं पि व्यवहारी नो चेव णं तुमं पएसी अववहारी । ७२।-७२

(७३) तए णं पएसी राया केसिं कुमार-समणं एवं वयासी-तुब्बे णं भंते इय छेया दक्खा [पत्तद्वा कुसला महामई विणीया विण्णाणपत्ता] उवएसलद्धा समत्था णं भंते ममं करयलंसि वा आमलं जीवं सरीराओ अभिनिवट्ठिताणं उवदंसितए तेणं कालेणं तेणं समएणं पएसिस्स रण्णो अदूरसामंतं वाउयाए संवुत्ते तणवणस्सइकाए एयइ वेयइ चलइ फंदइ घट्टइ उदीरइ तं तं भावं परिणमइ तए णं केसी कुमार-समणे पएसिं रायं एवं वयासी-पाससि णं तुमं पएसी राया एयं तणवणस्सइकायं एयंतं जाव तं तं तं भावं परिणमंतं हंता पासामि जाणासि णं तुमं पएसी एयं तणवणस्सइकायं किं देवो चालेइ असुरो वा चालेइ नागो वा चालेइ किन्नरो वा चालेइ किंपुरिसे वा चालेइ महोरगो वा चालेइ गंधव्वो वा चालेइ हंता जाणामि-नो देवो चालेइ जाव नो गंधव्वो चालेइ वाउयाए चालेइ पाससि णं तुमं पएसी एयस्स वाउकायस्स सख्विस्स सकम्मस्स सरागस्स समोहस्स सवेयस्स सलेसस्स ससरीरस्स रूवं नो तिण्ठे समट्ठे

जइ णं तुमं पएसी एयस्स वाउकायस्स सख्विस्स जाव ससरीरस्स रूवं न पाससि तं कहं णं पएसी तव करयलंसि वा आमलगं जीवं सरीराओ अभिनिवट्ठिताणं उवदंसिस्सामि एवं खलु पएसी दसट्ठाणाइ छउमत्थे मणुस्से सव्वभावेणं न जाणइ न पासइ तं जहा-धम्मत्थिकायं अधम्मत्थिकायं आगा- सत्थिकायं जीवं असरीरवट्ठं परमाणुपोगलं सट्ठं गंधं वायं अयं जिणे भविस्सइ वा नो भविस्सइ अयं सव्वदुक्खाणं अंतं करिस्सइ वा नो वा करिस्सइ एताणि चेव उप्पन्ननाणदंसणधरे

अरहा जिणे केवली सव्वभावेणं जाणइ पासइ तं जहा-धम्मत्थिकायं [अधम्मत्थिकायं आग-  
सत्थिकायं जीवं असरीरवद्धं परमाणुपोग्गलं सद्धं गंधं वायं अयं जिणे भविस्सइ वा नो भविस्सइ अयं  
सव्वदुक्खणं अंतं करिस्सइ वा] नो वा करिस्सइ तं सद्धहहि णं तुमं पएसी जहा-अन्नो जीवो अन्नं  
सरीरं नो तज्जीवो तं सरीरं । ७३।-73

(७४) तए णं से पएसी राया केसिं कुमार-समणं एवं वयासी-से नूणं भंते हत्थिस्स कुंयुस्स य  
समे चेव जीवे हंता पएसी हत्थिस्स य कुंयुस्स य समे चेव जीवे से नूणं भंते हत्थीओ कुंयू अप्प-  
कम्मतराए चेव अप्पकिरियतराए चेव अप्पासवतराए चेव [अप्पाहारतराए चेव अप्पनीहारतराए  
चेव अप्पुस्सासतराए चेव अप्पनीसासतराए चेव अप्पिड्ढितराए चेव अप्पमहतराए चेव अप्पजु-  
इतराए चेव] कुंयुओ हत्थी महाकम्मतराए चेव महाकिरिय [तराए चेव महासवतराए चेव महाहार-  
तराए चेव महानीहारतराए चेव महाउस्सासतराए चेव महानीसासतराए चेव महिड्ढितराए चेव  
महामहतराए चेव महजुइतराए चेव] हंता पएसी हत्थीओ कुंयू अप्पकम्मतराए चेव कुंयुओ वा हत्थी  
महाकम्मतराए चेव [हत्थीओ कुंयू अप्पकिरियतराए चेव कुंयुओ वा हत्थी महाकिरियतराए चेव  
हत्थीओ कुंयू अप्पासवतराए चेव कुंयुओ वा हत्थी महासवतराए चेव एवं आहार-नीहार-उस्सास-  
नीसास-इड्ढि-महजुइएहि इत्थीओ कुंयू अप्पतराए चेव कुंयुओ वा हत्थी महातराए चेव]

पएसी से जहानामए कूडागारसाला सिवा-[दूहओ लिता गुत्ता गुत्तदुवारा निवाया निवाय]  
गंधीरा अह णं केइ पुरिसे जोइं व दीवं व गहाचं तं कूडागारसालं अंतो-अंतो अनुपविसइ तीसे  
कूडागारसालाए सव्वतो समंता घण-निचिय-निरंतर-निच्छिड्डाई दुवार-वचणाई पिहेति तीसे  
कूडागारसालाए वहुमज्झदेस- भाए तं पईव पलीवेज्जा तए णं से पईवे तं कूडागारसालं अंतो-अंतो  
ओभासेइ उज्जोवेइ तावेति पभासेइ नो चेव णं बाहिं अह णं से पुरिसे तं पईवं इड्डरणं पिहेज्जा तए णं  
से पईवे तं इड्डरयं अंतो-अंतो ओभासेइ उज्जोवेइ तावेति पभासेइ नो चेव णं इड्डरगस्स बाहिं नो चेव णं  
कूडागारसालं नो चेव णं कूडागारसालाए बाहिं एवं-गोकिलिजेणं पच्छियापिडएणं गंडमाणियाए  
आढएणं अट्ठाढएणं पत्थएणं अद्धपत्थएणं कुलवेणं अद्धकुलवेणं चाउब्भाइयाए अट्ठभाइयाए  
सोलसियाए बत्तीसियाए चउसड्डियाए अह णं से पुरिसे तं पईवं दीवचंपएणं पिहेज्जा तए णं से पदीवे  
दीवचंपगस्स अंतो-अंतो ओभासेति उज्जावेइ तावेति पभासेइ नो चेव णं दीवचंपगस्स बाहिं नो चेल  
णं चउसड्डिया बाहिं नो चेव णं कूडागारसालं नो चेव णं कूडागारसालाए बाहिं एवामेव पएसी जीवे  
विजं जारिसयं पुव्वकम्मनिवद्धं बोदिं निव्वत्तेइ तं असंखेजेहिं जीवपदेसेहिं सचिच्छीकरेइ-बुड्डियं वा  
महालियं वा तं सद्धहहिणं तुमं पएसी जहा-अन्नो जीवो अन्नं सरीरं नो तज्जीवो तं सरीरं । ७४।-1-74

(७५) तए णं पएसी राया केसिं कुमार-समणं एवं वयासी-एवं खलु भंते मम अज्जगस्स एस  
सण्णा [एस पड्डण्णा एस दिट्ठी एस रुई एस हेऊ एस उवएसे एस संकप्पे एस तुला एस माणे एस  
पमाणे एस] समोसरणे जहा-तज्जीवो तं सरीरं नो अन्नो जीवो अन्नं सरीरं तयाणंतरं च णं ममं पिउणो  
वि एस सण्णा [तज्जीवो तं सरीरं नो अन्नो जीवो अन्नं सरीरं] तयाणंतरं मम वि एस सण्णा तज्जीवो तं  
सरीरं नो अन्नो जीवो अन्नं सरीरं तं नो खलु अहं बहुपुरिसपरंपरागयं कुलणिस्सियं दिट्ठि छट्ठेस्सामि  
तए णं केसी कुमार-समणे पएसिरायं एवं वयासी-मा णं तुमं पएसी पच्छाणुताविए भवेज्जासि जहा व  
से पुरिसे अयहारए के णं भंते से अयहारए पएसी से जहानामए-केइ पुरिसा अत्थत्थी अत्थगवेसी

अथलुङ्गा अथकंखिवा अथ- पिवासिया अत्यगवेसणायाए विउलं पणियभंडमायाए सुबहुं भत्तापाणं-पत्थयणं गहाय एगं महं अगामियं छिण्णावायाए दीहमद्धाए अडवीए कंचि देसं अनुपत्ता समाणा एगमहं अयागरं पासंति-अएणं सव्वतो समंता आइण्णं विच्छिण्णं सच्छडं उवच्छडं फुडं अवगाढं गाढं पासंति पासित्ता हट्ठुत्तु जाव-हियया अण्णमण्णं सद्दावेत्ति सद्दावेत्ता एवं वयासी एसं णं देवाणुप्पिया अयभंडे हट्ठे कंते [पिए मणुण्णे] मणामे तं सेयं खलु देवाणुप्पिया अहं अयभारवं बंधित्तए ति कट्ठ अन्नमन्नस्स अंतिए एयमद्धं पडिसुणेंति अयभारं वंधंति बंधित्ता अहाणुपुब्बिए संपत्थिया

तए णं ते पुरिसा तीसे अगामियाए छिण्णावायाए दीहमद्धाए अडवीए कंचि देसं अनुपत्ता समाणा एगं महं तउआगरं पासंति-तउएणं आइण्णं [विच्छिण्णं सच्छडं उवच्छडं फुडं अवगाढं गाढं पासंति पासित्ता हट्ठुत्तु-चित्तमाणंदिया पीइमणा परमसोमणस्सिया हरिसवस-विसप्पमाणहियया अण्णमण्णं सद्दावेत्ति सद्दावेत्ता एवं वयासी-एसं णं देवाणुप्पिया तउयभंडे [इट्ठे कंते पिए मणुण्णे] मणामे अप्पेणं चेव तउएणं सुबहुं अए लव्वमति तं सेयं खलु देवाणुप्पिया अयभारवंछट्ठेत्ता तउयभारवं बंधित्ताए ति कट्ठ अन्नमन्नस्स अंतिए एयमद्धं पडिसुणेंति अयभारं छट्ठेंति तउयभारं वंधंति तत्थ णं एगे पुरिसे नो संचाएइ अयभारं छट्ठेत्ता तउयभारं बंधित्तए तए णं ते पुरिसा तं पुरिसं एवं वयासी-एसं णं देवाणुप्पिया तउयभंडे जाव सुबहुं अए लव्वमति तं छट्ठेहि णं देवाणुप्पिया अयाभारवं तउयभारवं बंधाहि तए णं से पुरिसे एवं वयासी-दूराहडे मे देवाणुप्पिया अए चिराहडे मे देवाणुप्पिया अए अइगाढबंधणवद्धे मे देवाणुप्पिया अए असिलिद्धबंधणवद्धे मे देवाणुप्पिया अए धणियबंधणवद्धे मे देवाणुप्पिया अए-नो संचाएमि अयभारवंछट्ठेत्ता तउयभारवं बंधित्तए तए णं ते पुरिसा तं पुरिसं जाहे नो संचाएन्ति वहुहिं आपवणाहिं य पन्नवणाहिं य आपवित्तए वा पन्नवित्तए वा तया अहाणुपुब्बिए संपत्थिया

तए णं ते पुरिसा तीसे अगामियाए छिण्णावायाए दीहमद्धाए अडवीए कंचि देसं अनुपत्ता समाणा एगं महं तंवागरं पासंति तया अहाणुपुब्बिए संपत्थिया तए णं ते पुरिसा तीसे अगामियाए छिण्णावायाए दीहमद्धाए अडवीए कंचि देसं अनुपत्ता समाणा एगं महं रुप्पागरं पासंति तया अहाणुपुब्बिए संपत्थिया तए णं ते पुरिसा तीसे अगामियाए छिण्णावायाए दीहमद्धाए अडवीए कंचि देसं अनुपत्ता समाणा एगं महं सुवण्णागरं पासंति तया अहाणुपुब्बिए संपत्थिया तए णं ते पुरिसा तीसे अगामियाए [छिण्णावायाए दीहमद्धाए] अडवीए कंचि देसं अनुपत्ता समाणा एगं महं रयणागरं पासंति तया अहाणुपुब्बिए संपत्थिया तए णं ते पुरिसा तीसे अगामियाए छिण्णावायाए दीहमद्धाए अडीए कंचि देसं अनुपत्ता समाणा एगं महं वइरागरं पासंति-वइरेणं आइण्णं विच्छिण्णं सच्छडं उवच्छडं फुडं अवगाढं गाढं पासंति पासित्ता हट्ठुत्तु-चित्तमाणंदिया पीइमणा परमसो-मणस्सिया हरिसवस-विसप्पमाणहियया अन्नमन्नं सद्दावेत्ति सद्दावेत्ता एवं वयासी-एसं णं देवाणु-प्पिया वइरभंडे इट्ठे कंते पिए मणुण्णे मणामे अप्पेणं चेव वइरेणं सुबहुं रयणे लव्वमति तं सेयं खलु देवाणुप्पिया रयणभारवं छट्ठेत्ता वइरभारवं बंधित्तए ति कट्ठ अण्णमण्णस्स अंतिए अयमद्धं पडि-सुणेंति रयणभारं छट्ठेंति वइरभारं बंधंति तए णं से पुरिसे नो संचाएइ अयभारं छट्ठेत्ता वइरभारं बंधित्तए तए णं ते पुरिसा तं पुरिसं एवं वयासी-एसं णं देवाणुप्पिया वइरभंडे इट्ठे कंते पिए मणुण्णे मणामे अप्पेणं चेव वइरेणं सुबहुं अए लव्वमति तं छट्ठेहि णं देवाणुप्पिया अयभारवं वइरभारवं बंधाहि

तए णं से पुरिसे एवं वयासी-दूराहडे मे देवाणुप्पिया अह चिराहडे मे देवाणुप्पिया अह अङ्गाद्वबंधणवद्धे मे देवाणुप्पिया अए असिलिद्धबंधणवद्धे मे देवाणुप्पिया अए धणियबंधणवद्धे मे देवाणुप्पिया अए-नो संचाएमि अवभारगं छहेत्ता वइरभारयं बंधितए तए णं ते पुरिसा तं पुरिसं जाहे नो संचाएति बहूहि आघवणाहि य पन्नवणाहि य आघवितए वा पन्नवितए वा तया अहाणुपुक्वीए संपत्थिया। तए णं ते पुरिसा जेणेव सया जणवया जेणेव साइं-साइं नगराइं तेणेव उवागच्छंति वइर-वेयणं करंति सुबहुं दासी-दास-गो-महिस-गवेलगं गियहंति अट्ठतलमूसिय-पासायवडंसे करा-वंति ण्हाया कयहवलिकम्मा उप्पि पासावरगया फुट्टमाणेहिं भुइंगमत्यएहिं बत्तीसइवद्धएहिं नाड-एहिं वरतरुणीसंपउत्तेहिं उवपच्चिज्जमाणा उवगिज्जमाणा उवलालिज्जमाणा इहे सद्-फरिस-जाव विहरंति तए णं से पुरिसे अयभारए जेणेव सए नगरे तेणेव उवागच्छइ अवभारगं गहाय वेयणं करंति तंसि अयपुगलंसि निट्ठि-यंसि झीणपरिव्वए ते पुरिसे उप्पि पासचवरगए जाव विहरमाणे पससि पासिता एवं वयासी-अहो णं अहं अधन्ने अपुत्रे अकयत्थे अकयलक्खणे हिरिसिरिवज्जिए हीनपुत्र-चाउट्ठसे दुरंतपंतलक्खणे जति णं अहं भित्ताण वा नाईण वा नियमाण वा सुणेंतओ तोणं अहं पि एवं वेव उप्पि पासाचवरगए जाव विहरंतो से तेणट्ठेणं पएसी एवं बुछइ-मा णं तुमं पएसी पच्छापुताविए भवेज्जासि जहा व से पुरिसे अवभारए । ७५।-७५

(७६) एत्थ णं से पएसी राया संवुद्धे केसि कुमार-समणं वंदइ नमंसइ वंदिता नमंसिता एवं वयासी-तो खलु भंते अहं पच्छाणुताविए भविस्सामि जहा व से पुरिसे अवभारए तं इच्छामि णं देवणुप्पियाणं अंतिए केवलपन्नंतं धम्मं निसमित्तए अहामुहं देवाणुप्पिया मा पडिवंधं करेहि धम्मकहा जहाचित्तस्सा निदिधम्मं पडिवज्जइ जेणेव सेयविया नगरी तेणेव पहारेत्थ गमणाए । ७६।-७६

(७७) तए णं केसी कुमार-समणे पएसिं रावं एवं वयासी-जाणासि णं तुमं पएसी कए आचरिया पन्नता हंता जाणामि तओ आचरिआ पन्नता तंजहा-कलायरिए सिप्पायरिए धम्मायरिए जाणासि णं तुमं पएसी तेसि तिण्हं आयरियाणं कस्स का विनयपडिवत्ती पउंजियव्वा हंता जाणामि-कलायरियस्स सिप्पायरियस्स उवलेयणं संमज्जणं वा करेज्जा पुप्फाणि वा आणवेज्जा मज्जावेज्जा मंडा-वेज्जा भोवावेज्जा वा विउलं जीवियारिहं पीइदाणं दलएज्जा पुत्ताणुपुत्तियं वित्तिं कप्पेज्जा जत्थेव धम्मा-यरियं पासिज्जा तत्थेव वंदेज्जा नमंसेज्जा सक्कारेज्जा सम्माणेज्जा कल्लाणं मंगलं देवयं वेइयं पनुवासेज्जा फासुएसगिज्जेणं असणपाणखाइमसाइमेणं पडिलाभेज्जा पाडिहारिएणं पीढ-फल-सेज्जा संधारएणं उवनिमंतेज्जा एवं च तावं तुमं पएसी एवं जाणासि तहावि णं तुमं ममं कामं वामेणं [दंडं दंडेणं पडिकूलं पडिकूलेणं पडिलोमं पडिलोमेणं विवच्चासं विवच्चासेणं] वट्ठित्ता ममं एयमट्ठं अकजामित्ता जेणेव सेयविया नगरी तेणेव पहारेत्थ गमणाए

तए णं से पएसी राया केसि कुमार-समणं एवं वयासी-एवं खलु भंते मम एयास्सवे अज्झ-त्थिए [चित्तिए पत्थिए मनोगए संकप्पे] समुण्णज्जित्था-एवं खलु अहं देवाणुप्पियाणं वामं वामेणं [दंडं दंडेणं पडिकूलं पडिकूलेणं पडिलोमं पडिलोमेणं विवच्चासं विवच्चासेणं] वट्ठिए तं सेवं खलु मे कल्लं पाउप्पभायाए रयणीए फुल्ल-कमल-कोमलुम्मिलियम्मि अहापंडुरे पभाए रत्तासोगपास-क्रियुय-सुयनुह-गुंजद्धारगसरिसे कमलगार-नत्तिणिंसंडवोहए उट्ठियम्मि सूरु सहस्सरसिप्पि दिणवरो तेवसा जलंते अंतंउरपरियालसद्धिं संपरिवुडस्स देवाणुप्पिए वंदिता नमंसिता एयमट्ठं भुज्जो भुज्जो

सम्पं दिणएणं खामित्तए त्ति कट्ठु जामेव दिसिं पाउब्भूए तामेव दिसिं पडिगए तए णं से पएसी राया कल्लं पाउप्पभायाए रयणीए [फुल्लुप्पल-कमल-कोमलुप्पिलियम्मि अहाण्डुरे पभाए रत्तासोगपास-किंसुच-सुचमुह-गुंजद्धरागसरिसे कमलगार-नल्लिणिसंडबोहए उट्ठियम्मि एरे सहस्सरस्सिम्मि दिणयरे] तेयस्स जलंते हट्ठुत्तु [चित्तमाणंदिए पीडमणे परमसो- मणस्सिए हरिसवस-विसप्पमाण] हियए जहेव कूणिए तहेव निग्गच्छइ-अंतेउर-परियालसद्धि संपरिवुडे पंचविहेणं अभिगमेणं [अभिगच्छइ तंजहा-सच्चित्ताण दब्बाणं विओसरणयाए अचित्ताणं दब्बाणं अविओसरणयाए एग-साडिअं उत्तरासंगकरणेणं चक्खुप्पासे अंजलिपग्गहेणं मणसो एगतीभावकरणेणं केसिं कुमार-समणं तिक्खुत्तो आयाहिणं-पयःहिणं करेइ करेत्ता] वंदइ नमंसइ एयमद्धं भुज्जो-भुज्जो सम्पं दिणएणं खामेइ । ७७९-७७

(७८) तए णं केसी कुमार-समणे पएसिस्स रण्णो सूरियकंतप्पमुहाणं देवीणं तीसे य महत्ति-महालियाए महत्तपरिसाए वाउज्जमं धम्मं परिकहेइ तए णं से पएसी राया धम्मं सोद्धा निसम्म उट्ठाए उट्ठेत्ति केसिं कुमार-समणं वंदइ नमंसइ जेणेव सेयविया नगरी तेजेव पहारेत्थ गमणाए तए णं केसी कुमार-समणे पएसिं रावं एवं वयासी-मा णं तुमं पएसी पुत्थिं रमणिजे भविता पच्छा अरमणिजे भविज्जासि जहा-से वनसंडेइ वा नट्टसालाइ वा इक्खुवाडेइ वा खलवाडेइ वा कहं णं भंते वनसंडे पुत्थिं रमणिजे भविता पच्छा अरमणिजे भवति पएसी-जया णं वनसंडे पत्तिए पुक्किए फलिए हरियगरेरिज्जमाणं सिरीए अईव-अईव उवसोभेमाणे चिट्ठइ तथा णं वनसंडे रमणिजे भवति जया णं वनसंडे नो पत्तिए नो पुक्किए नो फलिए नो हरियगरेरिज्जमाणे नो सिरीए अईव-अईव उवसोभेमाणे चिट्ठइ तथा णं जुण्णे झडे परिसडिय-पंडुपत्ते सुक्ककूक्खे इव मिलायमाणे चिट्ठइ तथा णं वणसंडे नो रमणिजे भवति जया णं नट्टसाला गिज्जइ वाइज्जइ नच्चिज्जइ अभिणिज्जइ हसिज्जइ रमिज्जइ तथा णं नट्टसाला रमणिज्जा भवइ जयाणं नट्टसाला नो गिज्जइ जाव नो रमिज्जइ तथा णं नट्टसाला अरमणिज्जा भवइ

जया णं इक्खुवाडे छिज्जइ भिज्जइ लुज्जइ खज्जइ पिज्जइ दिज्जइ तथा णं इक्खुवाडे रमणिजे भवइ जया णं इक्खुवाडे नो छिज्जइ [नो भिज्जइ नो लुज्जइ नो खज्जइ नो पिज्जइ नो दिज्जइ] तथा णं इक्खुवाडे अरमणिजे भवइ जया णं खलवाडे उच्छुब्भइ उड्डुज्जइ मलइज्जइ पुणिज्जइ खज्जइ पिज्जइ दिज्जइ तथा णं खलवाडे रमणिजे भवति जया णं खलवाडे नो उच्छुब्भइ [नो उड्डुज्जइ नो मलइज्जइ नो पुणिज्जइ नो खज्जइ नो पिज्जइ नो दिज्जइ तथा णं खलवाडे] अरमणिजे भवति से तेणट्ठेणं पएसी एवं वुच्चइ-मा णं तुमं पएसी पुत्थिं रमणिजे भविता पच्छा अरमणिजे भविज्जासि जहा-से वनसंडेइ वा [नट्टसालाइ वा इक्खुवाडेइ वा] खलवाडेइ वा तए णं पएसी केसिं कुमार-समणं एवं वयासी-नो खलु भंते अहं पुत्थिं रमणिजे भविता पच्छा अरमणिजे भविस्सामि जहा-से वनसंडेइ वा [नट्टसालाइ वा इक्खुवाडेइ वा] खलवाडेइ वा-अहं णं सेयवियापामोक्खाइं सत्तगामसहस्साइं चत्तारि भागे करि-स्सापि-एणं भागं दलवाहणस्स दलइस्सामि एणं भागं कोडागारे छुभिस्सामि एणं भागं अंतेउरस्स दलइस्सामि एणेणं भागेणं महत्तिमहालियं कूडागारसालं करिस्सामि तत्थ णं यहूहिं पुरिसेहिं दिण्ण-भइ-भत्त-वेयणेहिं विउलं असणं पाणं साइमं खाइमं उवक्खडावेत्ता यहूणं समण-माहण-भिक्षु-याणं पंथिय-पडियाणं परिभाएमाणे यहूहिं लीलव्वय-गुणव्वय-वेरमण-पच्चक्खाण-पोसहोववासेहिं अप्पाणं भावेमाणे विहरिस्सामि त्ति कट्ठु जामेव दिसिं पाउब्भूए तामेव दिसिं पडिगए । ७८०-७८

(७९) तएणं से पएसी राया कळं [पाउप्पभावाए रयणीए फुलुप्पल-कमल-कोमलुम्भि-  
लियम्मि अहापंडुरे पभाए रत्तासोग-पगास-किंसुय-सुयमुह-गुंजद्धागसरिसे कमलागरनलिणिसंड-  
बोहए उट्ठिमि सूरै सहस्सरस्सिमि दिणयां] तेयसा जलंते सेयविचापामोक्खाइं सत्तागामसहस्साइं  
चत्तारि- भाए करेइ-एगं भागं बलवाहणस्स दलयइ [एगं भागं कोट्टागारे सुभइ एगं भागं अंतेउरस्स  
दलयइ एणेणं भागेणं महत्तिमहालियं] कूडागारसालं करेइ तत्थ णं बहूहि पुरिसेहिं जाव उवक्खडा-  
वेत्ता बहूणं समण-[माहण-भिक्षुयाणं पंथिय-पहियाणं] परिभाएमाणे विहरइ ७९।-७९

(८०) तए णं से पएसी राया समणोवासए अभिगयजीवाजीवे [उवलच्छुपुत्रभावे आसव-  
संवर-निज्जर-किरियाहिगरण-बंधप्पमोक्ख-कुसले असहिजे देवासुर-नाग-सुवण्ण-जक्ख-रक्खस-  
किन्नर-किंपुरिस-गरुल-गंधव्व-महोरगाइएहिं देवगोहिं निगंथाओ पावयपाओ अणइक्क-  
मणिजे निगंथे पावयणे निस्संकिए निक्कखिए निव्वित्तिगिच्छे लद्धे गहियट्ठे अभिगयट्ठे पुच्छियट्ठे  
विणिच्छियट्ठे अट्ठिमिजपेमाणुरागरत्ते अयमाउसो निगंथे पावयणे अट्ठे परमट्ठे सेसे अणट्ठे  
ऊसियफलहे अवंगुयदुवारे चियत्तंतेउरधरप्पवेसे चाउइसट्ठमुट्ठिपुत्रमासिणीसु पडिपुत्रं पोरुहं  
सम्मं अनुपालेमाणे समणे निगंथे फासुएसणिजेणं असण-पाण-खाइम-साइमेणं पीढ-फलग-सेअ-  
संधारेणं यत्थ-पडिगह-कंचल-पायपुंडणेणं ओसह भेरज्जेणं य पडिलाभेमाणे-पडिलाभेमाणे बहूहिं  
सीलव्वय-गुण-वेरमण-पद्यक्खण-पोसहोचवासेहिं अप्पाणं भावेमाणे] विहरइ जप्पभिइं च णं  
पएसी राया समणोवासए जाए तप्पभिइं च णं रज्जं च रट्ठं च बलं च वाहणं च कोसं च कोट्टागारं च पुरं  
च अंतेउरं च जणवयं च अणाढायमाणे यावि विहरति ८०।-८०

(८१) तएणं तीसे सूरियकंता देवीए इमेयारूवे अज्झत्थिए [चित्तिए पत्थिए मणोगए संकप्पे]  
समुप्पज्जित्था-जप्पभिइं च णं पएसी राया समणोवासए जाए तप्पभिइं च णं रज्जं च रट्ठं च जाव अंतेउरं  
च ममं जणवयं च अणाढायमाणे विहरइ तं सेयं खलु मे पएसिं रायं केणवि सत्थप्पओगेणं वा  
अग्गिप्पओगेणं वा मंतप्पओगेणं वा विसप्पओगेणं वा उदवेत्ता सूरियकंतं कुमारं रजे ठवित्ता  
सयमेव रज्जसिरिं कारेमाणीए पालेमाणीए विहरित्तए त्तिकट्ठु एवं संपेहेइ संपेहिता सूरियकंतं कुमारं  
सदावेइ सदावेत्ता एवं वयासी-जप्पभिइं च णं पएसी राया समणोवासए जाए तप्पभिइं च णं रज्जं च  
जाव अंतेउरं च ममं जणवयं च माणुस्सए च कामभोगे अणाढायमाणे विहरइ तं सेयं खलु तव पुत्ता  
पएसिं रायं केणइ सत्थप्पओगेणं वा जाव उदवेत्ता सयमेव रज्जसिरिं कारेमाणस्स पालेमाणस्स  
विहरित्तए तए णं सूरियकंते कुमारं सूरियकंताए देवीए एवं बुत्ते समणे सूरियकंताए देवीए एयमट्ठं  
नो आढाइ नो परियाणाइ तुसिणीए संचिट्ठइ तए णं तीसे सूरियकंताए देवीए इमेयारूवे अज्झत्थिए  
[चित्तिए पत्थिए मणोगए संकप्पे] समुप्पज्जित्था-मा णं सूरियकंते कुमारं पएसिस्स रण्णो इमं  
रहस्समेय करिस्सइ त्ति कट्ठु पएसिस्स रण्णो छिद्राणि य मम्माणि च रहस्साणि य विवराणि य  
अंतराणि य पडिजागरमाणी-पडिजागरमाणी विहरइ तए णं सूरियकंता देवी अण्णया कयाइ  
पएसिस्स रण्णो अंतरं जाणइ जाणित्ता असणं पाणं खाइमं साइमं सव्व-यत्थ-गंध-मल्लालंकारं  
विसप्पजोगं पडंजइ पएसिस्स रण्णो ण्हावस्स [कयबलिकम्मस्स कयकोउय-मंगल] पायच्छित्तस्स  
सुहासणवरगयस्स तं विससंजुत्तं असणं [पाणं खाइमं साइमं सव्व-यत्थ-गंध-मल्लालंकारं] निसिरेइ

तए णं तस्स पएसिस्स रण्णो तं विससंजुत्तं असणं अहारेमाणस्स ससीरगंसि वेयणा

पाउव्यूया - उज्जला विपुला पगाढा कक्कसा कडुया फरुसा निडुरा चंडा तिव्या दुक्खा दुग्गा दुरहिवासा पित्त-जरपरिगयसरीरे दाहवक्कंतिए यावि विहरइ तए णं से पएसी राधा सूरियकंताए देवीए अण्ण-दुस्समाणे जेणेव पोसहसाला तेणेव उवागच्छइ पोसहसालं पविसइ उच्चारपासवणभूमिं पडिलेहेइ दब्भसंधारणं संधरइ दब्भसंधारणं दुरुहइ पुरत्याभिमुहे संपलियंकनिसण्णे करयल-परिगहियं सिर-सावत्तं मत्थए अंजलिं कट्ठु एवं बयासी-नमोत्थु णं अरहंताणं जाव सिद्धिगइनाम-धेवं टाणं संपत्ताणं नमोत्थु णं केसिस्स कुमार-समणस्स मम धम्मोवदेसगस्स धम्मावरिवस्स वंदामि णं भगवंतं तत्थगयं इहगए पासइ मे भगवं तत्थगए इहगयं ति कट्ठु वंदइ नमंसइ पुंविं पि णं मए केसिस्स कुमार-समणस्स अंतिए थूलए पाणाइवाए पच्चक्खाए [थूलए मुसावाए पच्चक्खाए थूलए अदिन्नादाणे पच्चक्खाए थूलए] परिगहे पच्चक्खाए

तं इयाणि पि णं तस्सेव भगवतो अंतिए सव्वं पाणाइवायं पच्चक्खामि [सव्वं मुसावायं पच्चक्खामि सव्वं अदिन्नादाणं पच्चक्खामि सव्वं] परिगहं पच्चक्खामि सव्वं-कोहं [माणं मायं लोहं पेज्जं दोसं कलहं अद्भक्खाणं पेसुन्नं परपरिवायं अरइरइं मायाभोसं] मिच्छादंसणसल्लं अकरणिज्जं जोयं पच्चक्खामि सव्वं असणं पाणं खाइमं साइमं चउव्विहं पि आहारं जावज्जीवाए पच्चक्खामि जं पि य मे सरीरं इट्ठं [कंतं पियं मणुणं मणामं पेज्जं वेसासियं संमयं बहुमयं अणुमयं भंडकरंडसमाणं मा णं सीयं मा णं उण्हं मा णं खुहा मा णं पिवासा मा णं वाला मा णं चोरा मा णं दंसा मा णं मसगा मा णं वाइय-पित्तिय-सिंभिय-सण्णिवाइय विविहा रोगायंका परीसहोवसणा] फुसंतु ति एयं पि य णं चरिमेहिं ऊसासनिससासेहिं दोसिरामि ति कट्ठु आलोइय-पडिक्कंते समाहिपत्ते कालमासे कालं क्रिद्या सोहम्मे कप्पे सूरियाभे विमाणे उववायसभाए [देवसयणिज्जंसि देवदूसंतरीते अंगुलस्स असंखेज्जतिभागमेतीए ओगाहणाए सूरियाभदेवत्ताए] उववण्णे तए णं से सूरियाभे देवे अहुणो-ववण्णए चेव समाणे पंचविहाए पज्जतीए पज्जतिभावं गच्छति तंजहा-आहारपज्जतीए सरीरपज्जतीए इंदियपज्जतीए आणपाणपज्जतीए भास-मणपज्जतीए तं एवं खलु गोयमा सूरियाभेणं देवेणं सा दिव्वादेविइद्धी दिव्वादेवजुती दिव्वादेवाणुभावे लद्धे पत्ते अभिसमण्णागए ।८१।८१

(८२) सूरियाभस्स णं भंते देवस्स केवतियं कालं ठिती पत्रत्ता गोयमा चत्तारि पत्तिओवमाइं ठिती पत्रत्ता से णं सूरियाभे देवे ताओ देवलोगाओ आउक्खएणं भवक्खएणं ठिइक्खएणं अनंतरं चयं चइत्ता कहिं गमिहिंति गोयमा महाविदेहे वासे जाणि इमाणि कुलाणि भवन्ति-अइद्धाइं दित्ताइं विउलाइं वित्थिण्ण-विपुल-भवण-सयणासण-जाण-वाहणाइं बहुघण-बहुजातरूव-रययाइं आ-ओग-पओग-संपउत्ताइं विच्छड्डियपउरभत्तपाणाइं बहुदासी-दास-गो-महिस-गवेलगण्णभूयाइं बहु-जणस्स अपरिभूयाइं तत्थ अण्णयरेसु कुलेसु पुतत्ताए पच्चाइस्सइ तए णं तंसि दारयांसि गम्भगयंसि चेव समाणंसि अम्मापिऊणं धम्मे दढा पइण्णा भविस्सइ

तए णं तस्स दारयस्स नवण्हं मात्ताणं बहुपडिपुत्राणं अद्धदुमाण य राइंदियाणं वितिकूकं-ताणं सुकुमालपाणिपायं अहीणपडिपुत्रपंचि-दियसरीरं लक्खण-वंजण-गुणोववेयं माणुम्माणपडि-पुत्रसुजायसव्वंगसुंदरंगं ससि-सोमकारं कंतं पियदंसणं सुरूवं दारयं पयाहिइ तए णं तस्स दारगस्स अम्मापियरो पढमे दिवसे ठितिवडिचं कोरेस्संति ततिय दिवसे चंदसूरदंसणं कोरेस्संति छट्ठे दिवसे जागरियं जागरिस्संति एक्कारसमे दिवसे दीइक्कंते संपत्ते बारसमे दिवसे निवत्ते असुइजा-

चकम्पकरणे चोक्खे समञ्जिओवलिते विउलं असण-पाण-खाइम-साइमं उवक्खडावेस्संति मित्त-  
नाइ-नियग-सयण-संबंधि-परिजणं आमं- तेत्ता तओ पच्छा ण्हाया कयवलिकम्मा जाय लंकिया  
भोयणमंडवंसि सुहासणवरगया तेणं मित्त-[नाइ-नियग-सयण-संबंधि-] परिजणेणं सद्धिं विउलं  
असणं पाणं खाइमं साइमं आसाएमाणा वीसाएमाणा परि- भुंजेमाणा परिभाएमाणा एवं च णं  
विहरिस्संति जिमियमुत्तरागया वि च णं समाणा आयंता चोक्खा परमसुइभूया तं मित्त नाइ-  
[नियग-सयण-संबंधि]-परिजणं विउलेणं वत्थ-गंध-मल्लालंकारेणं सक्कारेस्संति सम्पाणिस्संति  
तस्सेव मित्त-[नाइ-नियग-सयण-संबंधि]-परिज- णस्स पुरतो एवं बइ- स्संति -जम्हा णं देवाणुप्पिया  
इमंसि दारगंसि गव्वगयंसि चेव समाणंसि धम्मे दढा पइण्णा जाया तं होउ णं अहं एयस्स दारयस्स  
दढपइण्णे नामे णं तए णं तस्स अम्मापियरो अनुपुब्बेणं ठितिवडियं च चंदसूरदरिसणं च जारारियं च  
नामधिज्जकरणं च पजेवणं च पंचकमणं च कण्णवेहणं च संवच्छरपडिलेहणं च चूलोवणं च  
अण्णाणि च वहूणि गम्भाहाणजम्माणइयाइं महुया इड्ढी-सक्कार-समुदएणं करिस्संति। ८२।-८२

(८३) तए णं दढपतिण्णे दारगे पंचधाईपरिक्खिते-खीरधाईए मज्जणधाईए मंडणधाईए  
अंकधाईए कीलावणधाईए अण्णाहिं वहूहिं खुज्जाहिं चिलाइयाहिं वामणियाहिं वडभिचाहिं वब्ब-  
रियाहिं वउसियाहिं जोगियाहिं पल्लवियाहिं ईसिणियाहिं धारुइणियाहिं लासियाहिं लउसियाहिं  
दमिलाहिं सिहलीहिं पुलिंदीहिं आरवीहिं पक्कणीहिं वहलीहिं मुंडीहिं सबरीहिं पारसीहिं नाणा-  
देसीहिं विदेस-परिमंडियाहिं इगिय-चिंतिय-पत्थिय-विवाणयाहिं सदेस-नेक्ख-गहिय-वेसाहिं  
निउणकुसलाहिं विणीयाहिं चेडियाचक्कवाल-वरतरुणिवंद-परियाल-संपरिवुडे वरिसधर-कंचुइ-  
महयवंदपरिक्खिते हत्थाओ हत्थं साहरिज्जमाणे-साहरिज्जमाणे उवणचिज्जमाणे-उवणचिज्जमाणे  
अंकाओ अंकं परिभुज्जमाणे-परिभुज्जमाणे उवगाइज्जमाणे-उवगाइज्जमाणे उवलालिज्जमाणे-उवला-  
लिज्जमाणे उवगूहेज्जमाणे-उवगूहेज्जमाणे अवतासिज्जमाणे-अवतासिज्जमाणे परिवंदिज्जमाणे-परि-  
वंदिज्जमाणे परिवुंविज्जमाणे-परिवुंविज्जमाणे रम्मेसु मणिकोटिम-तल्लेसु परंगमाणे परंगमाणे गिरि-  
कंदरमल्लीणे विव चंपगवरपायवे निव्वाधायंसि सुहंसुहेणं परिवडिडस्सइ

तए णं तं दढपइण्णं दारगं अम्मापियरो सातिरेगअट्ठवासजायगं जाणित्ता सोभणंसि तिहि-  
करण-नक्खत्त-मुहुत्तंसि ण्हायं कय- वलिकम्मं कयकोउयमंगल-पायच्छित्तं सव्वालंकारविभूसियं  
करेता महुया इड्ढीसक्कारस-मुदएणं कलायरियस्स उवणेहिंति तए णं से कलायरिए तं दढपइण्णं  
दारगं लेहाइयाओ गणियप्पा- हाणे सउणरुक्कपज्जवसाणाओ बावत्तरि कलाओ सुतओ अत्थओ च  
गंधओ च कारणओ य सिक्खा- वेहिइ सेहावेहिइ तं जहा लेहं गणियं रुवं नइं गीयं वाइयं सरगयं  
पुक्खरगयं समतालं जूयं जणयायं पासगं अट्ठावयं पोरेक्खं दगमट्ठियं अन्नविहिं पाणविहिं  
वत्थविहिं विलेवणविहिं सयणविहिं अज्जं पहेलियं मागहियं गाहं गीइयं सिलोणं हिरण्णजुत्ति  
सुवण्णजुत्ति आभरणविहिं तरुणीपडिकम्मं इत्थिलक्खणं पुरिसलक्खणं हयलक्खणं गयलक्खणं  
गोणलक्खणं कुकुडलक्खणं छत्तलक्खणं चक्कलक्खणं दंडलक्खणं असिलक्खणं मणिलक्खणं  
कागणिलक्खणं वत्थुयिज्जं नगरमाणं खंधा- दारमाणं चारं पडिचारं वूहं पडिवूहं चक्कवूहं गरुलवूहं  
रागडूहं जुद्धं निजुद्धं जुद्धजुद्धं अड्डिजुद्धं मुड्डिजुद्धं बाहुजुद्धं लयाजुद्धं ईसत्थं छरुणवायं धणुवेयं  
हिरण्णपागं सुवण्णपागं सुतखेइं वट्ठखेइं नालिवाखेइं पत्ताखेज्जं कडगखेज्जं सज्जीवं निज्जीवं  
सउणरुक्कं इति तए णं से कलायरिए तं दढपइण्णं दारगं लेहाइयाओ गणियप्पहाणाओ सउणरुक्क-

पञ्चवासाणाओ वावत्तरि कलाओ सुत्तओ य अत्थओ य गंधओ य करणओ य सिक्खावेत्ता सेहा-  
वेत्ता अम्मापिऊण उवणेहिइ तए णं तस्स दढपइण्णस्स दारगस्स अम्मापिचरो तं कलवरियं विउलेणं  
असण-पाण-खाइम-साइमेणं वत्थ-गंध-मज्जालंकारेणं सक्कारिस्संति सम्माणिस्संति विउलं  
जीवियारिहं पीइदाणं दलइस्संति दलइत्ता पडिविसज्जेहिंति। ८३।-83

(८४) तए णं से दढपइण्णे दारए उम्मुक्कवालभावे विण्णयपरिणयमित्ते जोवण्णगमणुपत्ते  
वावत्तरिकलापंडिए नवंगसुत्तपडियोहिए अद्धारसविहदेसिप्पगारभासाविसारए गीयरई गंधव्वण-  
ट्ठुकुसले सिंगारागारचारूवे संगय-गय-इसिय-भणिय-चिड्डिय-विलास-निउण-जुत्तोवचारकुसले  
हयजोही गयजोही रहजोही वाहुजोही वाहुप्पमदी अलंभोगसमत्थे साहसिए विद्यालचारी यावि  
भविस्सइ तए णं तं दढपइण्णं दारगं अम्मापिचरो उम्मुक्कवालभावं जावदियालचारिं च विद्याणिता  
विउलेहिं अण्णभोगेहिं य [पाणभोगेहिं य लेणभोगेहिं य वत्थभोगेहिं य] सयणभोगेहिं य उवनिमं-  
तेहिंति तए णं दढपइण्णे दारए तेहिं विउलेहिं अण्णभोगेहिं [पाणभोगेहिं लेणभोगेहिं वत्थभोगेहिं]  
सयणभोगेहिं नो सज्जिहिंति नो गिज्झिहिंति नो मुज्झिहिंति नो अज्झोववज्झिहिंति से जहानामए  
पउमुप्पलेइ वा पउमेइ वा [कुमुएइ वा नलिणेइ वा सुमगेइ वा सुगंधिएइ वा पोंडरीएइ वा महापोंड-  
रीएइ वा] सयपत्तेइ वा सहस्सपत्तेइ वा पंके जाते जले संवुइडे नोवलिप्पइ पंकरएणं नोवलिप्पइ  
जलरएणं एवामेव दढपइण्णे वि दारए कामेहिं जाए भोगेहिं संवडिइए नोवलिप्पिहिंति [कामरएणं  
नोवलिप्पिहिंति भोगरएणं नोवलिप्पिहिंति] मित्त-नाइ-नियग-सयण-संवंधि-परिजणेणं से णं तहा-  
रूवाणं धेराइणं अंतिए केवलं बोहिं बुज्झिहिंति मुंडे भवित्ता अगाराओ अणगारियं पव्वइस्सति

से णं अणगारे भविस्सइ-इरियासमिए [भासासमिए एसणासमिए आयाण-भंड-मत्त-  
निकखेवणासमिए उच्चार-पासवण-खेल-सिंधाण-जल्ल-परिद्वयणिग्यासमिए मणगुत्ते वयगुत्ते काय-  
गुत्ते गुत्ते गुत्तिंदिए गुत्तवंभवारी अममे अकिंचणे निरुवलेवे कंसपाईव मुक्कतोए संखो इव निरांजणे  
जीवो विव अप्पडिहयगइ जच्चकणगं पिव जायरूवे आदरिसफलगा इव पागडभावे कुम्पो इव  
गुत्तिंदिए पुक्खरपत्तं व निरुवलेवे गणणमिव निरालंबणे अनिलो इव निरालए चंदो इव सोमलेसे  
सूरो इव दित्ततेए सागरो इव गंधीरे विहग इव सव्वओ विष्णुमुक्के मंदरो इव अप्पकंप्पे सारयसलिलं  
व पुद्धहियए खण्णविसाणं व एगजाए भारुंडपक्खी व अप्पमत्ते कुंजरो इव सोंडीरे वसभो इव  
जायत्यामे सीहो इव दुद्धरिसे वसुंधरा इव सव्वफासविसहे] सुहुयहुयासणे इव तेयसा जलंते तस्स णं  
भगवतो अनुत्तरेणं नाणेणं अनुत्तरेणं दंसणेणं अनुत्तरेणं चरित्तेणं अनुत्तरेणं आलएणं अनुत्तरेणं  
विहारेणं अनुत्तरेणं अज्रवेणं अनुत्तरेणं महवेणं अनुत्तरेणं लाघवेणं अनुत्तराए खंतीए अनुत्तराए  
गुत्तीए अनुत्तराए मुत्तीए अनुत्तरेणं सव्वसंजम-सुचरियतवफल-निव्वाणमगेणं अप्पाणं भावे-  
माणस्स अनते अनुरारे कसिणे पडिपुत्ते निरावरणे निव्वाधाए केवलवरनाणंदसणे समुप्पज्झिहिंति

तए णं से भगवं अरहा जिणे केवली भविस्सइ सदेवमणुयासुरस्स लोगरस्स परिवायं  
जणिहिंति तं जहा- आगतिं गतिं टिटिं चवणं उववायं तक्कं कडं मणोमाणसियं खइयं भुत्तं पडि-  
सेवियं आवीकम्मं रहोक्कम्मं अरहा अरहस्सभागी तं कालं तं मणवयकायजोगे यट्टमाणानं सव्वलोए  
सव्वर्जावाणं सव्वभावे जाणमाणे पासमाणे विहरिस्सइ तए णं दढपइण्णे केवली एयारूवेणं  
विहारेणं विहरमाणे वहुइं वासाइं केवलिपरिवाणं पाउणिहिंति पाउणिता अप्पणो आउसेसं आभो-  
एत्ता वहुइं भत्ताइं पच्चवखाइस्सइ वहुइं भत्ताइं अणसणाए छेइस्सइ जस्सइए कीरइ नगभावे

मुंडभावे केसलोए बंभचेरवासे अण्हाणगं अदंतमणगं अच्छत्तगं अनुवाहणगं भूमिसेज्जाओ फलह-  
सेज्जाओ परधरपवेसो लद्धावलद्धाई माणावमाणाई परेसिं हीलणाओ निंदणाओ खिसणाओ तज्ज-  
णाओ ताडणाओ गरहणाओ उच्चावया विरुवरुवा बावीसं परिसहोवसग्गा गामकंटगा अहिया-  
सिज्जंति तमट्ठं आराहेहिइ आराहिता चरिमेहिं उत्सास-निस्सासेहिं सिज्झिहिति बुज्झिहिति मुच्चि-  
हिति परिनिव्वाहिति सब्बदुक्खाणमंतं करेहिति ।८४।-८५

(८५) सेवं भंते सेवं भंते त्ति भगवं गोयमे समणं भगवं महावीरं वंदइ नमंसइ वंदित्ता  
नमंसित्ता संजमेणं तवसा अप्पाणं भावेमाणे विहरति, नमो जिणाणं जियभयाणं, नमो सुयदेवयाए  
भगवइए, नमो पन्नत्तीए भगवइए, नमो भगवओ अरहओ पासस्स, पस्से सुपस्से पस्सवणी नमो

।८५।-८५

१३ रायपसेणियं सम्मत्तं

बीतियं उवंगं समत्तं

[5]

## -: अ-भा-रा-प्र-का-श-नी :-

- [१] अभिनव हेम लघुप्रक्रिया -१- सप्ताङ्ग विवरणम्
- [२] अभिनव हेम लघुप्रक्रिया -२- सप्ताङ्ग विवरणम्
- [३] अभिनव हेम लघुप्रक्रिया -३- सप्ताङ्ग विवरणम्
- [४] अभिनव हेम लघुप्रक्रिया -४- सप्ताङ्ग विवरणम्
- [५] मृदन्तमाला
- [६] चैत्यवन्दन पर्वमाला
- [७] चैत्यवन्दन सङ्ग्रह - तीर्थजिनविशेष
- [८] चैत्यवन्दन चोविशी
- [९] शत्रुञ्जय भक्ति [आवृत्ति-दो]
- [१०] अभिनव जैन पञ्चाङ्ग - २०४६
- [११] अभिनव उपदेश प्रासाद -१- श्रावक कर्तव्य - १ थी ११
- [१२] अभिनव उपदेश प्रासाद -२- श्रावक कर्तव्य - १२ थी १५
- [१३] अभिनव उपदेश प्रासाद -३- श्रावक कर्तव्य - १५ थी ३५
- [१४] नवपद-श्रीपाल- [शाश्वती ओणीना व्याख्यान रूपे]
- [१५] समाधिभरु [विधि-सूत्र-पद्य-आराधना- भरुल्लेख-संग्रह]
- [१६] चैत्यवन्दनमाणा [७७८ चैत्यवन्दनो नो संग्रह]
- [१७] तत्त्वार्थ सूत्र प्रबोधटीका [अध्याय-१]
- [१८] तत्त्वार्थ सूत्रना आगम आधार स्थानो
- [१९] सिद्धायलनो साथी [आवृत्ति-मे]
- [२०] चैत्यपरिपाटी
- [२१] अमदावाद जिनमंदिर उपाश्रय आदि डिरेक्टर
- [२२] शत्रुञ्जय भक्ति [आवृत्ति-मे]
- [२३] श्री नवकारभंज नवलाभ जाप नोंधपोथी
- [२४] श्री यारित्र पद ओक करोड जाप नोंधपोथी
- [२५] श्री बारजत पुस्तिका तथा अन्य नियमो [आवृत्ति-यार]
- [२६] अभिनव जैन पंथांग- २०४२; [सर्व प्रथम, १३ विभागीयों]
- [२७] श्री ज्ञानपद पूजा
- [२८] अंतिम आराधना तथा साधु साध्वी काणधर्म विधि
- [२९] श्रावक अंतिम आराधना [आवृत्ति-त्रय]
- [३०] वीतराग स्तुति संयम [११५१-भाववाही स्तुतिओ]
- [३१] (पूज्य आगमोद्धारकश्रीना समुदायना) कापमी संपर्क स्थगो
- [३२] तत्त्वार्थाधिगमसूत्र अभिनवटीका- अध्याय-१
- [३३] तत्त्वार्थाधिगमसूत्र अभिनवटीका - अध्याय-२
- [३४] तत्त्वार्थाधिगमसूत्र अभिनवटीका- अध्याय-३

## [6]

- [३५] तत्त्वार्थाधिगम सूत्र अभिनवटीका- अध्याय-४  
 [३६] तत्त्वार्थाधिगम सूत्र अभिनवटीका- अध्याय-५  
 [३७] तत्त्वार्थाधिगम सूत्र अभिनवटीका- अध्याय-६  
 [३८] तत्त्वार्थाधिगम सूत्र अभिनवटीका- अध्याय-७  
 [३९] तत्त्वार्थाधिगम सूत्र अभिनवटीका- अध्याय-८  
 [४०] तत्त्वार्थाधिगम सूत्र अभिनवटीका- अध्याय-९  
 [४१] तत्त्वार्थाधिगमसूत्र अभिनवटीका- अध्याय-१०



[४२] आयारो	[आगमसुत्ताणि-१ ]	पढमं अंगसुत्तं
[४३] सूवगडो	[आगमसुत्ताणि-२ ]	वीअं अंगसुत्तं
[४४] ठाणं	[आगमसुत्ताणि-३ ]	तइयं अंगसुत्तं
[४५] समवाओ	[आगमसुत्ताणि-४ ]	चउत्थं अंगसुत्तं
[४६] विवाहपन्नत्ति	[आगमसुत्ताणि-५ ]	पंचमं अंगसुत्तं
[४७] नायाधम्मकहाओ	[आगमसुत्ताणि-६ ]	छट्ठं अंगसुत्तं
[४८] उवासगदसाओ	[आगमसुत्ताणि-७ ]	सत्तमं अंगसुत्तं
[४९] अंतगडदसाओ	[आगमसुत्ताणि-८ ]	अट्ठमं अंगसुत्तं
[५०] अनुत्तरोववाईयदसाओ	[आगमसुत्ताणि-९ ]	नवमं अंगसुत्तं
[५१] पणहावागरणं	[आगमसुत्ताणि-१० ]	दसमं अंगसुत्तं
[५२] विवागसूयं	[आगमसुत्ताणि-११ ]	एक्करसमं अंगसुत्तं
[५३] उववाइअं	[आगमसुत्ताणि-१२ ]	पढमं उवंगसुत्तं
[५४] रायपसेणिचं	[आगमसुत्ताणि-१३ ]	वीअं उवंगसुत्तं
[५५] जीवाजीवाभिगम	[आगमसुत्ताणि-१४ ]	तइयं उवंगसुत्तं
[५६] पन्नवणा-सुत्त	[आगमसुत्ताणि-१५ ]	चउत्थं उवंगसुत्तं
[५७] सूरपन्नत्ति	[आगमसुत्ताणि-१६ ]	पंचमं उवंगसुत्तं
[५८] चंदपन्नत्ति	[आगमसुत्ताणि-१७ ]	छट्ठं उवंगसुत्तं
[५९] जंबूद्धीवपन्नत्ति	[आगमसुत्ताणि-१८ ]	सत्तमं उवंगसुत्तं
[६०] निरयावत्तियाणं	[आगमसुत्ताणि-१९ ]	अट्ठमं उवंगसुत्तं
[६१] कप्पवडिंसयाणं	[आगमसुत्ताणि-२० ]	नवमं उवंगसुत्तं
[६२] पुप्फियाणं	[आगमसुत्ताणि-२१ ]	दसमं उवंगसुत्तं
[६३] पुप्फचूलियाणं	[आगमसुत्ताणि-२२ ]	एक्करसमं उवंगसुत्तं
[६४] बण्हिदसाणं	[आगमसुत्ताणि-२३ ]	बारसमं उवंगसुत्तं
[६५] धउसरण	[आगमसुत्ताणि-२४ ]	पढमं पईण्णगं
[६६] आउरपच्चक्खाण	[आगमसुत्ताणि-२५ ]	वीअं पईण्णगं
[६७] महापच्चक्खाण	[आगमसुत्ताणि-२६ ]	तइअं पईण्णगं
[६८] भत्त परिण्ण	[आगमसुत्ताणि-२७ ]	चउत्थं पईण्णगं

## [7]

[૬૧] તંદુલવેયાલિયં	[આગમસુત્તાણિ-૨૮ ]	પંચમં પર્વણગં
[૭૦] સંયારાં	[આગમસુત્તાણિ-૨૯ ]	છટ્થં પર્વણગં
[૭૧] ગચ્છાચાર	[આગમસુત્તાણિ-૩૦-૧ ]	સત્તમં પર્વણગં-૧
[૭૨] ચંદાવિજય	[આગમસુત્તાણિ-૩૦-૨ ]	સત્તમં પર્વણગં-૨
[૭૩] ગણિવિજ્ઞા	[આગમસુત્તાણિ-૩૧ ]	અટ્ઠમં પર્વણગં
[૭૪] દેવિદત્યઓ	[આગમસુત્તાણિ-૩૨ ]	નવમં પર્વણગં
[૭૫] પરણસમાદિ	[આગમસુત્તાણિ-૩૩/૧ ]	દસમં પર્વણગં-૧
[૭૬] વીરાત્યવ	[આગમસુત્તાણિ-૩૩/૨ ]	દસમં પર્વણગં-૨
[૭૭] નિસીહ	[આગમસુત્તાણિ-૩૪ ]	પદ્મં છેયસુતં
[૭૮] યુહત્ કમ્પો	[આગમસુત્તાણિ-૩૫ ]	વીઅં છેયસુતં
[૭૯] વવહાર	[આગમસુત્તાણિ-૩૬ ]	તદ્અં છેયસુતં
[૮૦] દસાસુયક્ષ્મંધં	[આગમસુત્તાણિ-૩૭ ]	ચતુત્થં છેયસુતં
[૮૧] જીયકમ્પો	[આગમસુત્તાણિ-૩૮/૧ ]	પંચમ છેયસુતં-૧
[૮૨] પંચકમ્પભાસ	[આગમસુત્તાણિ-૩૮/૨ ]	પંચમ છેયસુતં-૨
[૮૩] મહાનિસીહ	[આગમસુત્તાણિ-૩૯ ]	છટ્થં છેયસુતં
[૮૪] આવસ્સયં	[આગમસુત્તાણિ-૪૦ ]	પદ્મં મૂલસુતં
[૮૫] ઓહનિજુત્તિ	[આગમસુત્તાણિ-૪૧/૧ ]	વીઅં મૂલસુતં-૧
[૮૬] પિંડનિજુત્તિ	[આગમસુત્તાણિ-૪૧/૨ ]	વીઅં મૂલસુતં-૨
[૮૭] દસવેયાલિઅં	[આગમસુત્તાણિ-૪૨ ]	તદ્અં મૂલસુતં
[૮૮] ઉત્તરજ્ઞયણં	[આગમસુત્તાણિ-૪૩ ]	ચતુત્થં મૂલસુતં
[૮૯] નંદીસૂયં	[આગમસુત્તાણિ-૪૪ ]	પદ્મા ચૂલિયા
[૯૦] અણુઓગદારાઈ	[આગમસુત્તાણિ-૪૫ ]	વિતિયા ચૂલિયા

નોંધ : પ્રકાશન ૧તી ૪૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૯૦ આગમ શ્રુત પ્રકાશને પ્રગટ કરેલ છે.

### ● ૪૫ આગમ-સેટ ના પ્રાપ્તિસ્થાનો ●

શ્રી ડી. કે. કક્કર ૧૬, અલકાનગર, ટ્રિયલક્ષ્મી મિલ્સ પાસે એલેમ્બિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસર્સર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે “આગમ શ્રુત પ્રકાશન” વડોદરા નો રૂ. ૧૫૦૦/- ની કિંમતનો ડ્રાફ્ટ આપીને જ સેટ મેળવી શકશો.

[8]

## -: પરિસિદ્ધ-નિદંસણ :-

- ૧ પદ્મં પરિસિદ્ધં - “વિસયાણુક્રમો”  
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમશિકા છે. જે માટે અમારું ભાવિ પ્રકાશન “૪૫-આગમ બૃહત્ વિસય કોસ” જેવું.
- ૨- લીયં પરિસિદ્ધં “વિસિદ્ધ સદાણુક્રમો”  
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્ષાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદાકોસ” જેવું.
- ૩- તદયં પરિસિદ્ધં- “વિસેસ નામાણુક્રમો”  
૪૫-[૪૯] આગમમાં આવતા ખાસ નામો જેવા કે ગોયમ, સોમિલ, ...વગેરે કક્ષાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- ચરુત્વં પરિસિદ્ધં - “ગાહાણુક્રમો”  
૪૫-[૪૯] આગમમાં આવતી ગાથાને ઝ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુક્રમો” જેવું.
- ૫- પંચમં પરિસિદ્ધં “સુત્તાણુક્રમો”  
૪૫-[૪૯] આગમમાં આવતા સૂત્રોને ઝ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છંદ સૂત્રો અને ઘંટપન્નતિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સમિતિ, (૨) દેવચંદ લાલભાઈ ૬૩ (૩) ઋષભદેવ કેસરીમલ પેઢી એ ત્રણ સંસ્થાના પ્રકાશનો જ લીધા છે. - ઘંટ પન્નતિ માટે હસ્ત લિખિત પ્રત લીધેલી છે, - યુક્તકવ્પો - પૂ. પુન્યવિજયજી મ.સંપાદિત, નિસીરૂ-પૂ.કનૈયાલાલજી સંપાદિત, વવહાર, પૂ.મુનિ માણેક સંપાદિત, જીયકવ્પો. પૂ.જનવિજયજી સંપાદિત છે મહાનિસીરૂ ની વૃત્તિનથી. દસાસુવ્યક્ષંધ ની ચૂર્ણિજ મળી છે. માટે તેનું ક્રમાંકન થઈ શકેલ નથી.

૪૫-આગમના પ્રધાન આર્થિક અનુદાતા

સ.મ્ય.ફ શુ.તા.નુ.રા.ગી શ્ર.મ.શો.પા.સિ.કા

શ્રીમતી નયનાબહેન રમેશચંદ્ર શાહ - પરિવાર, વડોદરા

પ્રસ્તુત આગમમાં મુખ્ય દ્રવ્ય સહાયક

૧૩ શ્રી અલકાપુરી-ચેતામ્બર મૂર્તિપૂજક જૈનસંઘ-વડોદરા-૬. નયનાબેન